

الجزيرة

سيناريو و حوار : محمد دياب

ن/خ = نهار/ خارجي
ل/لا = ليل / داخلي

غروب / خ

م / 1

منظر بارنورامي من أعلى

أراضي زراعيه خضراء تمتد على جانبي النيل
هناك جزيره أقرب للضفة الشرقية من النيل . مساحتها حوالي نصف مساحه جزيره الزمالك
. وسط كل أرض زراعيه منزل متوضع من الطوب اللبن .
السماء تظلم أكثر فأكثر .. نقترب من ضوء يتحرك بجانب منزل معزول ومتهاك في
الجزيره .
الضوء يتحرك أياً وذهاباً .

نقترب لأكثر لنرى أن هذا الضوء هو عبارة عن فحم مشتعل في ماشه .
هناك من يحمل الماشه التي بها الفحم ويلوح بها أياً وذهاباً لكي يزداد الفحم توهجاً .
يقرب من يحمل الماشه وجهه من الفحم لكي ينفخ فيه ... ينير ضوء الفحم وجهه .. أنه شاب
في منتصف الثلاثينات .. يبدو متقد الذكاء .. أنه على حفني .
ينفخ في الفحم فيتوهج أكثر وتصدر منه شرارات متطايره تتوهج ثم تخبو .. تقترب
الشرارات من وجهه لكنه لا يهتز ولا يطرف له جفن .
يرجع على حفني إلي داخل المصطبه الخاصة بالمنزل المتهاك . " المصطبة هي المكان
المخصص للجلوس واستقبال الضيوف وشرب الشيشة في المنازل الريفيه .. تفرش بالحصير
والشلت " المكان مغطى بالدخان .

مصدر الدخان هو جوزة يتبادل عليها أثنان بيدوان أكبر سناً من على حفني .
يمد أحدهما يده المعدنية ليأخذ فحماً من ماشة علي ويضبط به الجوزة وهو أبو حديد.
ويسعل الآخر كاشفاً فما أختقت أسنانه الاماميه وهو هريدي .
يمرر هريدي الجوزة لعلی حفني الذي يمررها مباشرة لأبو حديد بدون أن يشرب منها.
يضحك بشده

أبو حديد

ما بتشربش ليه

على حفني

لما يبقى فيه شغل ما بشربش

هريدي

ما ده شغل .. أحنأ بنجرب البضاعة قبل ما نبعها

على حفني

وايه رأيك

هريدي

تسلم يد اللي أشتري ويسلم خطاف اللي عمر
يضحكون .. ترب حشيش عديده أمامهم .. بعضها وضع داخل أكياس بلاستيك محكمه
الأغلاق .. على حفني يكمل وضع باقي ترب الحشيش داخل أكياس ويحكم غلقها ..

أبو حديد

(لعلی)

ما تروح تشوف مرتك .. مش قلت شكلها هتولد
الليلة

على حفني

ليها رب

هريدي

أنت خايف نغدر بيك

على حفني

حرص ولا تخونش

أبو حديد

اللي هيغدر منا بالتاني .. مش كفايه يقتله .. ده
لازم يقتل كل واحد في عيلته .. رجاله ونسوان ..
عيال وكبار .. يعني مالأخر محدش فينا يقدر
يغدر ..

هريدي

خوفنا من بعضنا هو الأمان

م/2 ل/د

مركز شرطة اسيوط

فؤاد بسيوني ضابط يحمل رتبة نقيب يشرف لعساكر ومجموعة من الصولات ..

يرفع فؤاد بسيوني صورة هريدي

فؤاد بسيوني

هريدي من عيله الرحايمه .. حرامي ترب .. كان

بيسرق الأكفان والسنان الذهب للميتين

نرى هريدي وسط أحد القبور وقت الغروب وهو يشد من رأس جثته سنه ذهبية يتأمل السنه
ويبتسم ابتسامه تخلو من سنتين أماميتين .

فؤاد بسيوني

بس الفقر خلي الشغلانه دي ما بقتش تجيب

همها ..

- هريدي يفتح فم أحد الميتين داخل قبره باحثاً عن أسنان .. الميت فمه فارغ بلا

أسنان على الإطلاق ..

- يخرج هريدي الكفن .. أنه عباره عن قطعه قماش فرقه مثقوبه هريدي في غضب

يرمي الكفن في وجه الميت ويضرب جثته المره بعد الأخرى ..

يرفع فؤاد بسيوني صورة أبو حديد ..

فؤاد بسيوني

أبو حديد من عيله النجايمه .. قاتل أجبر كان

ناشنجي أجير درجة أولى
نرى أبو حديد مختبأ وسط زراعات وهو ينشن على شخص ما شخص وسط أشخاص كثيرة مما
يصعب ضربه . يطلق عليه النار ليرديه قتيلاً وسط صراخ من حوله .
أبو حديد لا يبدو عليه الإثارة لأنه أصابه بهذه الصعوبة بل ينفخ في إصبعه وهو يراقبه من بعيد
في برود

فؤاد بسيوني (V.O)

لما قامت الحرب خاف يخذوه في الجيش
أبو حديد أمام شريط السكة الحديد في تردد ينظر لأصبعه في حزن .. فهذا الأصبع هو مصدر
رزقه ..

فؤاد بسيوني (V.O)

فقرر بقطع صابغه بس ماقدرش يقطعوا بنفسه
سيد حديد مستلقي بجانب شريط السكة الحديد .. ماداً أصبعه فوق شريط السكة الحديد في
خوف

فؤاد بسيوني (V.O)

حطه على شريط السكة الحديد

القطار يقترب وأبو حديد يغمض عينه .. ثم صرخه رهيبه

فؤاد بسيوني (V.O)

أيداه اليمين راحت

3 م برفع صورة لعلي حفني ..
شوارع الجزيرة ن/خ

فؤاد بسيوني (V.O)

على حفني من عيله الزعايره .. من وهو عنده
عشر سنين هربان في الجبل من تار من عيله كان
أسمها الطحان

على جبل

ن/خ

4 م

على حفني صغيراً يتأمل الجزيرة والقريه من فوق الجبل ..

فؤاد بسيوني (V.O)

واحد ورا واحد من عيله الطحان كانوا بيخفقوا

ن/خ

5 م

شوارع الجزيرة

على حفني يظهر وراء شخص يذبحه بالسكين ثم يجره بعيداً ..
على حفني يصوب بندقيته نحو شخص بجانب النيل ليرديه قتيلاً فيأخذ التيار جثته بعيداً

فؤاد بسيوني (V.O)

أو بيلاقوهم مقتولين .

م 6 أرض زراعية ن/خ
أحد الفلاحين يزرع يرتطم فأسه بجثة

م 7 أحد المنازل ن/د
منزل به خمس جثث لأسرة ... أب و أم و أطفالهم

فؤاد بسيوني (V.O)

أو بيلاقوهم مقتولين .

لما على حفني بقى عنده ستاشر سنه مكانش ولا
واحد من عيله الطحان عايش .. لا راجل ولا ست
ولا عيل ..

فؤاد بسيوني

(بحسم)

الليلة الثلاثة دول هيقيموا بأول تهريبة مخدرات
ليهم مع بعض .. أولاد أكبر ثلاث عيلات في
الجزيره .. إحنا قدام عناصر إجراميه بتحول
نشاطها بسبب ظروفها أو طموحها .. للجريمة
المنظمة .

ل/د

م 8

منزل متهالك

على حفني وأبو حديد و هريدي يجهزون ويعمرون بناقهم .. طرقات على باب المنزل ..
الثلاثة يتحفزون .. يفتح أبو حديد الباب في بطء .. أنه طفل صغير حسن الأخ الأصغر
لعلي ..
أبو حديد يمسكه من جلابيته ..

أبو حديد

أنتى مين يا واد

يضرب حسن يد أبو حديد

على حفني

ده أخوى الصغير

**حسن
(علي حفني)**

مرتك بتولد

علي حفني

قلها تمسك نفسها شويه دي لسه في السابع ..

حسن

هو بمزاجها

علي حفني ينظر لأبو سنه وسيد حديد اللذان ينظران لبعضهما ..

هريدي

روح شوف مرتك يا علي .. لو لحقتنا قبل اتناشر

لحقتنا ملحقتناش .. أحنا قدها

ينظر لهما علي حفني متردداً

أبو حديد

متخافش على نصيبك

ينظر لهما علي حفني

علي حفني

هنتقابل هنه بعدها

يهزون رؤسهم ..

هريدي

(بيتسم)

أمان يا علي ..

ل/د

م/9

منزل علي حفني

- علي حفني ينتظر خارج الغرفة .. زوجته تصرخ في ألم في الداخل .. الساعة علي الحائط .. علي حفني شارده ما بين صراخ زوجته وصوت عقارب الساعة التي تقرب من الثانية عشر ..

ل/خ

م/10

أرض زراعية

هريدي و سيد حديد في النيل يسبحون من ضفة إلى الأخرى ويجرون حبلاً به كيس المخدرات بهدوء وحذر يصلون إلى الشاطئ .. ثم يخرجون ويخرجون من الكيس السلاح والمخدرات مع بداية تحركهم يسمع هريدي صوتاً .. يرفع سلاحه في شك .. فجأة يظهر البوليس من كل جهة .. لكن هريدي وأبو حديد يرفضان الاستلام ويطلقان النار الشرطة تمطرهم بالرصاص ..
- صراخ الزوجة يتوقف داخل غرفة زوجه علي .
يتغير وجه علي حفني إلى الابتسام .

ل/د

م/11

مصلحة حكومية

موظف يملاً استمارة شهادة ميلاد مكتوب بها النوع : ذكر والتاريخ 1/8/1968 في خانة الأب علي حفني وأمام خانة الاسم يكتب : منصور علي حفني ثم تختم بختم النسر .

(تتر الفيلم)

ن/لا

12/م

قطار

القطار يقطع الأراضي الزراعية الشاسعة . القطار ملئ بالركاب على مختلف المستويات لكن يجمع معظمهم الملابس الصعيدية . هناك بعض الأجانب الذين يحملون حقائبهم على ظهورهم منهم من يقرأ ومنهم من يستمع لموسيقى على الـ IPOD الخاص به . ارتطام عنيف يدفع الجميع من على مقاعدهم للأمام . صوت احتكاك معدني يصم الأذان . السائق المساعد وحده في عربة المقدمة يحاول أن يسيطر على أعصابه ليسيطر على القطار . يدخل عليه سائق القطار جزعاً .

السائق

حصل إيه ؟!!

المساعد

خبطنا عربية نقل ... معرفش طلعتلي منين ينظر السائق من النافذة إلى الخلف .. لا يرى شيئاً ..

السائق

(بغضب)

مزلقان القرنة .. أكيد محدش واقف عليه .. كل يومين عربية نقل تتشال فيه ..

المساعد

(برعب)

ريس

السائق

ميهمكش أنت ملكش دعوة .. أنا هكلم رئيس الوريية يشير المساعد وعينه تتسعان للأفق أمامه .

المساعد

ريس

قائد القطار أمامه يجد ثلاث شاحنات عملاقة تسد الطريق أمامه على بعد كيلو متر واحد . تتسع عيناه في ذهول .

- الركاب الذين يحاولون النظر من زجاج نوافذهم ليتأكدوا إن كل شئ على ما يرام تباغتهم فرامل القطار العنيفة .

- يصرخ الكثير من محاولة توقيف القطار . كل منهم يمسك بما تصل إليه يده .
يقع الكثير منهم أرضاً .
- يقف القطار خطوات قبل الشاحنات .
- السائق ومساعدته مبللان بالعرق وينهجان في توتر شديد .
- يقف الركاب بعد أن تنفسوا الصعداء . ينظر الجميع خارج القطار ليجدوا طوفان من الأشباح الملتئمين على أحصنة مسلحين بأسلحة رشاشة تبدو غريبة ومعدلة. فلكل سلاح خزانتان ملتصقتان ببعضهما .
- يقود الملتئمين شخص مهيب على حصانه ..

مساعد السائق (هامساً)

مين ده ؟

السائق

منصور الحفني .. كبير الجزيرة

ل/

13/م

وزارة الداخلية (غرفة اجتماعات)

لواءات يجلسون على طاولة اجتماعات يجلس على رأسها وزير الداخلية ... على البروجيكتور تعرض صور لمناشيتات الجرائد عن ايقاف القطار و تفتيش القطار عن طريق ملتئمين في الصعيد .. يتوقف البوجيكتور

الوزير

ايه الحكاية دي كمان ...

لواء

قطع الطرق بيحصل كثير في الصعيد يا افندم
بس الجرايد دي مفتحة عينها و بتعمل من الحبة
قبة ..

ينظر له الوزير نظرة من لا يعجبه الأمر ...

الوزير

عذر أقبح من ذنب ...

يمتقع وجه اللواء ..

لواء آخر

مديرية أمن قنا لسه بتعد تقرير عن الموضوع ..

الوزير

مش كفاية .. أنا عايز حد هناك ...

لواء

أروح أنا يا افندم

لواء آخر

كلنا تحت أمرك ..

يهز الوزير رأيه نافيا

اللواء أحمد أبو هيبه

سيادتك عايز حد يبقى تحت الرادار ...رتية
صغيرة محدش يقلق منه ... حد مخدمش في
الصعيد ..

الوزير

بالضبط ...

يشير اللواء أحمد أبو هيبه للشخص وراء البروجيكتور فيشغله مرة أخرى لتظهر صورة طارق
بملايس الاقتحام وسط فريقه ..

اللواء أحمد أبو هيبه

أول امبارح كان في مهمة خلية ارهابية
حاصرتها الشرطة بقيادة المقدم وائل صديق ...
الرائد طارق بسيوني رأيه يفاوضوهم لأن
الارهابيين معاهم سلاح كثير بس المقدم وائل
رفض ..

صور على البروجيكتور بجثت قتلى من الجانبين ...

اللواء أحمد أبو هيبه

مات عدد كبير من الارهابيين و الشرطة و اتحولت
لحرب ... لكن طارق و فريقه دخلوا ...

(cut)

طارق يقتحم هو فريقه و يضربون أيدي و أرجل الارهابيين و لا يقتلونهم باحتراف شديد ..

(cut)

اللواء أحمد أبو هيبه

و قدروا يسيطروا على الوضع من غير ولا حد
يموت ...

(cut)

طارق و فريقه في مواجهة مع مجموعة من الارهابيين المتوترين ... طارق يشير لهم أن
يضعوا سلاحهم أرضا و يؤكد أنهم لن يقتلونهم ... يقترب منهم مما يزيد توترهم لكنه
بشجاعة يهدأهم حتى يضعوا سلاحهم أرضا

(cut)

اللواء أحمد أبو هيبه

رائد طارق فؤاد بسيوني ... سجله نظيف , عمره
ماخدم في الصعيد ... خدم ثلاث سنين في الأمم
المتحدة و تقاريره كلها ممتازة ... أنا شايفه
المناسب للمهمة دي ...

البروجيكتور يعرض صورة لطارق بعد الاقتحام و قد قبض على الارهابيين ووراءهم صناديق
سلاح

ل/لاخ

منطقة شعبية

م 14

لقطات لدخول القوات الحارة.
لقطات لمحاولة إقحام الضابط الكبير المبنى و قتله هو بعض أفراد من القوة.
- إشارة طارق لأحد الضباط أن يتفاوض مع المجرم ثم تسلل طارق لإقحام المبنى من الخلف بطريقة بطولية و قتل المجرم و تحرير الرهائن من أطفال الشوارع.

ن/لا

م / 15

مستشفى

طارق يمشي في أروقة المستشفى حتى يصل إلى غرفة تخرج منها امرأة في الأربعينات .
إنها أخته أمني . تغلق الباب في بطنه وهي تحاول عدم إصدار أي صوت . ترى طارق فتنبسم .

أمني

قعد يسأل عليك طول الليل

طارق (يببسم)

عايزني أجيبلو الجرايد من ورا الدكاتره .. أنتي
جوزك لسه ماجاش

أمني

مأمورية جديدة .. أخويا ضابط ويايايا ضابط
مش أعقل .. لا .. أتجوز واحد أنا كمان

يدخل طارق الغرفة

ن/لا

م/16

غرفة / مستشفى

اللواء فؤاد بسيوني على سرير يقرأ الجرائد .. بمجرد شعوره بدخول أحد إلى الغرفة يخبئ
الجريدة تحت السرير لكن طارق يلمحه ..

طارق

(يضحك)

أمال كنت بتسأل عليا ليه لما عرفت تجيب الجرنان

فؤاد بسيوني

كنت عايزاك تجيبلي سجائر

طارق

سجائر ليه يا سيادة اللوا أنت مش عارف أنت
هنا ليه

فؤاد بسيوني(بسخرية)

المريض الوحش .. سرطان رئة .. يعنى الصلي

بيخوفونا بيه حصل .. يبقى أشرب براحتي بقه ..
طارق يجلس على كرسي بجانبه ويلتقط الجريدة ويناولها له ..

طارق

أنت تشرب ميه تشرب الدوا .. أنما تشرب
سجاير .. ماينفعلش .. أقرئ أقرئ الجرايد قبل ما
أمانى تيجي وتأخذها منك هي كمان ..

فؤاد بسيوني

مابتسمعش كلامي أبداً ..

يأخذ الجريدة بعنف من طارق

فؤاد بسيوني

سمعت عن موضوع قطر الصعيد
تدخل أمانى بظهرها وهي تجر وراءها منضدة بعجل عليها طعام مسلوق ..

أمانى

يا بابا أنت المفروض تبقى في راحة تامة .. يعني
مقيش جرايد ولا دوشة ..

فؤاد بسيوني

لا جرايد ولا سجاير ولا أكل .. متكتمني نفسي
أحسن علشان تبقى راحة تامة فعلاً ..

تضع أمانى الأكل أمامه .

أمانى

بعد الشر ... خذ الجرتان يا طارق

يناول الجريدة لطارق ويشير للموضوع في الصفحة الأولى الذي يشير إلى إيقاف قطار
الصعيد

فؤاد بسيوني

أقرأ علشان لما يسألوك تبقى عارف

يعقد طارق حاجبيه في عدم فهم لكنه يقرأ المقال .

ن/د

م / 17

وزارة الداخلية / مكتب مساعد الوزير

طارق

طبعاً يا فندم سمعت عنه .. ده في كل الجرايد
مساعد الوزير على مكتبه وأمامه يجلس طارق . مساعد الوزير يتفحص ملف طارق الذي
يحتوي على صورته بملابس الشرطة ومعلومات عنه .

مساعد وزير الداخلية

أنت طلبت تنهي مهمتك ليه في الأمم المت
متدلع ووحشك بيتكو .

طارق

لا يا فندم

مساعد وزير الداخلية

دخلت الشرطة واسطة ودخلت الامم المتحدة
واسطة وخرجت منها واسطة .. بتخش الحمام
كمان واسطة ولا لوجدك ..

يمتقع وجه طارق . يقف ويعطي مساعد الوزير التحية العسكرية مستأذناً في الانصراف.

طارق

هستائن حضرتك يا فندم

مساعد وزير الداخلية

أقعد .. أقعد يا خويا ما تتحمقش كده , أبوك
أستاذنا و موسى عليك ...هو عامل ايه دلوقت .

يطلق زفيراً

طارق

أحسن الحمد لله

مساعد وزير الداخلية

اسمع الموضوع تقيل أنا عارف أن أنت ضابط
شاطر بس رسالة الماجستير اللي انت عملتها عن
أصل الجريمة و تكوين الشخصية في الأماكن
العشوائية هي اللي رشحتك للعملية دي ...

يتوقف مساعد الوزير ويشير له على خريطة

مساعد الوزير

الصعيد ... الصعيد منطقة الوزارة مهتمه بيها
جدا في الفترة اللي جاية , مش عاوزين نستنا لما
خط جديد يظهر لنا .. أو بؤر ارهابية جديدة
تعملنا مشاكل ..

طارق

طب أنا هايكون ايه دوري هناك و أنا حتى
ماخدمتش في الصعيد ...

مساعد الوزير

هو ده المطلوب , عين جديدة بتعرف تقشش و
تدور , و انت عندك الميزه دي , حادثة القطر تبان
انها صغيرة و التحقيق اتقفل فيها , ناس وقفوا
قطر و هربوا ... التفاصيل اللي ادتها الأهالي
كالعادة ماتقيدش بحاجة , ممكن يكون خوف ,
ممكن يكون تواطؤ , عندنا أسماء كتير و
احتمالات برضه كتير , لكن المهم نلحق بقبل ما

يطلع لنا وحش جديد , مش عاوزين خط صعيد أو
عزت حفني ثاني , و ده دورك .

طارق

مش هعرف أشتغل غير مع المجموعة بتاعتي يا
أفندم

مساعد الوزير

خدهم معاك .. الاداره هناك عندها أوامر تسهل
لك كل حاجة , اعتبر نفسك هناك أكبر راس في
الداخلية

طارق

سياده الوزير !!!

مساعد الوزير

مش للدرجه دي .. اتفضل مع السلامة ...
و أدي ملف عن الصعيد بنديه لأي ضابط جديد
بيشتغل هناك ... عايزك من بكره الصبح تطلع
على أسيوط

جوز أختك هناك ماسك مدير مباحث المديرية
ضابط شاطر و تاريخه مشرف عايزك تبقى
زيه ...

طارق يأخذ ملف الصعيد ..

- قطع -

م / 12

ن / د

قطار

القطار يتحرك .. الأراضي الزراعية على الجانب الأيسر والتل على الجانب الأيمن.
طارق يتفح الملف المكتوب عليه (العلاقات العامة بوزارة الداخلية) الصعيد
أول صفحة هناك خريطة لجمهورية مصر العربية .

بصوت رشدي V.O

يمتد الصعيد من جنوب الجيزة شمالاً وحتى
أسوان جنوباً .

م 13

ن/خ
نرى صعايدة في جنوب الجيزة تبدو عليهم المدنية قليلاً ثم نرى أسوان والصعايدة فيه نوى
بشرة داكنة .

V.O

الصعيد مكون من أجناس وأعراق مختلفة ..
أقباط

نرى أقباط من الصعايدة في قداس وفي جنازة ومدافن عليها صليبان

ن/خ

14 /م

صحراء

V.O

وقبائل مهاجرة من شبه الجزيرة العربية
نرى قبائل من اليمن في شكل بدوي قديم يعود للقرن الخامس عشر وهم على قافلة من
الجمال وسط الصحراء متجهون غرباً .

صحراء

15 /م

ن/خ

V.O

وقبائل مهاجرة من المغرب
قبائل أخرى يبدون مختلفين عرقياً من المغرب على قافلة من الجمال متجهين شرقاً .

V.O

وعلشان معظم الناس دي كانت حضارتها
صحراوية .. فهم أكثر ناس تقدر الأرض
الزراعية . الأرض للصعيدي زي شرفه ما يقدرش
يفرط فيها .

ن/خ

16/م

أرض زراعية

صعيدي يزرع في أرضه المطلة على النيل .. غرقان في عرقه لكنه يبدو مستمتعاً

V.O

علشان كده بيع الأرض زي بيع العرض .. ما
تقدرش بعده ترفع راسك وسط الناس
صعيدي وسط منازل قرية مطأطئ الراس والجميع ينظرون إليه باشمنزاز .

V.O

السلح بالنسبة للصعيدي زي إيده أو رجله ما
يستغناش عنها ..

ل/خ

17/م

السوق

نرى أحد أسواق الصعيد بالسرعة البطئية .. ونرى بأشعة إكس سلاح مختلف مختفي تحت
ملابس كل صعيدي .

V.O

زراعة المخدرات بالنسبة لكثير من الصعايدة زيها
زي زراعة الجرجير .. خير الأرض جايباه
رجال ونساء وأطفال يعملون في زراعة أرض بها أفيون ..

V.O

و دول المشروبات الرسمية المعتمدة عندهم
السجاير والشاي والحشيش والأفيون .

- جلسة أصدقاء دائرية في مصطبة . يتم شرب فيها كوب الشاي وراء الآخر وراء الآخر وراء الآخر .
- ويتم تدخين الحشيش على الجوزة مراراً وتكراراً . ثم لف سجاير حشيش مراراً وتكراراً .
- بين الهنيهة والأخرى يتم وضع قطعة أفيون تحت لسان كل منهم .

ن / خ ل د

18 / م

Stock Shot

V.O

مش كل الصعايده كده .. بس كل الصعايده النار عندهم لو مانتهاش بصلح .. مش هينتهي أبداً صلح يحمل فيه طرف كفته . هناك ذبائح والمكان مليء برجال الشرطة .

V.O

لأن حتى لو القاتل هرب أو مات بتورث العيلة النار . وتفضل كل عيله تقتل أهم واحد في العيلة الثانية وهكذا إلى ما لا نهاية .

ن / د

19 / م

سيارة

رشدي وهدان

هنا فيه العادات و التقاليد و بعدين أي حاجة تانية ...

صوت رشدي وهدان زوج أخت طارق هو صوت ال (V.O) الذي كان يشرح موضوع الصعيد ..

رشدي و بجانبه طارق في الكرسي الخلفي لسيارة فاخرة يقودها عسكري .. يبدو كبيراً على أن يكون لكي يكون سائقاً .. أنه عواد ..

وراءهم سيارة أخرى يقودها عسكري آخر بها خالد زميل طارق و فريق الاقتحام ...

رشدي

بقولك تعالي هنا الصعيد .. من زمان أتفرج وشوف

طارق

ده مراتك مبرضاش تيجي كنت هاجي أنا

رشدي

أختك دي .. ولا بلاش .. مش طايقه الصعيد وهي
مولوده هنا أساساً

طارق

متقلهاش كده .. ده هي بتكره شغل الضباط علشان
شغل بابا خلاها تتولد هنا ..

تعبير الطريق جاموسه يجرها شخص يحمل بندقيه إليه لا يهتم لوجود سياره الشرطه ..

طارق

أنا مش قادر أفهم أنتوا بتتعاملوا هنا إزاي

رشدي

زي مدير المدرسه اللي عنده فصل مشاغبين هيغشوا
هيغشوا .. يعمل معاهم إيه

طارق

يعملهم محاضر غش ويرفدهم كلهم ..

رشدي

لا .. شكل المدرسه يبقى إزاي وسط المدارس الثانيه
وكلها غشاشين .. أنت تسيبهم يعملوا اللي هما
عايزينه .. بس صوتهم ميطلعش بره الفصل ..

طارق

ويطلعوا هما الأوائل على المدرسه ..

رشدي

(بسخرية)

لا لا الفصل ده كله بييسقط في الآخر .. لأنهم غشوا
من فشله زيهم ..

يبتسم رشدي .. الأراضي الزراعيه ورائها الجبال تبدو خلايه ..

ن / خ

م / 20

أمام مديرية أمن قنا

سيارة رشدي تتوقف أمام مديرية أمن قنا , يخرج منها رشدي و طارق , تتوقف ورائهم
سيارة فريق طارق ..

يفتح خالد زجاج السيارة في ارهاق ...

خالد

احنا هانطلع على الاستراحة نريح شوية يا باشا

طارق

روحوا بس خللي تليفوناتكم مفتوحة

رشدي يصعد السلالم أمام المديرية و معه طارق .. العساكر تنتفض و تؤدي التحية العسكرية بمجرد رؤية رشدي ...

رشدي

لو عجبك الجو هنا بعد ماتخلص المأمورية دي ,
هاجيبك عندي المديرية ..

طارق

يا سلام و أعيش نفس الفيلم تاني .. بس المرة
دي بدل ماهايقولوا مسنود من أبوه اللواء ,
هايقولوا مسنود من جوز أخته العقيد

رشدي

عميد بعد اذنك ..

طارق

و الله !! ألف مبروك

رشدي

تفتكر في كل ترقية ماحدث كان بيقول نفس
الكلام ... ده بيترقى علشان حماه و الكلام
الهجص ده ... عمرها ما فرقت معايا , أنا عارف
أنا مين و باشتغل ازاي , خلي الناس تخبط
دماغها في الحيط ..

طارق

معلش أنا حساس شوية

رشدي

انت هاتقوللي , ده أنت ماكنتش هاتقدم في كلية
الشرطة لولا أنا اللي قدمتك ورقك ..

يرن تليفون رشدي , يتفحصه

طارق

لسه بادعي عليك لحد النهارده

بيتسم رشدي ...

رشدي

أختك يا عم أهه , و التقرير اليومي عن مشاكل
البيت ..

يرد على السماعه ...

ن / د

م / 21

مكتب رشدي

رشدي يجلس على مكتبه الفاخر , و أمامه يجلس طارق الذي يشرب الليمون ..

طارق

أبدأ إزاي .. أستجوب شهود حادثة القتل !!

رشدي (بسخرية)

اللي انت عايزه .. أنا مقدرش أديك معلومات ..
مش أنت الأوامر اللي عندك ما تخذش معلومات
المديرية وتجييها من تحرياتك مع الناس ..

طارق

بس دي مش معلومات .. أنا باقولك أبدأ ازاي ,
مش أشتغل ازاي ..

رشدي

بص يا سيدي , أنا عندي ملف فيه أسماء الشهود
بتوع حادثة القطر , اللي اتكلموا منهم قالوا ان
منصور الحفني هو اللي وقف القطر , بس
هافتح محضر كله هايقول ماشفتش حاجة ...

طارق

من أولها كده

رشدي

أنت لسه شفت حاجة .. الناس هنا عايزه كتالوج
علشان تعرف تفهمهم ..

طارق

على العموم أنا مش فارق معايا الكلام الرسمي ,
أنا عاير أعرف كل حاجة الناس بتقولها عليه ..

رشدي

يرفع سماعة هاتفه و يضغط رقما داخليا ..
يبقى تنزل الجزيرة و هابت معاك العسكري
السواق بتاعي ليه قرايب هناك , لأن الناس مش
هاتكلمك لو رايج لوحدهك ... (في التليفون)
اندھلي عواد يا ابني

ن / خ

م / 22

شوارع الجزيرة

عواد يسير وورائه طارق .. عواد يسبقه ويمشي بجديه .. طارق يحاول اللحاق به وهو يتأمل
شوارع ومباني الجزيرة .. هناك العديد من الدشم أمام نوافذ المنازل .. هناك أبراج عالية
للحراسه وسط الأراضي الزراعيه ..
هناك طفلين يلعبون سيجا على الأرض .. عندما يقتربون منهم يرى طارق أنهم يلعبون
سيجا على الرمال لكن بالرصاص الحي ..
يتوقف طارق وينحني للطفلان ويمسك رصاصه ..

طارق

ده رصاص حي .. دي ممكن ينفجر ويعوركو ..
ينظر له الطفلان وكأنه كائن فضائي .. تبدو على ملامحهم الصرامة والجمود .. يظهر عواد
ورائه ..

عواد

دول بيفكوا السلاح ويركبوه حته حته أحسن من
العساكر عندنا ..
يلتفت لهم طارق .. ثم يترك الرصاصه مكانها .. يظل الطفلين يتابعونه بأعينهما ..
يسير مره أخرى وراء عواد ..

عواد

فكرتني بأول ما رشدي بيه وصل .. كان عامل زييك

طارق يتأمل شوارع الجزيرة الضيقة و منازلها المحصنة بالدوشم ...
عواد يتردد بين اليمين واليسار ..

عواد

و الله مافاكر

طارق

أبن عمك ومتعرفش بيته ..

عواد (ببساطه)

هنا أي حد قريبك يبقى واد عمك .. أنا حتى
معرفش هو يقربلي إيه ..
يتوقف طارق في دهشه بينما يستمر عواد في السير ..
Cut

ن / خ

م / 23

كوخ

الكوخ يطل على شاطئ النيل .. خشب متناثر في كل مكان .. هياكل مراكب في طور
التصنيع ..

طارق يجلس في الجبهه المقابله لعواد وأبن عمه مظهر ..
يبدو على مظهر السعاده وهو يضع يده حول عواد .. يشربون الشاي ..

مظهر (لعواد)

أهلاً .. أهلاً .. شرفتنا يا غالي ..

(لطارق)

تشرب الشاي ونقوم علطول

مظهر

ضيف فؤاد ضيفنا وطلباته أوامر

طارق بيتسم في اندهاش .. بيتسم عواد و ينظر لطارق

عواد (لمظهر)

عواد ... واد عمك عواد

ن / خ

م / 24

شوارع النخيله

مظهر يتبعه طارق و عواد , يتوقف مظهر أمام سيدة عجوز أمام منزلها
مظهر
أزيك يا خاله ..

الخاله

أنت مين

مظهر

مظهر بن رمضان الكيلاني .. واد عمكو .. كنت
عايز أسئلك على منصور حفني ..

الخاله

راجل زين .. هو اللي فاتح بيوت البلد كلها
طارق وعواد ومظهر يتحدثون إلي رجل كهل أمام منزل آخر ...

كهل

أنا ما أقدرش على مصاريف العلاج فبيعتله
الروشته و يقوم ببيعتي الدوا على طول ..

ن / خ

م / 25

مصنع أنابيب

تقف أمام المصنع سيارات تحمل أنابيب
طارق وعواد ومظهر يتبعون أحد السائقين المتجه لسيارته

السائق

بطلوني أخذ الطريق الزراعي .. كل ما أعدي من
قدام الجزيرة يوقفوني ..

فلاش باك : مجموعة من الملتمين المسلحين توقف سيارته النصف نقل المحملة بالأنابيب .

السائق

ياخذوا كل الأنابيب .. ويهددوني لو بلغت عليهم
هيبقى حسابي مع منصور الحفني

فلاش باك : ينزلون الأنابيب ويتركونه

السائق

مفيش عربية محمله بضاعة بقت بتأخذ طريق
الجزيرة .

- قطع -

أمام منزل آخر ...

شباب

بيصرف على تعليمي أنا و اخواتي !! من ساعة
لما أبويا دخل السجن و احنا مالناش غيره ..

- قطع -

طارق يكمل سؤال الخالة ..

طارق

منصور ده تاجر مخدرات يا حاجة ..

الخالة

لا مخدرات ايه أنا أعرف انه بيزرع أفيون بس ..

- قطع -

نفس الشاب

الشباب

ياريت الناس كلها تبقى تجار مخدرات لو هايبقوا
زيه ..

الكهل

الكهل

أنا أعرف أنه بيبيعه رخيص يا أبني ..

ن / د

م / 26

البوابة الخارجية لمنزل عائلة ناجح

طارق و عواد أمام المنزل.

عواد

لا يا باشا مش هاينفع تقرب من الناس دول ..

طارق

ليه .. ايه الحكاية ..

عواد

أصل ده موضوع قديم يا باشا ..

طارق

له علاقة بمنصور ؟؟

عواد

له علاقة بالبلد كلها ... البلد كانت متقسمة بين
ثلاثة .. ولاد حفني , و النجايحة , و النجايحة

ن / خ

م / 36

أمام منزل النجايحة

عواد و طارق ما بين المنازل ...

عواد

عملوا عملية سوا و اتقبض فيها على هريدي و
ناجح و عمر ما النجايحة صدقوا ان علي حفني
مالوش دخل باللي حصلهم , و كبير الخلاف أكثر
بعد ما منصور بقى كبير الجزيرة , و دلوقت
مايقدرش حد من النجايحة يعدي عتبة داره ...
اللي يخرج بره داره رجالة منصور يطخه
طوالي ...

طارق

ولما كل الناس عارفه, ليه ما اتقبضش على
منصور لحد دلوقت ؟؟

عواد

عمر ما جالنا بلاغ منهم ضده يا بيه اللي بيحرك
الناس هنا مش الخوف .. العيب .. وهنا عيبه يا
بيه لما الحكومه هي اللي تاخذك حقت ..

تظهر فتاة تحمل في يدها أكياس تبدو ثقيلة من الخضروات والفواكه . إنها كريمة. يتبادل طارق معها نظرة قبل أن تختفي داخل المنزل الذي كان به توفيق .

طارق

منصور سايب ستات النجايحه ؟

عواد

منصور عنده الرجاله زي الحريم

يغمز عواد بعينه ..

عواد

بس دي كريمه

يلتفت له طارق محاولاً الفهم ..

خ / ل

خارج الاستراحه

م / 37

-

عربة الشرطه ينزل منها ايهاب وخالد أمامهم طارق ..

ايهاب

عربية المراقبة في مكانها .. و أنا جاهز ...

خالد

و احنا تمام مستنيين اشارتك ...

طارق

ريحوا النهارده علشان بعد كده مافيش راحة ..

قطع

ل / د

38 م

الاستراحة

طارق يخرج من الحمام يرتدي بيجامه . ينشف شعره بالفوطة ثم يفتح نور الصلاة الصغيرة المطلة على غرفة نومه .
نور الصلاة ينير نصف غرفة النوم ليكشف عن شبح يجلس على الكرسي الملاصق للسرير .
شبح يرتدي ملابس صعيدية فاخرة .
يراه طارق .
الإضاءة تكشف تصف وجه الشبح

الشبح

منصور .. منصور الحفني
يبتلع طارق المفاجأة ورغم مسدس طارق الموضوع على منضدة بين السرير ومنصور فإنه يتقدم ناحية منصور ببطء .

طارق (بثقة)

أؤمر يا منصور

منصور يعبث بالمسدس

منصور

قالولي إنك بتسال عليا في البلد قلت عايزني في حاجة

طارق

لا يا منصور لو عايزك هجيلك
يستمر طارق في تنشيف يده بثقة وكأن ما يحدث شيء عادي .
يتبادل هو ومنصور نظرة . يقوم منصور ببطء

منصور

تشرف وتانس يا بيه .. وتأخذ واجب الضيف ..

طارق

هما الضيوف عندكوا بيطلبوا على الناس كده
المسدس الآن موجه ناحية طارق ..

منصور

(بتهديد)

الضيف عندنا له الأمان ثلاث أيام محدش يسأله
فيهم على حاجه ..

يترك منصور المسدس ..

طارق

وأنت ناوي تقعد هنا الثلاث أيام

يقوم منصور من الكرسي ببطء ..

منصور

أحنا مش ضيوف يا بيه .. أحنا صحاب مكان ..

يكتب منصور أرقامه على خلفيه كارت صغير ويتركه على الكومود ..

منصور

تليفوناتى أهه لو أحتجت حاجه .. أو زهقت من كذب

الناس كلمنى ..

طارق

وأنت بقى اللي هتقولى الحقيقة يا منصور

منصور

في الصعيد ماحدث بيقول لغريب الحقيقة , بتبقى

مدفونة جوامم , علشان حتى لو قالوها مش

هايفهمها لأنه مش زيهم , لأنه غريب ... وبعدين

ياباشا و انت محتاجنا نقولك الحقيقة .. ده انت

الحكومة و عارفين كل حاجه ..

يتجه منصور نحو الباب ثم يفتحه ..

طارق

على فكره يا منصور أنا مش ضيف أنا جاي علشان

أقعد يعني نظريه الثلاث أيام بتاعتك دي

متلزمينش ..

يتقدم منصور منه خطوه ..

منصور

أنت أول مره تخدم في الصعيد يا بيه ..

طارق لا يرد ..

منصور

لأنك لو قديم كنت عرفت أن العيال الصغار لما بيلعبوا

هنا عسكر وحراميه .. العساكر هما اللي بيستخبوا

ينظران لبعضهما في تحدي ثم يخرج منصور ..

يغلق الباب خلفه

يتنفس طارق الصعداء .. يتجه إلى شرفه الاستراحة المطلة على أراضي زراعية . منصور

ينطلق بحصانه مبتعداً .

حصانه يقطع المروج الخضراء بسرعة محولاً كل ما يراه منصور إلى بحر من اللون الأخضر

- فلاش باك -

ن / خ

م / 39

قطار

بحر من اللون الأخضر هي كل ما يراه منصور من داخل القطار ... منصور يجلس بجانب الشباك , بجانبه شاب يقرأ من كتاب .. هناك طفل يبكي تحاول أمه اسكاته و يبدو على أبيه الامتعاض .. تعبر سيدة تحمل سبت على كتفها به خس .. توقف الأم السيدة التي تحمل الخس و تشتري منها ثم تعطي للطفل قطعة خس .. يراها منصور

منصور

غلط كده يا ست انت .. الخس ده مش مغسول و ممكن يبقى فيه فاشيولا ..
تأخذ السيدة الخس من ابنها ليكي مرة أخرى ... ينظر له الأب في امتعاض ..

الأب (للأم)

ادي الواد الخساية .. (لنصور) يا أخي احنا بنحبها
بالفاشيولا مالكش صالح ...

يقوم الرجل من مكانه معلنا استعداده للعراك ... لكن الشاب بجانب منصور يشير له أن يهدأ ..

الشباب

اهدي يا عم خلاص مافيش حاجة ..
يجلس الرجل مكانه ...

الشباب

الفاشيولا دي دودة بتاكل في الكبد .. ممكن بعد سنين تموته ..

الأب

يبقى انتك في عمره كام سنة زيادة ... لأنه لو مابطلش بكا أنا اللي هاموته دلوقت ..
يبأس منه الشاب و ينظر الى منصور ..

منصور

كلية طب و لا زراعة ؟؟ ما همه دول الكليتين اللي ممكن تعرف فيهم الفاشيولا .
يهز رأسه مؤكدا ..

الشباب

طب ... و انت ؟؟؟

منصور

زراعة ...

يمد الشاب يده له معرفاً نفسه ...

الشاب

أحمد الغمري ..

القطار يعبر منطقة وعرة ترفع أصوات العجل ..

منصور

منصور الحفني

يقرب منه أحمد الغمري أنه لم يسمع .

منصور (بصوت أعلى)

منصور علي الحفني

يسمعه الجميع الآن ..

يلتفت له الجميع في رهبة .. تموت الحياة في يد أحمد الغمري الذي مازال يسلم علي

منصور .. الأب ببطء ينزع الخسة من فم ابنه و هو يختلس النظر لمنصور في رعب ..

ن / خ

م / 39

محطة القطار

حسن عم منصور و معه فضل أخو منصور يدخلون المحطة وسط مجموعة من رجالهم ...

يحملون البنادق ... الكل في المحطة يوسع الطريق لهم .

يصلون للرصيف مع توقف القطار ... فضل يرى منصور داخل القطار و هو يتحرك ناحية

المخرج ... يطرق الزجاج ليراه منصور ... يراه منصور الذي ينظر له بلهفة ... يتكلمان مع

بعضهما بلغة الإشارة .

يخرج منصور من القطار ليحتضن فضل ...

منصور

وحشتني يا فضل ... البلد كلها وحشتني ..

حسن

ماقلناك أقعد و سيبك من العلام و الكلام اللي مش

جايب همه ...

بيتسم منصور ثم يحتضن حسن ..

منصور

خلاص يا حسن خلص العلام خدت الشهادة و مش

هاسيبكوا ثاني ..

يلمح منصور الطبيب الشاب ينزل من عربة القطار التالية له ... يشير له ...

منصور

سلام يا دكتور ..

يشير له الطبيب باستياء و يختفي وسط الناس في خوف بعد ما يلمحه حسن الذي ينظر له

متفحصا ..

ن / د

م / 40

سيارة فاخرة

فضل و حسن و منصور و معهم سائق في السيارة ... تتبعهم سيارة أخرى بها الحرس مسلحون ..

منصور

أبوي و أمي وحشونني قوي .. هما كويسين ..

حسن

مستيينك ..

(بخبث) عملت ايه مع نسوان البندر المتشليحين ؟؟

منصور

عملت اللي لازم يتعمل .. ماكنش ليه صالح بيهم ...

تهديئ السيارة سرعتها ... يلتفت حسن الى حملة شرطة تقطع الطريق ... سيارات شرطة و مدرفة ..

منصور (الفضل بخبث)

كل الناس كويسين ؟؟ ..

فضل بالاشارة و هو بيتسم يهز رأسه ..

تتوقف السيارة ... هناك ضابط ينظر للجميع بتفحص هو و ضابط آخر ... يبدو التحفز على العساكر و هو يصوبون مداقهم الرشاشة ناحية السيارة ...
المخبرين يروا من بداخل العرب و يمرروها
تنطلق السيارة مرة أخرى ...

منصور

هو فيه حرب و لا ايه !!

حسن

حرب بين الحكومة و الارهابيين ... كل شوية يقتلوا

سياح و ييجوا يداروا في القصب ...

منصور يرى في المرأة السيارة الحملة و هي تبعد أكثر فأكثر ..

- قطع -

ن / خ

م / 41

أمام منزل علي حفني

السيارة تسير في شوارع النخيلة ... أمام كل منزل دبيحة و بحيرة صغيرة من الدماء ...
أمام السيارة منزل ريفي كبير .. حوله أفراد كثيرون .. هناك بقايا أكثر من عجل مذبوح .
فوق المنزل يقف علي حفني في الستين من عمره الآن لكنه ما زال يشع حيوية.
احد الرجال يقذف من فوق سطح المنزل أكياس بها لحم للأفراد المتجمعين تحت المنزل ومع
كل قذفة يتجمع الناس ويتقاتلون على أكياس اللحم
علي حفني يراقب هذا في شموخ وكأنه ملك . و بيتسم لأبنة منصور عندما يلمحه يخرج من
السيارة ...

- قطع -

ن / د

م / 42

منزل علي حفني

علي حفني يصطحب منصور و يده علي كتفه في حب ..
علي حفني يتجه إلى المكان الذي به بقايا العجول وهناك جزار ما زال منتظراً .. منصور
وفضل ما زال يتكلمان بالإشارات في لهفة واشتياق . يبدو علي فضل ارتباطه الشديد
بمنصور .

منصور وفضل وحسن يتبعان علي حفني الذي يبدو عليه السعادة .. هناك عجل ما زال حياً ..

علي حفني

الناس مستتية آخر عجل أنا قلت ما حدث
هيدبجه غيرك

حسن يتجه للعجل ويمسكه من رأسه بعنف ويضع قدمه خلف أرجل العجل .. بعنف يوقع
العجل أرضاً ..

يعطي الجزار سكين لمنصور يأخذها منصور الذي يبدو عليه أنه لا يعرف ماذا يفعل .. لكنه
ينحني علي العجل ويقرب منه السكين فتتعالى الصيحات حوله . ينحني فضل ليمسك برأس
العجل ليساعد منصور .

الجزار وغيره

بسم الله الله أكبر

منصور يذبح العجل .. تسيل الدماء
يحتضن علي حفني منصور

علي حفني

حمد الله على السلامة

حوائط المنزل الخارجية تطبع عليها كقوف دامية .. إنه منصور وفضل ووالده وحسن
بأيديهما المخضبة بالدماء يطبعون كقوفهم على المنزل لحمايته من الحسد .

ن / د

م / 43

غرفة الحريم

المكان مكتظ بالنساء و به شباك يطل على غرفة المجلس التي يترأس فيها علي حفني
مجلسه

والده منصور تدخل و هي تحمل صينية شاي .. فائقة و كريمة يضحكان سويا و لكنهما
يقوما معا عندما يلماحا والدة منصور ...

كريمة و فائقة

عنك يا خالة ..

تصل كريمه اولا و تأخذ منها الصينيه تنظر لكريمه و فانقه ...

والدة منصور

بنات الرحايمه و النجايمه احلوا كده ليه
خليتوا شكل بناتنا وحش

تضحك النساء ...

فايقه بجانب كريمه تأخذ من الصينيه أكواب الشاي و توزعها على النساء .. يعملان معاً كفريق

الآن يستطيعون أن يروا مجلس الرجال بشكل واضح كريمه تبحث بعينيها عن شخص ...

فايقه

لسه ماجاش

كريمه

وحشني قوي

فايقه

بيحبك زي ما بتحبيه

كريمه

بيقول

فايقه

أهو أنا عايزه واحد كده يقول .. مش فاهم المرجله

أنه يبقى ناشف زي صخر الجبل ..

تشير لها كريمه برأسها إلي أخواها توفيق ومحمود الجالسان وسط المجلس ويبدو عليهم الجديه ..

كريمه

بقولك إيه يا بت أنا هجوزك حد من خواتي

فايقه

لا يا أختي دول شكلهم يخوف

تضحكان .. يظهر منصور فتلمحه فايقه التي تنظر له بأعجاب مستتر ..

فايقه

أهو جه

تتهلل أسارير كريمه ..

ن / د

م / 44

منزل العائلة

منصور داخل المنزل يحاول اختراق الصفوف الآن منصور بملابس صعيدية جديدة فالمنزل به زحام شديد . الأنظار كلها تتجه إلي غرفة المجلس .. وهي غرفة واسعة يجلس بها علي حفني كأنه أمير المؤمنين وعلى يمينه حسن وعلى جوانب الغرفة يجلس كباراء العائلات في القرية ومن لا يستطيع الجلوس في الداخل يحاول أن يسمع ويعرف ماذا يحدث في الخارج .. كمحكمة عرفية . حتى سيدات القرية خارج المنزل يتابعون من شبابيكه كبير النجايمه هليل ناجح يبدو متربصاً وسط عائلته .

يحاول منصور أن يصل لمكان يسمع أو يرى منه ما يحدث في الداخل وعينه على الشباك
تلو الآخر ناحية السيدات .. يبدو أنه يبحث عن شيء ..
فايقة تتأمله في وله و لكنه لا يلاحظها

علي حفني (بحسم)

مفيش تار في النخيلة

علي حفني يحدث شخصاً يقف في منتصف الغرفة يبدو في عينه الغضب والحزن. تلتقي
عينا منصور بعين كريمة التي تنظر له بلهفة . يضطر للاستمرار في التقدم ناحية المجلس ..
تتحرك كريمة بمحازاته خارج المنزل لتلتقي أعينهما في شباك بعد الآخر . تلاحظهم فايقة ..

علي حفني

أنا بقالي عشرين سنة مانع التار في النخيلة
إحنا مش عايزين مدخل تدخلنا منه الحكومة وكل
شوية نتطلنا هنا .

يحاول الشخص أن يتحدث لكن حسن يقاطعه بعنف

حسن

إنته هتجن ولا إيه ؟ هتعارض الكبير .. لو عملت
حاجة تارك هيبقى مع ولاد حفني .. وورينا هتاخذ
تارك إزاي بقه

ينكسر الشخص وتقارب عيناه أن تتحولا إلى دماء

علي حفني (بلجة أقل حدة)

حقك هيجيك .. هتاخذ دية وهيجك شاييل كفته

يومي الشخص برأسه في ضعف وبطء . راضياً بالأمر الواقع يسعل علي حفني بشده ..
يصمتون .. يخرج منديله ويسعل به ثم يتأمله ويضعه في جيبه ..

علي حفني

أستنى بره شوية

يخرج الشخص .

يلمح علي حفني منصور فيشير له أن يجلس بجانبه . يفتح الجميع الطريق الآن لمنصور
الذي يقترب ويجلس بجانب والده . منصور يبحث عن الفتاة بعينه لكنه لا يراها . يدخل
شخص آخر . إنه عبید بمجرد دخوله يتجه إلى علي حفني ليقبل يديه ثم يتراجع ليكون في
منتصف الغرفة .

علي حفني

دية أبو طالب نص أرضك .. وهتروحلهم شاييل
كفك .

هریدی ناجح

نص أرضه كتير يا كبير .. هو الراجل عمل إيه
يعني .. ده طخ له واحد

عبيد

خذ كل أرضي بس ما أرحلهمش شايل كفنني ...
أرفع رأسي ازاى بعدها في البلد ..
يقوم حسن من مجلسه في غضب هادر

حسن

هتشيل كفنك يا هنشيلك في كفنك
يطاطئ عبيد رأسه

علي حفني

أنت راجل زين يا عبيد .. أنا هدفعك الدية
يهلل الجميع كأن علي حفني أحرز هدفاً وبعضهم يربت علي كتف عبيد الذي يومئ برأسه
موافقاً علي مضض ... يصيب الأحباط هليل ناجح. تظهر كريمه مرة أخرى أمام منصور
من بعيد . منصور يشير بلغة الإشارة بطريقة لا يلاحظها أحد لكريمه . يلتفت فضل الوحيد
الذي يلاحظ إشارة منصور إلى حيث ينظر منصور ثم يبتسم فضل عندما يرى كريمه .
علي حفني يشير لأحد الجالسين كأنه خادمه .

علي حفني

يا عمدة .. خد عبيد وحفني أبو طالب وصالحهم
علي بعض .

ن / خ

45 / م

زراعات القصب

دائرة صغيرة من القصب المكسور والمفروغ على الأرض تجلس وسطها كريمة ومنصور يكسر
أعواد القصب ليوسع الدائره التي يجلسون بها .. كريمة تقلد الحركة التي أشار لها بها
منصور .

كريمه

دي يعني أعشقت
يهز منصور رأسه إيجاباً ..

كريمه

(ساخره)

أنت مكسوف تقولهاالي قمت قولتها بلغه الخرسي
يلتفت منصور لها ..

منصور

أنتي لمضه قوي
تلنقط عود قصب وتوجهه لمنصور كناية عن أنها تتحداه في لعبه التحطيب ..

كريمه

مين دي اللي لمضه
يكسر منصور عود قصب آخر ويبيد واحده ويتساهل بوجهه لها ..
يضحك منصور ..
تهجم عليه كريمه بقوه ..

كريمه

ما تضحكش .. أنا بنت على أخين كان أبويه اللي
يرحمه بيقول عليا أرجلهم ..

يتفادها منصور بسهولة ..

منصور

على كده مفيش رجاله في عيلتكوا ..

تضرب عصاه بقوه وغضب .. لكنه يضحك أكثر ويسخر منها .. ثم يضرب عصاه لتطير
بعيداً ..

منصور

أنا طول عمري أقول النجايحه كلهم نسوان

تهجم عليه بشراسه أكثر .. يرمي عود القصب أرضاً ويمسك يدها اليمنى فتحاول ضربه
بيدها اليسرى ..

منصور

خلاص .. خلاص

يمسك يدها الأثنين فلا تستطيع الحركة ..

كريمه

سيبني لو راجل ..

منصور

يا بنتي خلاص كل عيلتكوا رجاله .. وأنتي أرجل
واحده فيهم ..

كريمه

سيبني

منصور

طيب هسيبك أهه ..

يتركها وهو لا يتمالك نفسه من الضحك ..

كريمه

لو مديت يدك عليه في يوم .. هقطعها لك

يتركها وهو لا يتمالك نفسه من الضحك

منصور (يضحك)

مجنونه ..

تتظر له بعتاب ..

منصور

خلاص حقا عليا ... متزعليش

مازالت تبدو غاضبة و قد جلست على الأرض يقف وراءها و يخفي أشعة الشمس
فيلقي بظله عليها ...

منصور

أنا ماقدرش على زعلك .. انت لو كشرتني الدنيا

بتغيم ...

تتظر له مستخفة بما يقول ...

منصور (جدياً)

أحلفك بايه مكانش بيعدى عليا يوم الا لما بفتكر
ضحكتك علشان أعدي اليوم ..
تبدأ في الابتسام و التائر ...

كريمة

يعني أنا اللي كنت مرتاحة .. كنت بتعذب عشان
واحشني و مقدرش حتى أبين ...

منصور

طب بصيللي ...

كريمة

لا لو بصينتك مش هاعرف أنطق ...
يلتفت لفة كاملة لكي يواجها ...

منصور

و الله بحبك بموت فيك ..

تلمع عيناها و تكاد تسقط دمعة و هي تقول بنائر

كريمة

ماتسبنيش تاني أبدا

منصور

أسيبك و أروح فين ده أنا ماصدقت لقيتك ..

يقترب منها منصور في حب كأنه سيحتضنها ... لكنه يتوقف فجأة عندما يجد عود قصب
قد أوقفه من صدره ... كريمة رفعت عود القصب برفق لتتوقف اقترابه منها منصور ينظر
لعود القصب ثم لها ... يبتسم و هو فخور بها

منصور

مش باقولك باعشقتك ..

يبتعد قليلا ...

منصور

بس أنا عايز أسمعها منك .. بعشقتك و لو

بالإشارة

تهز رأسها في دلال رافضة ..

تحرك يديها بحركات وإشارات .. يشرق وجه منصور ..

منصور

أسفه !!! أتعلمتها ليه دي ..

كريمة

مش سهل عليا أقولها قوت أتعلم أقولها بالإشارة

منصور

هي دي بس اللي مش سهل عليكى تقوليها ..

طب قوللي أي حاجة تانية ..

تهز رأسها في دلال رافضة ..

منصور

الحمد لله اني بافهم لغة الخرس عlishان أعرف
أتعامل معاكي ..
تبتسم في خجل ثم تشير بالإشارات ثائية التي تعني الأسف
وهي تهز كتفيها ..

د / ل

م / 46

منزل العائلة

أصوات طبل و زمر و احتفالات في الخارج ...
علي حفني يدخل غرفة معدة لاستقبال الضيوف لكنها أكثر مدنية .. هناك رجل في الغرفة
يرتدي بدلة أنيقة ومعه أثنان يبدو أن مساعده .. أنه كامل النجار عضو مجلس الشعب ..
حسن وفضل وراء علي حفني .

علي حفني (بحميمية)

كامل بيه النجار .. سيادة النائب

كامل النجار

كل سنه وأنت طيب

علي حفني

بقالك أربع سنين ما عيدينش عليا

كامل النجار

(بايتسامه)

ما كنش فيه انتخابات

يضحكان

كامل النجار

وبعدين لما بتحتاجوني باجي

ل / خ

خارج المنزل

م / 47

- وصول كريمه و منصور الي المنزل , تدخل كريمه الي غرفة الضيوف و منصور الي
غرفة المجلس
فايقه تراقب الموقف

قطع

د / ل

م / 48

المنزل

نفس الغرفة التي كان بها الناس في الصباح للمحكمة العرفية . الآن الغرفة مغلقة يجلس
في نفس مكانه علي حفني بجانبه من ناحية كامل النجار ومن الناحية الأخرى منصور
حفني ويليه حسن ثم فضل .
على يمينه ويساره يجلس أفراد عائلتين من ملابسهما بيدوان كبراء القرية .

علي حفني(لكامل النجار)

النجايحة يا كامل بيه عارفهم طبعاً

مشيراً إلى يمينه هريري ناجر يبدو كبيرهم و بجانبه شابان متحفزان توفيق و محمود ...

علي حفني

والرحايمه

مشيراً إلى يساره

علي حفني

كامل بيه لسه جاي من عند حمدان و تاجر نجح

عبد الرسول

همهمة غصبة تسود الجلسة

كامل النجار

يا جماعة هما حقهم يضايقوا .. كانوا بيشتروا

منكو الأقيون الطن بمليون عاوزين فيه مليون و

نصف ليه دلوقت .. هيكسبوا إزاي دلوقت .

شاب من الرحايمه

إحنا مالنا يكسبوا إزاي .. إحنا خلفناهم

ونسيناهم

علي حفني

أتأدب يا مرعي

محمود ناجر

مش معقول يفضلوا برمولنا الفتافيت طول عمرهم

الصغير لازم يكبر .

كامل النجار

أنا مليش دعوة .. أنا مش عايز مشاكل في

الدايرة

علي حفني

ميخلصناش نعملك مشاكل يا كامل بيه .. هما

عايزين يدفعوا كام في الطن .

كامل النجار

مليون ...

همهمة غاصبة أخرى

محمود ناجر (بغضب)

مليون ... يخبطوا دماغهم في الحيط .. ده الطن

بيتباع بعشرة وبعشرين مليون .

تزداد الهمهمة . حسن يرمق كل من يعترض بنظرة مخيفة متوعدة ..

يقاطعهم علي حفني

علي حفني

وأحنا قبلنا

يهدأ الجميع . بأدب يتكلم كبير الرحايمه .

أبو حديد الرحيمي

نقبل إزاي يا كبير ده قليل قوي

محمود ناجح

أحنا نرمي الأقيون في البحر أحسن

على حفني

السنة اللي فاتت زي دلوقتى يا حسنين قلتك
هنجيب مهندس زراعي مكانش عاجبك وقتلى
مهندس زراعي هيفهم إيه في زراعة المخدرات
دلوقتى أرضك اللي الفدان اللي كان بيحبيب
خمسة أرب بيحبيب كام .

أبو حديد الرحيمي (على استحياء)

حداشر

على حفني

وبعدين قلت نشترى تقاوي جديدة من بره و
كيماوي , قلتوا إيه .. مالهاش عازه ... صح ..

يصمت الجميع

على حفني (بغضب)

صح

يهزون رؤسهم

على حفني

الفدان كان بيدخلك كام كل سنة يا هليل

هريدي ناجح

ميت ألف جنيه

على حفني

ولو بعنا بمليون هيدخلك كام

هريدي ناجح

خمسميت ألف

محمود ناجح

بس يا كبير ..

على حفني (بحسم وغب هادر)

يبقى تسمعوا الكلام عشان فيه خيركوا أحنا
بقالنا سنين علمناهم يتكلوا علينا .. بنبعلمهم
الفدان أرخص من زرعهم .. ناس كثير منهم
جرقوا أرضهم .. بس مش كفايه .. لو غلينا السعر
دلوقت هيرجعوا يزرعوا تانى ومايقلناش عازه ..
أرضهم فاضلها موسم ولا أتنين وتبقى كلها بور
وساعتها تبيع بالسعر اللي على مزاجنا ..

يبدو على الجميع التسليم برأي على حفني

على حفني (لكامل النحل)

خلاص يا كامل بيه يوم السبت إنشالله ..

حمدان هيكون هناك ؟

كامل النجار

طبعاً

علي حفني

قله وكبير الجزيرة هيكون هناك

حسن

هتروح بنفسك يا خوي

علي حفني

هبروح الكبير .. منصور ولدي

ينظر لهم وهم يحاولون استيعاب المعلومة . منصور أدرك خطورة ما قيل مع تحديق الجميع

فيه ... حسن يلتفت التفاتة كاملة الى علي حفني , ثم ببطئ ينظر بعيدا و هو مصدوم ...

منصور ينظر لوالده غير مصدق مثله مثل الجميع

هريدي ناجح

ولدك منصور هايقابل حمدان علي انه كبير

الجزيرة ..

أبو حديد الرحيمي

ده حمدان يفرقشه ..

ينظر علي حفني لأبو حديد الرحيمي فيهدأ ككلب مطيع ..

علي حفني

حمدان مالوش غير بضاعته ..

محمود ناجح

و احنا مالناش غير بضاعتنا ... محضولنا شقا

السنة ...

علي حفني (لهريدي ناجح بتهديد)

قعد ولد أخوك يا هريدي , و قله الأصول ان كبير

النجايحة هو اللي يكلمني مش العيال ..

توفيق ناجح

هو الرحايمة دايمسا سايبين النجايحة يقولوا كلمة

الحق فيبقوا في وش المدفع ..

هريدي يشير لمحمود و توفيق أن يصمتا

هريدي

ماانت اللي خليت العيال بقوا كبار

علي حفني

الحديث ده بعدين مش قدام الضيوف ..

محمود ناجح

هو انت جايب كامل بيه صدفة ... ما انت جايبه

علشان يشهد علي الحديث فنلتزم بيه ..

توفيق

صح ...

علي حفني

حسن طخ العيال دي عيارين فوقهم ..
رد فعل حسن بطئ على غير عادته .. لكنه يخرج بندقيته و يصوبها لهم ..

كامل النجار

لألا .. مالوش لازمه يا كبير ...

هريدي ناجح

استنوني بره يا الله ...

يخرج محمود و معه توفيق و النجايجة ..

محمود ناجح

هاتسيبهم ياخدوا حقتك يا حسن ...

حسن يبدو شاردا , لكن هذه الكلمة ترجع تركيزه ...

هريدي ناجح

هاتطخنا في بيتك يا كبير ...

علي حفني ينظر لمنصور ..

علي حفني

رد يا كبير ..

منصور (مرتبكا)

الضيف ليه الأمان ..

علي حفني

شفت ... كلامه زين أكثر مني ...

يهز هريدي رأسه ... ينظر لأبو حديد الرحيمي , ثم يخرج من المجلس .

ل / خ

م / 49

المنزل

كريمة وراء أمها .. يخترقون الصفوف لكي يخرجوا من المنزل ... رجال النجايجة ينتظرونهم
و يبدو عليهم الغضب ...

كريمة

في ايه يامه ... ماشين ليه !!

الأم

ماخبرش ... خواتك قالولي نمشي هنمشي ..

خارج منزل علي حفني

م / 50

ل / خ

بمجرد وصولهم يتحرك رجال النجايجة بعيدا ..

كريمة

احنا مشينا ليه يا محمود ...

يتجاهلها محمود ...

محمود

ده عمره ماطخ حد ...

توفيق

قال كبير قال ..

كريمة

كبير مين ..

محمود

انت مالك بحديث الرجاله يا بت ...

توفيق

منصور بتاع المدارس بيقى الكبير ..

كريمة (تضحك)

منصور ...

هريدي ناجح

حتى البت بتضحك على الكلام ...ده هايبقى

مسخة أهل البلد ..

تتغير ملامح كريمة , و تتأخر عن الجميع مع ادراكها انها ليست نكتة ...

ل / خ

51 / م

خارج المنزل

جمهور من الناس على شكل دائرة حول حسن و خصمه في لعبة التحطيط ..

ضربات حسن قوية للغاية و كأنه ينفث فيها غضبه , يتلقاها خصمه بصعوبة ...

ينتهي حسن المعركة بضربة شديدة توقع خصمه أرضا في عنف ...

يقف حسن في منتصف الدائرة في فخر منصور وسط الناس يبدو شاردا لكن أبيه

يربت على كتفيه

يدخل شخص آخر إلى الدائرة , يبدو قويا ... شخص يهمس بشئ لعلي حفني فينصرف

مسرعا حسن يلحظ ابتعاد علي حفني ...

يتبادلون الضربات لكن قوة ضربات حسن توقع بعضا خصمه على الأرض , يضربه حسن

ضربة قوية تسقطه ... يلتقط حسن عصا خصمه و يقذفها في اتجاه منصور الذي يلتقطها

أليا لأنها متجهة نحوه ...

منصور يجد نفسه محاطا بأنظار الناس و العصا في يده .. يتقدم منصور إلى منتصف

الدائرة .. حسن يرمقه بنظرة نارية

يلفان حول بعضهما كأنهما يدرسان قوة بعضهما يندفع حسن بقوة لكن منصور يفاديه

ضربات حسن قوية للغاية لكن منصور يتعامل معها بذكاء يمتص قوتها ..

يتفادى منصور ضربه لحسن ثم يلمسه بالعصا ولا يضربه بها .. ليظهر أنه فاز يهمل

الجمهور فرحاً .

حسن يقف مكانه ويدور مره أخرى مستعداً لجوله أخرى .. ضرباته أقوى هذه المره ..

منصور يمتص ضرباته ثانية .. حسن يبدو كالنور الهائج .. منصور يتفاداه ويوقف عصاه

على رقبه حسن . يشق على حفني صفوف الناس .

على حفنى

براوه عليكوا .. سهرتوا الناس الليلة .. يا الله كل
واحد على داره وكل سنه وانتوا طيبين ..

ل / خ

م / 52

المنزل

أنصرف الناس إلا من بعض الخدم الذين يجمعون القمامه ويعيدون الكراسي لمكانها .
حسن يشعل سيجاره ويبتعد عن المنزل .

على حفنى

حسن

يتوقف حسن حتى يلحق به أخيه

على حفنى

أنت عارف معزتك عندي ولا لا

حسن

طبعاً يا خوى

على حفنى

أنت أبني أنا اللي مربيك .. أوعى تفكر أني
طمعت للتصور في الولايه من بعدي لا

حسن ينفث دخان سيجارته

حسن

أنا بس خايف عليه .. مش شغلانته .. والناس
متربصين لنا

على حفنى

لو هو كان أخوى وأنت أبني .. برضك كنت
مسكته مكاني

يلتفت له حسن التفاته كامله في عدم فهم ..

على حفنى

أنا وأنت زي بعض ما نعرفش نفاك الخط .. أه
الدنيا قوتك وقوتني بس مش كل حاجه بتعلمها
الدنيا .. أنت زي الطور .. كسبك في التحطيب
إزاي!؟

يشير على حفنى إلي رأسه ..

على حفنى

بده .. العلام بيفتح المبخ .. آمال أنا علمته ليه..
أنت عايز تكون كبير على ناس صغيرين

على حفنى يمسك حسن من كتفيه

على حفنى

ولا تكون كبير على الكبار

منصور وأنت وراه هتكبروا اللي أنا عملته .. مع
بعض .. و عايزك بكره تشوف حد يستاهل القتل و
تخليه هو اللي يخلص عليه .

يهز حسن رأسه

ل / خ

م / 52 أ

أراضي زراعية

منصور يتبع حسن الذي يحمل بندقية على كتفه الأثنان يخترقان أراضي زراعية كالأعمال
تخفيهما داخلها .. من بعيد يظهر منزل ريفي متواضع ..
حسن يشير إلي المنزل ..

حسن

البيت هناك أه

يقتربان أكثر وقبل أن تنتهي المنطقة الزراعية التي يختفيان خلفها يعطي حسن البندقية
لمنصور .. منصور يصوب البندقية ناحية المنزل الذي تظهر خارجه عائله وهناك سيدة كبيرة
بينهم ..

منصور

هو عمل إيه ؟

حسن

كان بيشتغل مرشد مع الحكومه

يظهر شاب من داخل المنزل لينضم إلي أفراد العائله .. حسن يشير إليه ..

حسن

هو ده اللي هتطخه ..

يركز منصور أكثر في التصويب وعندما يكون الشخص في مرمى البندقية يرى وجهه أنه
الطيب الشاب الذي كان معه في البيجو ..

منصور

(بذهول)

ده الدكتور .. ده كان بيشتغل مرشد

حسن

لا المرشد هريان وده أخوه الدكتور .. أهم واحد

في عيلتهم .. علشان بيكوا عليه ويعرفوا طعم

الحزن .. لو صعبان عليك نشن على قلبه يموت

طوالي ..

ينظر حسن لمنصور كي ينجز المهمة .. منصور يحاول أن يعتصر زناد البندقية ..

حسن

صعبان عليك !!!

أنا اللي ما عايزوش يتعزب أنشن على قلبه ..

طلقه واحده ويروح لحاله

منصور في صراع لا يستطيع ويصوب بعيداً عنه .. تنطلق طلقة من منصور أخيراً ..

منصور أطلق الرصاصه لكنها أصابت السقف .. فوراً ينطلق الدكتور جرياً للمنطقة الزراعية التي خلف المنزل وكأنه يعرف أنهم يستهدفونه هو فقط ..

السيدة الكبيرة (تصرخ)

ولدي .. ولدي ..
تحاول الخروج خلف أبنها الطبيب ..
يخطف حسن البندقية من منصور ويطارد الطبيب .. يشير حسن بحسم لعائلة الطبيب ألا يتحركوا ..

حسن

أرجعي يا وليه بدل ما أطخك معاه
يمنعها باقي أفراد عائلتها من الخروج وسط صراخها ..
منصور يتبع حسن الذي يطارد الطبيب ..
حسن يراه من بعيد .. ينشئ عليه ثم يصيبه من بعيد .. الأم تصرخ ..
يصل حسن إليه يقلبه على ظهره ما زال حياً .. يطلق عليه النار ثانية في غل ..

حسن (غاضباً)

كان لازم تطلع تجري ..
يصل منصور المذهول .. منصور ينظر إلي حسن المغطي بالدماء ..
حسن يبصق على جثة الطبيب .. يلاحظ حسن أن ملبسه ملطخه بالدماء ..

حسن

هقول لا خوي إيه دلوقت .. أنت اللي المفروض
تقتله ..
جائته فكرة .. يلف حسن حول الجثة ليصبح هو في جبهه ومنصور في جبهه أخرى ثم
يصوب البندقية على الجثة مره أخرى ويطلق النار ..
الآن منصور مغطي تماماً بالدماء أكثر من حسن .. منصور مذهول ..

فجر / خ

53 / م

أعلى الجزيرة على الجبل

على حفني

من وأنت صغير وأنا بجهزك تبقى الكبير .. علمتك
مالعصايه للبندقه ووديتك مدارس .. بس اللي عايزك
تتعلمه اليومين دول الناس بتتعلمه في سنين .. بس
أنا عارف أنك قدها ..

منصور

طول ما انت جنبي يا بوي هابقى قدها ..

على حفني

لا الكبير كبير لوحده ... أنا بس هابقى قدها ..

الأول

منصور

انت بجد عايزني أبقى الكبير ..أنا كنت فاكرك بتعمل
كده عشان تحرق النجايحة و الرحايمة

على حفني

مش أنا اللي عايزك تبقى الكبير ... انت اتكتب عليك
تبقى الكبير خلاص أنا بموت يا منصور ..

منصور

تموت.... تموت ازاي ...

على حفني

زي ما الناس بتموت.. عيان و ماليش علاج ...

منصور

نروح لحكيم و اتنين ... نسفرك بره ..

على حفني

لما اللي زي يقولك يا منصور انه خلاص ... يبقى
خلاص ما فيش حاجة تتعمل ... أنا أكثر واحد
عايز يعيش يا منصور .. جنة اللي زينا في الدنيا
بس و اللي جاي حساب عسير , لو ينفع أجه
هأجله ...

منصور بيدو عليه التأثر ..

على حفني

الكبير ما يحبش حاجة و لا حد للدرجة اللي تبكيه
عليه .. انت لازم تبقى زي الجزيرة أقرب حد ليك على
البر الثاني

منصور

فاضلك قد ايه ؟؟؟

على حفني

مش كثير ... عشان كده مسكتك مكاني بدري و أنا
عايش ...عشان الناور اللي حوالينا هايطمعوا فيك
من بدري .. ما ينفعش تقع يا منصور ... احنا بنلعب
لعبة اللي يقع فيها مالوش قومه ..

منصور بيدو شاردا

منصور (فجأة)

هانبني لك أكبر جامع في البلاد و ما يراك مرة

و اتنين و

(يقاطعه) علي حفني

تفتكر ربنا لو شايف اننا غلط هايخيل عليه الكلام ده

..

يتحول منصور للوجوم

منصور

يعني احنا مالناش رحمة ...

علي حفني

مالناش رحمة ليه ؟؟ مين قال ان احنا غلط .. احنا

بنعمل ايه ... بنوزع أقيون ... مالحوكمة بتبيعه في

الصيدليات و المستشفيات و احنا لوبعناه نبقى تجار

مخدرات !! تيجي ازاي ؟ و حالة بيع السلاح ؟؟ لو

بعث سلاح يقولو عليك مجرم و لو بعث ألف تبقى

وزير

كل واحد ليه قانونه يا منصور ... و الأقوى دايمًا

قانونه هو الصبح و الكل يعمل حساب و هيبة ... لازم

تبقى الأقوى عشان عطلو تفضل صبح ...

منصور يبدو عليه الافتناع .

ن / خ

م / 54

ضفة النيل

منصور وحسن ورجال الجزيرة على ضفة النيل وسط جيش من رجالهم المدججين بالسلاح

على الضفة الشرقية للنيل بينما رجال نجع عبد الرسول على الضفة الأخرى متحفظين

ومدججين بالسلاح هم أيضاً .

هناك معدية يدوية رابضة على الضفة التي بها منصور ورجالها وعليها جبل من المخدرات

وليس بعيداً عنها مركب كبيرة .

" المعدية اليدوية تستخدم جنازير لشدها من ضفة لأخرى بدلاً من المحركات " .

وهناك معدية يدوية أخرى رابطة على الضفة الأخرى وعليها صندوق ضخم .

من كل ضفة تنطلق فلوكة صغيرة عليها ثلاثة أفراد .

الفلوكة من ضفة منصور عليها منصور وحسن ومحمود ناجح والشاب من الرحايمه. تتوقف

جانب المعدية التي عليها صندوق . يصعد عليها منصور ومن معه .

يبتسم من يبدو قائد رجال نجع عبد الرسول .

حمدان (بسخرية)

أهلاً أهلاً .. بالكبير ولا نقول الأستاذ منصور

ينظر له حسن شذراً بينما لا يعيره منصور انتباهاً وهو يفتح الصندوق . الصندوق مليء عن

آخره بالمال . يحاول منصور أن يتأكد أن كل الرزم حقيقية فيخرج بعضها لكنه لا يستطيع

الوصول للقاع .

منصور (الحمدان)

عشرين مليون دول

حمدان

أبوك من نظرة كان يعرف الفلوس كام .. دلو
تسعتاشر بس . نزلت مع أبوك مليون كمان .

ينظر منصور للصندوق مرة أخرى ويبدو حيرة . حسن يفهم حيرة منصور ويكعب البندقية
يكسر الصندوق من قاعه . يخرج رزمتين من النقود سليمتين من المكان الذي كسره فيطمئن
منصور . فتحي ناجح يراقب ما يحدث في توتر شديد .
منصور يعطي إشارة لرجاله على الضفة الأخرى أن كله تمام .
هناك وفد آخر من رجال حمدان على معدية المخدرات يفحصها هو الآخر . يشيرون لحمدان
ورجاله أن المخدرات تمام .
رجل من رجال منصور يرفع قفلاً كان يضعه على جنزير المعدية كيلا تتحرك . الآن يبدأ كل
طرف في سحب المعدية التي على الطرف الآخر . رجال منصور يسحبون المال ورجال
حمدان يسحبون المخدرات . منصور وصل لضفته مرة أخرى . الجميع يراقبون في ترقب .
المعديتان الآن يتم سحبهما ناحية رجال حمدان .
يرد رجال منصور النار بالنار لكن المعديتان تبتعدان . كلما حاول أحد رجال منصور أن
يتجه للجنازير يطلق عليه النار رجال حمدان .

محمود ناجح(يصرخ)

البضاعة هتروح .. البضاعة

حسن يطلق النار بضراوة . منصور يلتقط سلاحاً من أحد القتلى . منصور يصوب مدفعه
الرشاش على الجنازير .

منصور (لرجاله)

أضربوا الجنازير .. أضربوا الجنازير

لا أحد يلتفت له إلا عندما يسمعه حسن ويتوقف عن إطلاق النار . ينظر له وقد أدرك فكرته
ثم يصوب على الجنازير . يصوب الجميع الآن نيرانهم على الجنازير .
منصور ينطلق إلي مركبهم الرابضة في الماء . يغطيه حسن والكثير من رجالهم . ينقطع
جنزير معدية النقود . يسحب رجال حمدان الجنزير الآن وقد انفصل عن المعدية .
المعدية في منتصف النيل هائمة .
منصور أنطلق بالمركب ناحية المعدية وسط أمطار من الرصاص .
ينقطع الآن جنزير المعدية الثانية وتهيم هي الأخرى في النيل . منصور يصل إليها ويرمي
هلب المركب على المعدية الأولى فيمسك بها ثم يرمي هلب المركب على المعدية الثانية لا
يصيبها .. يحاول رجال حمدان أن يقتلوه وقد أدركوا ما يفعل .. رجال منصور يستبسلون
في تغطيته .
يرمي الهلب مرة أخرى فيمسك المعدية الثانية فوراً يبتعد بالمركب جازاً المعديتان وراءه ..
تاركاً الطرفان في اشتباك .
حسن يبتسم في فخر .

هريدي يصفع محمود على وجهه وسط رجال النجايجة ... كريمة و النساء يرون ما يحدث ...

هريدي

ضيعتنا ... ضيعتنا ..

محمود صامت ..

توفيق

ماعاش اللي يضيعنا يا أبوي ... لسه سلاحنا في

يدنا .. نخلص عليهم قبل ما يخلصوا علينا ..

يرفع باقي الرجال السلاح في حماس ..

هريدي

الغبى بس يا توفيق هو اللي يحارب حرب

هايخسرها هايخسرها ولاد حنفي أكثر و

أقوى منا ..

محمود

كنت عايزنا نسيب الواد ده يبقى كبيرنا ...

هريدي

اخرس انت ... هو طلع كبير بحق و انت طلعت

صغير زي النملة ... انت ادبت لعلي حفني

الفرصة اللي طول عمره مستنيها عشان يخلص

على النجايجة ...

كريمة [مقاطعة]

ماتروحلهم يا بوي و تعرض عليهم الصلح ..

محمود

اخرسى النجايجة مايشيلوش كفنهم واصل ..

الموت و لا العار ..

ينظر هريدي لكريمة مفكرا ...

ل / د

م / 56

أمام منزل العائلة

على حفني يراقب الرجال الفرحين من وراء نافذه .

منات من رجال الجزيرة يلتفون حول صندوقاً النقود وجبل المخدرات .

يطلقون النار في الهواء في فرحة .

بابتسامه عريضة

على حفني

عملتها يا منصور

منصور

بنفسك يا بوي

ينظر له في عينيه بجدية .. يتأملان الناس في الخارج من خلال الشباك .. يشير على

الحفني إلي أولاد ناجح .. والرحايمه

على حفني

النجايحة والرحايمه لسه فاكرين أيام هريدي وأبو
حديد لـ 1 كانوا هما كبارات البلد .. بيكرهونا
وبيلومونا على سجنهم بدل ما يلوموا الحكومه ..
هما ميقدروش يقولوها بس بيناتهم وبين نفسيهم
هما شايلنها

منصور

يعني بينا وبينهم تار

على حفني

الرحايمه أمرهم سهل و مش هايغدروا لو حيدناهم

منصور

نحيدهم ازاي

يدخل احدهم يعلن عن قدوم هريدي و كريمة خلفه تطلع إلى غرفة الحريم. منصور ينظر إليها.

يدخل هريدي و محمود و توفيق منكسي الرأس ... هريدي يحمل كفته , بيتسم على حفني
عندما يرى الكفن في يد هريدي و نظرة الانكسار في عينه ...

هريدي

اللي بتتمناه طول عمرك يا علي حصل ... جيتك
شايل كفني ..

على حفني

لا مش كفاية ... تغدروا بينا و بعده تتحامي في
كفن ..

هريدي

هانتنازل عن حقنا في زرة السنة دي ..

على حفني

حق ايه انتوا مالكوش حق ... النجايحة هايسلموا
سلاحهم و أرضهم و هاتشتغل أجير عليها ..

يرفع محمود و توفيق رأسهم في غضب ..

على حفني

أو نقتلكوا و نجيب ناس من بره يشتغلوا فيها ..
أنا ماحدث في البلد هايغلطني بعد اللي

حصل .. حتى أبو حديد الرحيمي ... صاحبك ..

يجز هريدي على أسنانه و يتمالك نفسه ..

ينظر هريدي لأولاده ثم يخرج مسدسه و يتركه أرضا و ينظر لأولاده كي يفعلوا مثله ..
يتركون أسلحتهم ببطء ..

ل / خ

م / 57

منزل العائلة

يخرج على حفني ومنصور وحسن وورائهما كبير الرحايمه أبو حديد و هريدي. يتصاعد
التهليل من جمهور الحاضرين مع خروج منصور . وتمطر المدافع الشاشة رصاصاً فرحة
به.

منصور يتحرك بثقة ويشير للجميع أن يهدأوا . فضل مستند على شجرة وحده يتابع بابتسامه . كريمه وفايقه وسط جمهور النساء تبدو سعيدة.. يلمح منصور كريمه وهي تنتظر له بفرحه وفخر .

منصور

الكبير باللي بيعمله .. و ولاد علي حنفي كلهم كبار ... كل واحد فيكوا هياخذ عشر تلاف جنيه زياده عن نصيبه .. وعلشان تزيد الفرحة الخميس الجاي هيبقى فرحي وفرح البلد كلها على فايقة بنت أبو حديد الرحيمي كبير الرحايمه .

المتجمعون يهللون في فرحه وسعاده .. كريمه ترمقه بنظرة تجمع بين الحزن والغضب والذهول .. يرفع منصور يده للجميع أن يهدؤوا و عينه على كريمه

منصور (و كأنه يكلم كريمه فقط)

اللي راحو النهارده مامتوش ... هيفضلوا معنا .. أهلهم في كفالتني .. لا يخافوا و لا يحزنوا .. لا تستطيع فايقه أن تخفي سعادتها تراها كريمه التي تقوم وتغادر المكان باكيه ..

ل / د

م / 58

الفرح

منصور وزوجته فايقه.. منصور يرتدي جلابية بيضاء ويبدو متأنقاً وزوجته في رداها الأبيض .. المهنئين والمدعوون بالآلاف في الزفه.. فايقه تبدو سعيدة بينما منصور يجاهد لكي يحافظ على ابتسامته .. موسيقى وصخب من الفرقة التي تحي الفرح .. حسن يقترب من منصور في الكوشة و يناوله قطعة أفيون ...

حسن

حنة الأفيون اللي طلبتها أهه .. تحط حنة قد رأس الكبريت تحت لسانك ... أكثر من كده مش هاتدرى بنفسك و العروسة هي اللي هاتحكيك على ليلة الدخلة ...

ل / د

غرفة كريمه

م / 59

كريمه تبكي في غرفتها

ل / د

غرفة نوم منصور

م / 60

منصور يجلس على السرير في شروء .. تخرج فايقه من الحمام الملحق بالغرفة في خجل وهي تحمل على يدها فستان الفرح .. يتفادي منصور النظر إليها ويتجه مباشرة للحمام .. تستوقفه ..

فايقه

منصور .. أنا عارفه

منصور

عارفه إيه ؟

فايقه

عارفه أنك مبتحبنيش .. و ان احنا اتجوزنا
علشان جوازنا كان فيه مصلحة لأهلك و لأهلي .
بس أنا طول عمري بحبك و كان كل اللي بتمناه
هو نظرة منك .. أنا لو مت الليلة هاموت
مبسوطة ...

منصور (بوجوم)

و أنا كمان ..

فايقة

لما تشوف قد ايه أنا باحيك هتحبني ... أنا
عارفة ..

يهز منصور رأسه ببطء في تأكيد لما تقول .. يدخل منصور الحمام ..

فايقه ترى في الدرج بجانب السرير قطعة أفيون كبيره .. تغلق الدرج كأنها لم تراها

منصور أمام المرآه .. ببطء يضع قطعة أفيون كبيره تحت لسانه على عكس ما نصحه به
حسن ثم يغمض عينه ..

61/ م

ن / د

طرح البحر

منصور وسط زراعات الأفيون . هناك فتيات يشربون زهرة الأفيون بمشاريط وسط إشراف
منصور . قطرات العرق تتجمع على جبينه .. الجو خائق وحار ..
منصور يقترب من إحداهن ويربها كيف تشرط الأفيون بالطريقة السليمة .

62/ م

ن / د

منزل منصور

منصور و فايقه في المنزل

63/ م

ن / د

غرفة نوم كريمه

كريمه تجلس و هي تنظر من الشباك .. ووجهة نظرها لمنزل حفني

- قطع -

د / ل

م / 64

غرفة النوم منصور
فائقة تغسل ل منصور قدميه .. وتدعكهم له .. يتأملها وهي تنظر له في حب

د

غرفة الاب

م / 65

- غرفة الاب و قد جهزت كالمستشفى
-قطع-

د / ن

م / 66

المنزل

منصور في الغرفة الكبيرة التي كان يحكم فيها أبيه بين المتخاصمين .
منصور في نفس وضعيه أبيه السابقة أمامه شخص في منتصف الغرفة يشنكي بعد فراغه
من الحديث يشاور منصور حسن الذي يجلس بجانبه .

د / ن

م / 67

غرفة النوم

منصور يتقلب في فراشه .. يفتح عينه ليرى فائقه مستيقظه على السرير حامل تترك السرير
لكي لا توقظه وهي تتأمله نائماً .. تنظر له في حب ووله ..

د / ن

م / 68

المنزل

زغاريد . نساء كثيرة يمررون طفل وليد من يد ليد حتى يصل إلي منصور . تتصاعد
صیحات المباركة ممن حوله .

د / ن

غرفة علي حفني

م / 69

يصعد منصور بالطفل إلي غرفة أبيه ثم يدخل به عليه . على حفني على السرير ويبدو عليه
الهزال الشديد . يده موصلة بخراطيم رقيقه لزجاجة جلوكوز .
يبتسم مع رؤيته للطفل لكنه لا يستطيع أن يتحرك . يضعه منصور بجانبه ويضع يد علي
حفني عليه .
فضل يجلس على أرضية الغرفة في حزن .

منصور

(بقاثر)

هسميه علي يا بوي .. علي الصغير

تدمع عينا الأب من الفرحه .. منصور يقبل يد أبيه.

د / خ

م / 70

صوان

صوان ضخمه للغاية في منتهى الفخامة أمتلي معظمها تحتل المساحة أمام منزل العائلة ..
منصور يجلس على يمينه حسن وعلى يساره أبو حديد الرحيمي كبير الرحايمه ..

حسن

محدث من النجايمه جه

يهز منصور رأسه بأنه أدرك هذا

أبو حديد الرحيمي

لما كامل بيه هيجي هيجو زي الدبان

د / ل

م / 71

داخل المنزل

النساء تتشج بالسواد .. والده منصور تبكي في حزن والنساء حولها يهدئونها .. فايقه
تحمل طفلها وتهدئ أم منصور ..

كريمه تجلس وسط المعزيات .. تختلس النظرات ناحيه فايقه وطفلها ..

فايقه تلمحها وتتلاقى أعينهما لكن كريمه تنظر بعيداً ..

تتحرك فايقه وتتجه ناحيه الكرسي الفارغ بجانب كريمه التي تتحاشى النظر إليها ..

تجلس فايقه بجانبها .. على الصغير يصدر صوتاً طفولياً بريئاً يجعل كريمه تنظر له .. لا

تستطيع كريمه أن ترفع عينها عنه .. يبدو بريئاً للغاية .. تنظر له في حزن وكأنه تنظر لما

كان مستقبلها سيبدو من خلاله ..

فايقه

شبه أبوه

تهز كريمه رأسها ببطء وهي تتأمل على الصغير .. يتجشأ فتبتسم كريمه ..

فايقه

أنا مخدوش منك

تختفي الابتسامه من على وجه كريمه وتنظر لفايقه بجمود ..

فايقه

أنت لسه بتحببيه !!! لو عايز يتجوزك أنا موافقه

تنظر لها كريمه نظره ذات مغزى

كريمه

أنا مخونش

فايقه

وأنا مخونتش .. لا أنا كنت أقدر أقول لا ولا هو حتى

كان يقدر يقول لا .. ولو حب يتجوزك دلوقتى برضه

مش هقدر أقول لا ..

كريمه (باتهام)

ما تخفيش مش أنا اللي أخذ واحد حته منه مع

واحد تانيه ..

تقوم كريمه وتجلس بعيداً عنها ..

ل / خ

م / 72

صوان

يقوم منصور من مكانه ويتجه إلي آخر الصوان حيث فضل يبكي بحرقه شديده .. يجلس بجانبه ويضع يده حوله ..
تظهر شاحنه عند باب الصوان ترجع بظهرها .. تغلق باب الصوان تماماً .. يلاحظها منصور خاصه عندما يخرج منها سائقها .. يقف منصور ..
تنهمر أمطار من الرصاص من كل مكان حاصده كل من في طريقها .. يرتمي فضل فوق منصور ليحميه ..
صوت المقرئ يتحول من القرآن إلي تأوهات أصابته ..
يتهتك قماش الصوان من غزازه الرصاص .. يظهر من يضربون من خارج الصوان من خلال القطع في القماش أنهم أولاد ناجح محمود وتوفيق ورجالهم ..
يهرب منصور وحسن مع الكثيرين من خلال القماش المتهتك .. يتبادلون إطلاق النار مع أولاد ناجح ..

ل / د

م / 73

منزل منصور

محمود ناجح يدخل منزل منصور برشاش في يده .. تصرخ النساء في هستيريا ..
تصرخ نساء كانوا منطحين على الأرض كلهم يرتدون ملابس العزاء السوداء .. بمجرد أن يروه يصرخون ويخرجون من الغرفة إلي خارج المنزل في هستيريا ..
يلمح محمود أخته كريمه الأاهله ..

كريمه

محمود !! في إيه !!!

محمود

إيه اللي جابك هنه .. اهربي

يدفعها بعنف ..

يبحث محمود بعينه وسط النساء حتى يرى أم منصور يتجه إليها ...

محمود

ابن منصور فين ...

الأم (تصرخ)

اهربي يا فايقة ...

يطلق عليها النار و يردبها قتيلة ...

غرفة منصور و فايقة

م / 74

ل / د

يدخل غرفة بعد الأخرى باحثاً عن فايقة ...
يجدها في غرفة النوم ... يلمح وراءها سرير ... تشعر أنه راه فيبدو عليها الرعب , تقف في طريقه فيضربها بكعب البندقية و يتجه لسرير الطفل , تقف و تتعاق به لتمنعه , يدفعها بعنف , تقع لكنها تقوم مرة أخرى .. يطلق عليها النار ...

يتجه لسرير الطفل و يبعد الغطاء الشفاف الذي عليه و هو يصوب ناحيته مدفعه الرشاش ...

ل / خ

م / 75

أمام منزل منصور

اطلاق نار داخل منزل منصور , يسمعه منصور ...
منصور يلاحظ أن منزلهم المختفي وراء الصوان قد أخترقته مئات الرصاصات .. ويسمع أصوات رصاص بالداخل ..

منصور
(يصرخ)

الكلاب

يطلق رصاصه بغزازه ناحيه النجايله لكنهم أكثر منهم .. يلمح محمود ناجح وهو يخرج من المنزل أصوات أبواق سيارات الشرطة تقترب ..
يستمر إطلاق النار مع انسحاب النجايله .. يتسلل منصور للمنزل ووراءه فضل ..

ل / د

م / 76

المنزل
منصور

أمه .. فايقه ..

الرصاص أخترق حوائط المنزل .. يدخل غرفة الحريم ويرى جثة أمه ..
فضل ينحني على جثة الأم .. فضل بيكي بينما منصور مصدوم ..
- صوت اشتباك الشرطة مع المسلحين خارج المنزل , و أصوات الضباط تأمرهم بتسليم السلاح

ل / د

م / 77

غرفة النوم

منصور
(يصرخ)

فايقه

يرى منصور فايقة وسط دمانها يحتضنها يسمع لها أنينا ..

منصور

فايقه ... الواد فين ... الواد فين يا فايقة ..

تشير بضعف ...

فايقه (تهمس)

متخافش على الواد ...

منصور

هو فين !!!!

فايقه

اديتي للي بتحبها , هي الوحيدة اللي كانت تقدر
تهرب بيه
نتسع عينا منصور .. صوت اقتحام الشرطة للمنزل ..

فايقه

كريمة.... أنا عارفة انك بتحبها , و انك عمرك
ماحببتي ...

منصور

ماقوليش كده ...

فايقه

مش زعلانة يا منصور , احنا مابنختارش نحب
مين ... أنا ماخترتش أحبك , و انت ماخترتش
تحبها ..

منصور

انت مرتي و أم ابني ...

فايقه

و مش أي حاجة تانية .. وده كفاية .. أنا أتمنيت
ليله معاك , عشت معاك سنة ...

منصور

كانت أحلى سنة في حياتي

فايقه

(تبتسم)

اللي متأكد منه أنها كانت أحلى سنة في حياتي
أنا ... خد بالك من الواد ..

تنتفض , ثم تسلم الروح ... يحتضنها منصور بشدة ...
تدخل قوات الشرطة مصويين أسلحتهم لمنصور ..

ل/خ

أرض زراعية

78 م

كريمة تجري و معها ابن منصور رضيعا

ل / د

79/ م

قسم الشرطة

صالة كبيرة للغاية يفتش على يمينها أولاد حفني المقبوض عليهم ... و على يسارها أولاد
ناجح المقبوض عليهم حولهم أفراد من العساكر ..
أيدي الجميع في الكلبشات , و هناك جنزير واحد يربط كل عائلة بأفرادها ..
منصور يرمق أولاد ناجح بكره شديد ..
محمود ناجح يشعل سيجارة و ينظر لمنصور بتشفي .. ينفخ في عود الكبريت في
استهزاء ..

حسن

هاطفيهاك في عينك بعد ما أخزقهاك ..
يضحك محمود و النجايجة ..

محمود

خلاص يا حسن كلامك كان يخوف امبارح .. بس
النهارده بيضحك ..
يقوم حسن فيجر الجنزير الذي يربطه بالآخرين , يقترب منه عساكر الشرطة
و يهدأه رجال عائلته ... يقترب رجال الشرطة و يكادوا يضربوه , لكن منصور يهدأه
فيهدأ ...

محمود

أستاذ منصور اللي ما بيحبش يلبس جلابيب زي
أهله هو اللي بيهديه يمكن لو كنت شفت أمك
و هي بتعيط و أنا باطخها , و لا مرتك و أنا
باقسمها اتنين ... كنت قلبت راجل ..
يقوم منصور كالثور الهايج ووراءه حسن و أفراد عائلته يشدون ورائهم الجنازير
يقوم النجايجة هم الآخرون ..

منصور

كلاب .. تغدروا وأنا مديكوا الأمان ..

محمود

ما أبوك غدر بهريدي وأبو حديد وهما مدينه
الأمان

يهجم العساكر عليهم و يشدونهم من الجنازير ليمنعوهم من الاقتراب من بعضهم , لكنهم لا
يهدأون ... طلقات رصاص يتوقف الجميع ... انه رشدي وهدان على باب القسم ...

- نهاية فلاش باك -

ل / خ

م / 80

سيارة المراقبة

صورة رشدي وهدان على شاشة لاب توب بملايسه العسكرية , بجانبها صورة صغيرة
لمنصور , تحتها مكتوب ان رشدي هو الضابط الذي قبض على منصور ...
طارق ورجاله في مؤخره بوكس شرطه .. كلهم يرتدون ملابس ممويه ويفحصون بعض
الكاميرات الصغيرة .. طارق يتكلم على تليفونه المحمول ..

طارق

أنت اللي قبضت عليه يا رشدي

رشدي

كان ليه الشرف أني أكون أول واحد يقبض عليه

طارق

ومقولتليش ليه من الأول

ل / خ

م / 8x

الجزيره / ضفاف النيل

شارع هادئ تماما , رشدي و طارق يسيران باتجاه ضفة النيل ... هناك قارب مطاطي صغير ينقل فيه رجال طارق معداتهم من البوكس ..
- عواد يشعل سيجاره داخل سياره رشدي .. ويراقب رشدي وطارق وهما يبتعدان ..

رشدي

(يبتسم)

مش الاوامر اللي عندك أنك ما تخذش معلومات من أي حد من المديرية .. أنا سيبك تمشي زي ما الكتاب ما بيقول

طارق

بس أنت ليه قبضت على ولاد حفني مع أنهم هما اللي أنقتلوا

رشدي

عايز الروايه الرسميه والا الحقيقيه

طارق

الأثنين

رشدي

الرسميه أنهم كانوا مشتبكين مع بعض عملوا شغب فقبضنا على كل اللي معاهم سلاح

طارق

والحقيقه

رشدي

عضو مجلس الشعب ساعتها كامل النجار كان أتفق مع النجايله عليهم فبإتصالاته جاتلنا أوامر نقبض عليهم على أساس أنهم خطر على الأمن العام

طارق

أمال منصور طلع إزاي من السجن!؟

رشدي

النيابة أفرجت عنه مكنش معاه حتى سلاح لـ1ا قبضنا عليه .. عمه حسن خد أربع سنين هو وكل اللي كان معاهم سلاح ..

طارق

عمل إيه بعدها

رشدي

طلع الجبل للمطاريد

طارق
(يفكر)

يبقى لازم أقعد مع حد ما المطايرد

رشدي

أنت نسيت أنهم خارجين عن القانون .. هتقعد
معاهم إزاي

يتوقف طارق مفكراً ..

طارق

أنا شالله أطلع لهم الجبل

رشدي

لا لا ملهاش لازمه .. عندي عليه بعد ما تخلص
هقعدك مع واحد منهم مسجون ..

يصلون إلي المركب المطاطي على النيل ..

ن / خ

م / 82

الجزيره حول منزل منصور

المكان ساكن لا أحد يتحرك إلا حارسان برشاشات أمام المنزل ..
بمجرد التفاتهما بعيداً تتحرك أغصان شجر .. أنه طارق وفريقه ..

أمير

هي البلد دي مفيهاش حريم

خالد

وحشوك ولا إيه

أمير

واحشني من زمان .. احنا إضحك علينا .. أنا دخلت
كلية شرطه علشان فاكر البنات بتجري ورا الضباط

خالد

هما فعلاً بيجروا .. بس بيجروا منهم .. بقينا بنخوف
يا أبني

طارق

أنت أكيد أحسن من اللي دخل الكلية علشان يفيم
العربية ومايطلعش رخص ..

خالد

لا يا أفندم أنا دخلت كلية شرطة علشان الوطن
أولاً .. وبعدين أقيم العربية ومايطلعش الرخص ..

أمير

وأنت دخلت الكلية ليه يا أفندم ..

خالد

طبعاً علشان يبقى زي أبوه .. اللواء فؤاد بسيوني

يصمت طارق في وجوم ..
خالد يضع الآن إحدى الكاميرات أمام باب منزل بينما يثبت كل واحد منهم الكاميرات في أماكن أخرى متفرقة .
تظهر مجموعة من رجال منصور يضحكون .. أنهم متجهون إلي الناحية التي بها خالد يشير أحد رجال طارق إليه .. طارق يهمس في ساعته ..

طارق

خالد في ناس جايه ناحيتك

يلتفت خالد ويراهم لكنه لا يستطيع الرجوع مكانه لأنهم سيروه يتراجع فلا يراه طارق ..
طارق ورجاله يشهرون أسلحتهم فرجال منصور يقتربون وسيرون خالد وعندها ستحدث المواجهه ..
يعبر رجال منصور في المكان الذي به خالد .. لحظات عصبيه تتوتر بها أعصاب فريق طارق ..

**طارق
(هامساً)**

خالد

لا شئ يحدث .. يكمل رجال منصور طريقهم في ضحك ..

طارق

خالد أنت فين

خالد ينزل من شجره كان تعلق بها واختفى داخلها ..

خالد

مش كنت عايزني أركب الكاميرا في حته عاليه

يتنفس طارق الصعداء عندما يرويه مره أخرى ..

ن / خ

م / 83

سياره المراقبه

طارق وإيهاب داخل سياره المراقبه المليئه بالشاشات والأجهزة الحديثه .. كل شاشة تظهر زاويه لمنزل منصور ..
طارق يشير إلي شاشه تظهر غابه القصب ..

طارق

أنا عايز أشوف ورا القصب ده

يضغط إيهاب زراً تقترب به الصورة أكثر من القصب ..

إيهاب

ده أخرى .. كان لازم تحطو الكاميرات أعلى من

كده ..

بيتسم طارق ..

يلاحظ إيهاب على إحدى الشاشات منصور ومرغني يخرجوا من منزلهم ..

المراقب

(في لهفه)

منصور أهو .. مين اللي معاه ده

طارق

قرب منهم و صورهم

يضغط المراقب على زر فتقرب الصورة أكثر .. الكاميرات مخفاه في أعلى المنزل الملاصق للسيارة والذي يطل على النيل والجزيرة بوضوح .. طارق مركز تماماً الصورة بها منصور وفضل يتكلمان بالإشارة ..

المراقب

أكد بيتفقوا على مصيبة جديدة ..

منصور يسلم على مرغني مع استمرار أخذ لقطات فوتوغرافية لهم من الكاميرات الموضوعة حول المنطقة .

طارق

اعرف لي مين الراجل ده ... شكله مش مصري ..

مممكن يكون سوداني .. كلم حد من بتوع

التحريات هناك ...

يلتفت منصور ناحيه إحدى الكاميرات وينظر لها مباشرة .. يتأق منصور ويعدل من هندامه في سخريه وكأته أمام مرآه ..

إيهاب

هو شايف الكاميرا !!!

يغطي منصور رأسه بتلفيحه ثم يدخل المنزل ..

طارق

استحاله

إيهاب

ده بص ناحيتها

يخرج منصور من المنزل بتلفيحته وبيتعد عن المنزل

طارق

تابعه

يظهر نسخه من منصور بنفس التلفيحه على شاشة أخرى ..

إيهاب

مين ده !!؟

طارق

تابعهم الاتنين ..

يظهر منصور آخر ثم آخر .. كل شاشة عليها منصور ..

يسند طارق وإيهاب ظهرهما على كرسيهما في استسلام ..

طارق

عارف أن أحنا بتراقبه ..

تقاطع طرقات على باب السيارة الخلفي .. ينظر طارق متسانلاً عن بطرق لكنه يشير له أنه لا يعرف ..

ن/خ

خارج سيارة المراقبة

م 84

يفتح طارق الباب ليجد أمامه منصور بتفليحته التي تخفي وجهه وسط اثنين من رجاله
يكشف منصور وجه لطارق ..

منصور

نجيبك شاي يا طارق بيه

ينزل له طارق

طارق

متشكرين يا منصور

منصور

هي الداخليه أشتكت مننا .. دي طول عمرها
ناسينا إيه اللي فكرها بينا دلوقت

طارق

هو أنت مسمعتش عن القطر اللي وقفوه عندكوا

منصور

سمعت أن كل اللي كانوا فيه خرجوا سلام ..
القطر اللي عندكوا أنتوا محدش بيخرج منها
سليم ..

طارق

ياه ده اللي وقف القطر عمل عمل خدمه للبلد وأنا
مش واخد بالي ..

يتبادلان نظره تحدي

منصور

أنت عايز إيه يا بيه

طارق

وقفت القطر ليه ؟

منصور

لو فيه بلاغ واحد أني وقفت القطر أنا أسلم نفسي
أنهارده قبل بكره ..

طارق (بسخرية)

أكيد طبعا هتسلم نفسك !! أنا فعلا أسمع ان انت
مثال لاحترام القانون.

منصور

أحنا كلمتنا واحده يا بيه

طارق

في تاجر مخدرات وسلاح كلمته واحده ..

منصور

صحيح أنا تاجر قصب يا بيه .. بس

أن ممكن يبقى فيه تاجر مخدرات وسلاح وكلمته
واحدہ ..

طارق

تیجی ازای دی یا منصور ..

منصور

معلش یا بیہ نسیت .. صعبه علی غریب یفہمہا
دی .. بالائن ..

یتراجع منصور للوراء بينما یظل رجاله بينه وبين طارق

منصور

ما تؤمرش بحاجه

یتابعه طارق بعینه حتی یختفی

طارق

-شیلوا کامیرات

وجہہ نظر الشخص الذي یراقب منصور الآن من داخل منزل مهجور ... یعبر أمامه منصور

..

منصور بدون أن یلتفت ..

منصور

أزیک یا رشدی بیہ

یلتفت منصور إلی حیث یراقبه رشدی من داخل المنزل ..

م / 85

ن / خ

منزل مهجور

رشدی

ابعد عن طارق یا منصور ...

منصور

هو مش قریبک ماتوعیه

رشدی

لو مسیت شعره منه أنا اللی هقتک ..

منصور

شعر ایہ و دقن ایہ یا بیہ .. ده انت قریبک

قریبنا ...

رشدی

متقربلوش تانی یا منصور

منصور (بسخریة)

هشوفک تانی ازای یا بیہ ... انت بقیت

بتوحشنا ..

یبتعد رشدی ناحیة سيارته ثم یلتفت لمنصور ..

رشدی

هدي اللعب شويه أحسن لك ...

- فلاش باك-

د / ل

م / 86

غرفة استجواب / قسم شرطة

رشدي

مش هتتهدوا يا منصور

منصور

هما اللي قتلونا يا بيه

رشدي

ما أنتو طول عمركووا بتقتلوا بعض .. هي الداخليه
بتتدخل في التار

منصور

بس أحنا رجالتكوا

رشدي

كان زمان .. النجايله هيعملوللنا اللي أحنا
عايزينه .. هما اتفقوا مع كامل النجار عليكووا أنا
مش عايز بوشه .. أنا هنا علشان مقيش حاجه
تطلع فوق ولو حكمت هصفيكووا بنفسي .. أنا
بكلمك أنت علشان كبير ولاد حفني أنسى التار
والهجص ده ..

يمد له منصور يده

منصور

حط الكليش في يدي .. ما بيناش حديث ..

رشدي

بلاش يا منصور

منصور

لو هتقتلني أقتلني .. أنا أحسن لي أموت لو
مخدتش بقاري .. رجعني ززانتي ..

رشدي

أرجعك وسط رجالتك علشان تطلعولي مع بعض
رباطيه .. لا أنا هطلعك بس لوحديك .. طالما مش
عايز تتعاون خلي النجايله يخلصوا عليك .. هما
طالعين كلهم ما انتوا حتى مش راضيين
تتهموهم بالقتل ...

ن / خ

م / 87

خارج القسم

منصور يخرج من القسم ويبتعد و خروج النجاجة
رشدي وهدان ينفث دخان سيجارته وهو يراقبه من شباك داخل القسم ..

VO

صوت وكيل النيابة و هو يقرأ قرار الإفراج

ل / خ

م / 88

منازل اولاد ناجح

منصور الملثم يتسلل من سطح منزل إلي آخر .. يتوقف فوق منزل كريمه .. يقفز إلي حيث
شرفتها .. لا يستطيع أن يرى أو يسمع شيئاً ..
يطرق بخفوت على الشيش .. دقيقة تمر ولا شئ يحدث ثم تفتح كريمه الشرفه .. يختبئ وراء
الشيش إلي أن يراها ..
يضع يده على قمها ليمنعها من الصراخ .. تراه أخيراً فتهدأ ..

منصور

الواد ...

كريمه

لو شافوك هيقتلوك .. بيدوروا عليك ..

منصور

ولدي فين

كريمه

ما تخافش في الحفظ والصون ..

منصور

عنديكو ???

كريمه

أنا كريمه يا منصور فاكرنى حبيبتك ...

ينظر لها منصور و لا يرد ...

كريمه

نسييتي

لحظة صمت .. ينظر اليها منصور ..

منصور

مش وقت الكلام ده .. عايز أشوف ابني

كريمه

مش في البيت هنا .. محدش يعرف أنه معايا

متخافش أنا واخده بالي منه زي ما أنت

وأكثر ..
منصور ينظر لها باستنكار ..

منصور
ملكيش دعوه بأمه

كريمه
(بإحباط)
قصدي أنه في عينيه
صوت توفيق على باب غرفتها ينادي عليها ..

منصور
لو غبت تقدرني تراعيه
تغرورق عيناها بالدموع

كريمه
ولدك يا منصور .. محدش يقدر يمسه طول ما أنا
عائشه ..
توفيق يدخل غرفتها ويتجه ناحية الشرفه ..
ينظر لها منصور ثم يتسلق لأسفل ..

كريمه
(تهمس)
كفايه دم .. ما تيقاش زيهم ..
منصور
دم مين .. الدم خلص خلاص عندنا... الدم عندكوا
..

ينظر منصور بعيداً عنها ويخنتفي .. يدخل توفيق إلى الشرفه
تمسح كريمه عيناها في سرعه وتغير من وجهها الحزين ..
توفيق
بنده عليكى بقالي ساعه ..
تلقت له كريمه ثم تحددق فيه بغضب وعيناها تلمعان .. تدخل وتتجاهله ..

ل / خ

م / 89

منزل العائلة

منصور يتأمل المنزل من بعيد وهو متخفي .. المنزل أصبح مهجوراً وملئاً بآثار طلاقات
الرصاص ..
هناك رجلان مسلحان أمامه ..

لاد

خارج المنزل

م / 90

منصور يحفر خارج المنزل ليخرج صندوق خشب به نقود، احد الحراس يسمع صوت يقترب
من مكان منصور و يشهر سلاحه و لا يجد احد غير الصندوق مفتوح به نقود بيتسم
يظهر من خلفه منصور و يقتله

-قطع-

ن / خ

91/ م

الجبل

منصور يبدو عليه الأثناك . ملابسه مغطاه بالتراب .. يمشي الآن في وادي بين تلتين كبيرتين .. رصاصه تصيب صخره أمامه .. ينظر حوله لا أحد ..

صوت

مين هناك

لا يستطيع منصور تحديد مكان الصوت

منصور

منصور حفني

هنيهه ثم يرد الصوت

الصوت

أخلع جلابيتك ..

يخلع منصور جلابيته .. صوت صفاره .. يظهر رجل ملتئم من وراء صخره قريبه .. ثم يظهر آخر كان وراء صخره في التل الأيمن .. يظهر آخرون كأن الصخور انشقت عنهم .. يرتدي منصور جلابيته مره أخرى .. يقترب منه ملتئم من صوته نعرف أنه شديد ..

شديد

طالع الجبل من غير سلاح ..

منصور

أطلع بسلاح لو قاصد شر

ملتئم

لو قاصد شر نقتلك أنت وكل راجل في عيلتكو

منصور

سيقوكوا النجايله

يلصق شديد بندقيته برأس منصور .. في نفس الوقت الذي يقترب منه أكبرهم سنا .. أنه جمعه كبير المطايرد ..

جمعه

وحاطين على رأسك ميت ألف جنيه .. وطى
البندقه على صدره علسان لما نبعتلهم رأسه
يعرفوه ..

منصور (يضحك)

ميت ألف جنيه .. مش عارف أزعل أكثر من أنهم
قتلوا أهلي ولا أنهم هيخلوكوا تقتلونني علسان
ميت ألف جنيه

جمعه (بتهكم)

هتدفع أكثر إياك

يضحك شديد وهو يصوب البندقية إيداناً بقتله .

منصور

وهتفرق إيه ميت ألف جنيه من مليوني

الجيل ..

شديد

لمض قوي يا جمعه .. أنا هضربه في خشمه
يصوب شديد البندقية على قم منصور ..

منصور

أنا مش بعرض عليكوا فلوس أنا بعرض عليكوا
الأمان .. أنا بعرض عليكوا تنزلوا تعيشوا في
الجزيرة زي كل الناس تتجوزا .. تزرعوا تعملوا ما
بدالكوا

منصور سرق تركيز الجميع .. أنه يداعب حلمهم الأكبر .. شديد ما زال متشوقاً لأن يرديه
قتيلاً .. ينظر لجمعه كمن يأخذ أنن أبيه ..

شديد

هقتله يا جمعه

يتجاهل جمعه شديد ..

جمعه

إزاي

منصور

إزاي دي بتعتي أنا .. سلموني نفسكوا

شديد

هي بالساهل كده سلموني نفسكوا .. أنت فاكرها
غازيه هتسلمك نفسها .. أطخه يا جمعه

جمعه

لو ما قتلناكش دلوقت هتضيع علينا ميت ألف
جنيه ..

منصور

ولو قتلتنني هتضيع فرصه أنكو تعيشوا ثاني زي
البنى آدمين ..

جمعه

كلامك زين .. بس كل الناس والبندقه على رأسها
بيبقى كلامها زين ..
يخرج منصور من ملابس 100 ألف جنيه ..

منصور

تفتكر أنا معرفش موضوع الميت ألف جنيه .. أنا
مجيتش هنا تايه ..

جمعه ينزل بندقية شديد ..

جمعه

لو في نيتك تتعارك مع النجايجه هتحتاج سلاح
كثير ومحدث هيببعلك هنا .. حتى حملا ربحاه

نجح عبد الرسول باعلهم النجايجه محصول السنه
الجايه بخس علشان يبقوا في صفهم ولو شافوك
هيقتلوك ..

منصور

أمال أجيب سلاح منين

جمعه

الأ رهاب خلي الحكومه تدقق على السلاح ..
مبقاش بيتباع في مصر كلها .. بقى بيتجاب
مالسودان ..

فوتو مونتاج

[أغنية تعبر عن مشوار البطل]

ن / د

م / 92

منزل في الجزيرة

تفتح سيده المنزل لكريمه .. تسلل وتتأكد أنه لا أحد يراها .. تدخل كريمة غرفة بها الطفل
وتحتضنه بحنان ..
- تحمله السيده وتضعه بجانب رأس كريمة وكأنها تقارن بينهما .. يبدو عليها أنها تظن أن
الطفل يشبه كريمة .. تضحك كريمة في أحباط ..

ن / خ

م / 93

السد العالي

منصور داخل سياره أجره يعبر جنوباً ويرى السد العالي ..

ل / د

م / 94

غرفة

تعطي كريمة نقوداً للسيدة ثم تدخل الغرفة ..
كريمة تدخل إلي الغرفة .. الطفل في يد سيده أخرى يبكي .. تأخذه كريمة منها فيتوقف
عن البكاء .. تتأمله وكأنها ترى فيه منصور ..

ل / خ

م / 95

بحيره السد العالي

منصور داخل مركب وسط بحيره السد اللامتناهيه المساحة . معه خمسة آخرون وسائق في
آخر المركب على الموتور ..

ن / د

م / 96

غرفة

كريمة تداعب الطفل وتعطيه ببرونه .. تنظر له بحب وحنان ..

نهاية فوتومونتاج

ن / خ

م / 97

بحيرة السد

يوقفون موتور المركب ويطلبون من الجميع التزام الصمت والانبطاح من بعيد يرون نور خفر السواحل .. لحظات ويبتعد الضوء فيهدأ الجميع .. ينطلق المركب مره أخرى .. منصور يغالب عيناه .. ينام ..

ن / خ

م / 98

النيل / السودان

المركب وصل إلي شمال السودان .. الأراضي الزراعيه أكثر أخضراراً وهناك أكواخ مكان المنازل .. الأطفال الأفريقيون في النيل .. منصور يفتح عينه على المنظر الغريب عليه ..

ن / خ

م / 81

سوق / السودان

منصور وسط سوق . شجارات وكلام بلهجات لا يفهمها منصور .. يسأل شخص عن شئ ولكنه لا يعييره انتباهاً يسأل آخر فيشير إليه ناحيه اتجاه ..

ن / خ

م / 82

سوق السلاح

الأرض مفروشه بالاسلحه ويجانب كل فرشته شخص أو أثنان يبدو عليهم الفقر المدقع .. مسدسات .. مدافع رشاشه على اختلاف أنواعها حتى القنابل اليدويه .. والأر بي جيه .. يبدو على منصور الانتشاء مع رؤيته هذا المنظر .. يقترب منصور من فرشته أمامها مدافع رشاشه .. يمسك منصور المدفع ويتفحصه .. من الواضح أنه يعجبه .. يشير له البائع أن يجربه لكنه لا يفهم فيأخذه منه ويضغط على الزناد لتنتطلق دفعه طلاقات في الهواء تفزع منصور ..

منصور

بكام

البائع

بميت ألف

تسع عينا منصور ثم يبدو عليه التفكير

منصور

بكام مصري ..

البائع

بألفين ..

يشير منصور لصديري مضاد للرصاص...

منصور

و دي ..

البائع

بألف..

منصور

لو هيتسلموا في أسيوط

البائع

أربعة البندقية و ألفين الصديري ...

منصور

عاوز ميتين حته

يأخذ البائع السلاح منه ويضعه مكانه .

البائع

أكثر من عشره تيجي لمرغني بالليل

يحاول منصور أن يناقشه لكن البائع ينتقل بالحوار للمشتري الذي يليه .

ل / خ

م / 99

قهوه

المكان معبأ بدخان شجره صغيره محترقه ..

رواد القهوه يكادون أن يموتوا من الضحك .. يشاهدون إحدى محطات التلفزيون السوداني

..

منصور يصل ويسأل شخص يشير له أين يجلس مرغني ..

يجلس منصور أمامه .. مرغني يضحك بشده .. يسعل منصور من دخان الشجرة ..

منصور

عايز متين ألي

مرغني

أنت اللي عايزهم في أسيوط

يضحك وهو يشاهد التلفزيون يهز رأسه رافضاً ..

مرغني (يكمل)

مينفعش

يلتفت منصور إلي التلفزيون أنها نشره أخبار ينظر حوله ثانيه الجميع يشاهدونها كأنها

مسرحيه ينظر منصور للشجرة والدخان المبعث منها وقد أدرك أنها المسئوله ..

مرغني

الرجاله التي بتهرب البضاعه لأسيوط هيبغوا

النجاичه وتجار نجع عبد الرسول بأي كميه سلاح

ولين وساعتها هتستلم الرصاص بس .. هتستلمه

في جنتك ..

منصور

أنت تعرف النجاичه

مرغني

النجاичه وحمدان وأبوك .. والحكومه ..

منصور

وأنت بتقولي ليه ما أنت أحسنك تبيع وخلص

مرغني

أنا مابعش وأقدر

ينظر له منصور وهو غير مقتنع ..

منصور بسخري

إيه الأمانه دي !!

مرغني

لو طلعت عليا سمعة اني باقدر .. تقدر تقول

الشغل هايقل ... وبعدين ما انت تاجر مخدرات و

اللي بيته من ازاز ...

ينفجر مرغني من الضحك و يبتسم منصور ..

يضحك مرغني والكل مره أخرى

منصور

إيه الشجره دي

مرغني

شجره بنجو .. بنولعها علشان تطرى القعدة

يلتفت له منصور ثانيه

منصور

يعني أنت ممكن تسلملي السلاح بس هنا

مرغني

بس هتعمل بيه إيه

منصور

ههربه إنشالله سلاح سلاح

ينظر له مرغني وقد أكتسي وجهه جديده و هو يفكر ...

ن / خ

م / 100

صحراء

صحراء قاحله لا أثر للحياه فيها ..

V.O

مرغني

في طريقه واحده . بس هتبقى كأنك بتلعب ملك

وكتابه على حياتك ..

تظهر من وراء تل سياره نقل كبيره .. فوقها حموله أكبر من حجمها ثلاث مرات .. أطارات

السيارة نصف مفرغه لكي لا تغرز .. السيارة سريعه مقارنه بحجمها وتترك ورائها سحابه

من الرمال ..

V.O

مرغني

في عربية بتطلع كل ليله بتأخذ طريق الصحراء

بتهرب سلاح ومخدرات وناس

سودانيون مربوطين إلي حمولة السياره مثلهم مثل البضاعه .. منصور ريط نفسه هو الآخر .. يضع يده حوله من البرد .. يمد يده لحقيبته صغيره ويخرج منها الصديري المضاد للرصاص ويرتديه ..

V.O

مرغني

أربع أيام ما بتقوفش غير لما توصل منصور والسودانيين بيدون مرهقين للغاية .. أحدهم يتبرز من مكانه ..

مرغني

ده لو وصلت

ن / خ

م / 101

الجبل

جمعه ورجاله يأكلون خلف صخره كبيره تخفيهم عن الأشجار .. تقزعهم دفعات من مدافع رشاشه .. ينتفضون كل منهم إلي سلاحه ثم ينظرون إلي مصدر الصوت .. تتسع أعينهم مع اكتشافهم أن مصدر الصوت هو منصور أسفل الوادي يحمل على كتفه العديد من الرشاشات .. في يديه اليمنى واليسرى رشاشات يطلق منها النار يبدو منهكاً وقذراً ..

ن / خ

م / 102

زراعات قصب

مساحات مهوله من القصب ثلاثة شباب نقونهم لم تحلق منذ شهر ويبدو عليهم الأهمال يجلسون داخل دائره من القصب المكسور يتأمل أحدهم جريده وبها صور لهم ومكتوب تحتها الأرهابين والآخر يحلق ذقنه بموس دون معجون يمص أحدهم قطعة قصب يسمع آخر صوتاً فيلتقط مدفعه الرشاش

الشباب

مين

يظهر له أحد المطاريد الملتئمين أمامه وقبل أن يصوب عليه بنقديته يطلق عليه آخر النار من وراءه .. أنه منصور .. يحاول الشابان الأخران الوصول لسلاحهم لكن يرددهم المطاريد قتلى ..

يخرج شاب من كهف من الجبل .. ينظر يمينا ويساراً. يتجه وراء صخره ويجلس على الأرض ليقضي حاجته ..

بمجرد جلوسه يرى على مستوى نظره شخص ملتم جالس على ركبته وراء صخره أخرى أمامه .. وكأنه كان منتظراً له في هذا المكان. ينتفض مذعوراً لكن منصور من وراءه يسكين يقاتله ..

يدخل منصور والمطاريد الكهف الذي خرج منه الإرهابي . يفاجأ ثلاثة من الإرهابيين ببنادق إليه مصويه لرؤسهم . يستسلمون . المطاريد يقيدون الإرهابيين .

أحد الإرهابيين

أحنا حربنا مع الحكومه .. مايحكموش بشريعة
ربنا ...

منصور

الكلام ده تقولوہ في جرايد المعارضه .. إنما أنا
عارفكو كويس أنت مش حشاش يا ابن أبو إسماعيل
ابن أبو إسماعيل (الإرهابي)
هو الحشيش حرام

منصور

لا حلال زي قتل السياح بالضبط ..
منصور يضع قطعة قماش في فم الإرهابي ليسكته ..

منصور

لو سيبينك تتكلم مش هسلمك عايش
أحد الإرهابيين

الموت ليهم رحمه .. بدل ما عمالين يحصلوا ذنوب

ابن أبو إسماعيل

ويبقوا ماتو موته شريفه .. عشان تطبق شرع الله
في دول إسلاميه ..

منصور

وشرع الله هيتطبق بقتل السياح

ابن أبو إسماعيل

السياح دول وسيله بتقربنا للغايه .. باب بيقربنا على
للي عايزين نوصله ..

منصور يضع قطعه قماش في فم ابن أبو إسماعيل ليسكته ..

منصور

لو سيبينك تتكلم مش هسلمك عايش

يقترب منصور من الإرهابي الآخر لكي يضع قطعه قماش في فمه

الإرهابي

أحنا مالنا ومالك .. أنت بتعمل كده ليه ؟

منصور

أنتوا بقى الجاب بتاعي اللي هيقربني ليم
أوصله ..

يضع قطعه القماش في فمه بعنف ..

ن / خ

م / 103

صحراء

جثث الأرهابين مرصوصة بجانب بعضها وبجانبيهم الثلاث أرهابين المقيدين . منصور وجمعة وأثنان من رجالهم معهم يراقبون رشدي وهو يضع صورة من معه بجانب كل أراهابي ليتأكد أنه هو. مع كل صورة تطابق الأرهابين نشعر أن رشدي ينتشي .. رشدي يتأمل أحد القتلى . يبحث في الصور لكن لا يجده ..

رشدي

ده زياده .. بس مش مشكله ..

منصور

نرجعه يا بيه

رشدي

لا لا .. عندنا قضايا كثير وعايزين ناس تشيلها ..
هو مش كان هربان ... يبقى أكيد عامل عمله

منصور

تحب تستلمهم في الجبل ..

رشدي

إيه اللي يرجعنا الجبل ..

منصور

علشان تهجم وتضرب نار والحكاية تتحبك مش
المفروض هربانين في الجبل
رشدي ببساطه يحرك قدمه ليقتف بها الرمال على الأرهابين .. ليغطيهم بالرمال ..

رشدي

خلاص بقوا في الجبل ..

يشير رشدي لرجاله فيحملوا الجثث والأرهابين داخل بوكس الشرطه .. عواد هو الوصول
الرئيسي .. يرى رشدي السلاح في يد منصور ورجاله ..

رشدي

بس جدع والله عرفت تتصرف في سلاح ..
يمسك رشدي بندقيه منصور ويتأملها .. يتفحصها ..

رشدي

ده 7.62 .. مش مصري ها ؟!

منصور

مالسودا

يقاطعه رشدي

رشدي

مش عايز أعرف .. في حاجات كده يا منصور

الواحد أحسن ما يعرفهاش
يعطيه بندقيته مره أخرى ..

رشدي

قوللي بقى طلباتك ..

ينظر منصور ناحيه البوكس الذي به الأرهابين ..

منصور

مفيش يا بيه أحنا عايزين مصلحة البلد ..

رشدي

وطبعاً مصلحة البلد أن النجايله يختفوا .. خلاص

هقبضك عليهم ..

منصور

لا يا بيه أحنا مش عايزين نتعبك .. سييهوملي

رشدي

وهتعمل معاهم إيه أن شاء الله ..

منصور

ضمها يا بيه دي للحاجات اللي أحسن ما تعرفهاش

يشير رشدي للمطاريد ..

رشدي

وبعدين دول هيرجوا فين؟! ..

منصور

المطاريد هينزلوا يعيشوا عالجزيره ..

رشدي

وسعت منك دي يا منصور

منصور

الأرهاب مخلصش يا بيه .. والهريانين الجداد ما

يجيبهمش إلا اللي هريانين طول عمرهم ..

المطاريد ..

رشدي يفكر وهو ينظر لمنصور والمطاريد حوله ..

منصور

ماتخافش يا بيه...اللي داق عيشة الحبل مايبعوزش

يرجعها تاني ... مش هاتسمع للمطاريد حس في

الجزيرة

كريمه تعطي منصور أبنه .. يحتضنه ثم يقبله .. الطفل بيكي

كريمه

طول الوقت بيبيكي كأنه حاسس باللي حصل ..

منصور

هيبتل بكا لما أمه يتاخذ بتارها

كريمه

عمر التار ما بطل حد بكا .. منصور الدم مش

هيرجع اللي راحوا .

منصور

لو التار مش هيربحنا هيريح اللي ماتوا في

رقدتهم

كريمه

أنت مصدق الكلام ده ولا هتاخذ بتارك علشان لو

مأخذتوش مش هيقولو عليك راجل ..

بيتعد منصور ..

منصور

لو أنتي كنتي مرتي ماكنتش هسيب دمك أبداً

كريمه

لو كنت مينه ما كانتش هنفرق معايا

منصور

كلام مليح قوي ... بتقوله اللي خواتها قتلوا امي و

مرتني

يخفتي وسط القصب ..

بيدو على كريمة الخوف ..

ن / خ

م / 105 أ

نقطة الجزيرة

العساكر تغادر النقطة و يركبون في بوكس شرطة.. النقطة خالية تماما .. نرى في انعكاس

المرآة الجانبية رشدي وهدان بجانب سائق البوكس المبتعد ..

ل / خ

م / 105 ب

الجبل

منصور في وسط مخزن كبير للسلاح يوزع سلاح على من حوله يرتدي أفرول وكأنه يتجه

لمعركه ..

أمام منزل النجايحة

م / 106

ل / خ

مشهد أقتحام كبير من منصور ورجاله لمنازل النجايحة ومهاره فلتة منصور في التخلص

من النجايحة .. يقتل المطايريد هريدي النجايحي ..

منصور يبحث عن محمود حتى يجده .. تحدث بينهم مطاردة فوق اسطح المنازل .. تراهم كريمه التي تحاول اللحاق بهم في جزع .. يشتبك منصور ومحمود بالأيدي .. منصور يسقطه ويخرج مسدسه ليقتله .. تصل كريمه وتصرخ لمنصور كي يترك أخيها .. ينظر لها منصور ثم يطلق النار على أخيها محمود .. تنهار كريمه فقد خسرت أخيها ومنصور للأبد

خ / ل / ن

م/107

أماكن مختلفة

لقطات مختلفة تعبر عن تمكن منصور من رجوعه مرة أخرى لاحتلال مكانه و تحكمه في الجزيرة , و خضوع العائلات له و احكام الحصار حول عائلة ناجح .
-قتل في المزارع
- سقوط يقط انتخابيه
- ناس تقبل راسه في غرفة المجلس
- منصور يبدو متأنقا أمامه علي الصغير ... منصور يتأكد من هدامه بنفسه ...

- نهاية فلاش باك -

ل / خ

م/108

مكتب مساعد وزير الداخلية

يقراً مساعد الوزير بعض الورق في يده و بعض الصور ..
مساعد الوزير
ده و لا الخط ..

طارق

الخط كانت الناس يتخاف منه يا أفندم لكن منصور
بيعمل كل حاجة علشان يكسب الناس .. النوع ده
أخطر من اللي زي الخط ..

مساعد الوزير

أنا عايز أثبات .. دليل عليه نعرف نتحرك بيه ..

طارق

حتى اللي رضوا يتكلموا .. مش راضيين يتكلموا
بشكل رسمي في محاضر

مساعد الوزير

مش زارع مخدرات

طارق

مش في أراضي ملكه

مساعد الوزير

والسلاح ..

طارق

التحريات لسه واصلني أن كان فيه تاجر سلاح
سوداني كان بيزوره من كام يوم .. أنا شايف أننا
نقتحم الجزيره وأكيد هنلاقي ميت حاجه تدينه ..

مساعد الوزير

مينفعلش .. دول تجار سلاح يعني هتبقى حرب
والفضائيات ماوراهاش غيرنا .. هيعملوا من شويه
المجرمين دول أبطال وأسطوانه حقوق الإنسان
والقصص اللي أنت عارفها ..

طارق

وأحنا من أمتي بيهمنا يا أفندم ..

مساعد الوزير

لا بقى يهمننا .. كل الدول بعد حداشر سبتمبر مهديه
اللعب في مشاكلها الداخليه .. محدش عايز شوشره
ووجع دماغ .. بعدين يقولو عندها أرهاق .. تهمة
الأرهاب دلوقتى بقت بتلرزق

طارق

أنا كنت فاكرا أحنا ملناش دعوه بالسياسه ..

مساعد الوزير

هما يا بنى كانوا بيعلموك إيه في الأمم المتحده دي

طارق

(بأحباط)

نحمي المعسكرات اللي فيها الأطفال والسيدات
والعواجيز .. أهل اللي كانوا بيحاربوا بعض

يضحك مساعد الوزير ..

طارق

بتضحك ليه يا أفندم ..

مساعد الوزير

عشان دي مش طريقه حد عايز حرب تخلص ..

طارق

لما كانوا يعرفوا أن أهلهم في أمان كانوا يحاربوا
بعض أشد ميت مره ..

مساعد الوزير

لازم تسبيلهم حاجه يخافوا عليها ..

يرن تليفون طارق

طارق

بعد اذنك يا فندم

يرد على التليفون بلهفة

طارق

أبوه يا أمانى
تتغير ملامح وجهه للجديّة ...

طارق

أنا جاي حالا ..

د / ل

م / 109

مستشفى

طارق يسرع الخطا في أروقه المستشفى .. يبدو عليه القلق ..
يصل إلي غرفه أبيه .. أمانى تقف أمام الغرفة ..

طارق

بابا عامل إيه ؟

أمانى

أطمئن الحمد لله .. حالتوا مستقره دلوقتى ..

طارق

الحمد لله

أمانى

ماكانش ليهم لازمه كل الدكاتره اللي أنت بعنهم
المستشفى هنا كويسه خالص ..

طارق

دكاتره إيه

أمانى

أساتذه جامعات ومعرفش عميد كلية طب إيه ..
الدنيا أتقلبت لما جه

طارق

عميد إيه أنا مابعتش حد ... من ساعة لما
كلمتيني و أنا فى السكة ...

تشير إلي الرواق

أمانى

لسه ماشي كده وحواليه دكاتره كثير بيسلموا عليه

..

يتجه طارق إلي حيث أشارت .. فى آخر الرواق يقف الطبيب وحواله أطباء كثيرون .. يتكلم
الطبيب مع شخص وظهره لطارق ..
يصل إليه طارق ..

طارق

بعد أذنك يا دكتور

يلتفت إليه الطبيب ومع التفاتة يرى طارق محدثه أنه منصور تتسع عينا طارق
Cut

د / ل

م / 110

غرفة / مستشفى

طارق يقتحم غرفة وهو يدفع منصور .. يخرج مسدسه ويلصقه بصدغ منصور ..

طارق

لو دي طريقتك في التهديد فأنا مابتهددش

منصور هادئ ولم تهتز له شعره

منصور

تهديد إيه يا باشا والدك يبقى والدنا .. الدكتور

طممني عليه

يضغط طارق المسدس على رأس منصور

طارق

أنا مش عايزك قريب من أبويه أو أي حد أنا

أعرفه

منصور

هو أنتوا بتعاملو ضيوفكوا في مصر كده

طارق

بتعامل كده مع اللي زيك

منصور

متشكرين يا بيه .. بس أنا ليه عتاب عندك ...

تسمع لكلام الناس كده

طارق

أنت مين قالك أن أنا قلت حاجة

منصور

مش حضرتك لسه جاي من وزاره الداخليه

طارق

(بانفعال)

أنت بتراقبني ولا إيه ..

منصور

إيه ده هو لما حد بيتراقب المفروض يزعل من اللي

مراقبينه .. يبقى أنا المفروض أزعل من زمان ..

طارق

أنت هتقارن نفسك بيه ..

يزيح منصور مسدس طارق بيضاء ..

منصور

أنت قاسي علينا قوي كده ليه .. أحنا مش من طينه
تانيه ..

طارق

أطلع بره ومش عايز أشوفك هنا تاني

منصور

ماشى يا بيه .. بس العين بالعين والتلات أيام بتوع
الضيافه خلصوا خلاص .. من النهارده مغيث حد
فى الجزيره هيكلمك ولا حتى يبصلك .. أنا كنت
جاي بس أطمئن على الوالد .. علشان أحنا بتوع
أصول وبنراعي العشره .. سلامو عليكو ..

يخرج منصور خارج الغرفة ..

ل / د

م / III

مكتب رشدي

رشدي يتحرك فى مكتبه و هو يتحدث فى التليفون ..

رشدي

أيوه يا باشا أنا عرفت انه جالك ... لا مايتيها ليش
ان طارق عرف حاجه ..
منصور ريحته فاحت قوي ... هو أدى دوره و
زياده , معاده بقى يسلم الرايه لى بعده

ل / د

م / II2

المستشفى/غرفة الأب

طارق يدخل الغرفة ..

طارق

ألف سلامة عليك يا بابا ...

فؤاد بسيوني

أنا كويس .. قلت أخضكوا شوية علشان
وحشتوني ... قللي عامل ايه فى الصعيد ..

طارق

كويس الحمد لله ..

فؤاد بسيوني

كويس يعنى عملت إيه ؟!!

طارق

شاغلين

فؤاد بسيوني

انت مش هين عليك تقولي أي حاجة عن
شغلك...أنا مايقيتش اللوا فؤاد بسيوني اللي
بيخوفوا بيه الضباط .. أنا بموت يا أبني
أنا وصيت عليك تروح المأمورية دي علشان انت
عارف إن أنا اشتغلت كثير في الصعيد وقلت
هاتيحي المره دي تسألني .. يبقى الناس كلها
بتيجي لحد النهارده تستفيد من خبرتي و انت
لا ...

طارق

يا بابا أنا بحب أعمد على نفسي ..
يسعل الأب و يبدو عليه التعب

أمني

ارتاح يا بابا مش وقت خناق ...
يتأزم طارق عندما يرى تعب والده ..

ن/خ

شوارع الجزيرة

م 113

طارق يسير بجوار رشدي .. وسط رجال مباحث وعساكر .. رشدي يرتدي نظاره شمسيه
سوداء ..

الناس في منازلها وخارجها ينظرون لرشدي ورجاله في رهبه ..

طارق

الراجل السوداني اللي كان عند منصور .. تاجر
سلاح أسمه مرغني .. ملفه لسه واصلني .. أكيد
جاب سلاح لمنصور ..

رشدي

طبعاً .. أمال كان جاي مالسودان يتفسح ..

طريقه رشدي مختلفه عن كل مره يحدث طارق .. يبدو عليه أنه يحافظ على بروده ورهبتة
أمام أهل الجزيرة ..

طارق

يبقى نروح نقبض على منصور ونقلب بيته لغابه لما
نلاقي السلاح ..

رشدي

الناس دي بتتاجر في السلاح من قبل ما أحنا نتولد .. لو في سلاح طبعاً مش هتلاقيه في بيت منصور ..

طارق

أنا مش هتقعد أتفرج .. مفيش حد مالجزيره بقى راضي يديني أي معلومه ..

رشدي يشير إلی سرب حمام يحوم حول الجزيره .. يتوقف رشدي أمام منزل متهاك ..

رشدي

شايف دول .. طول ماهمه بيلفوا كده معناها أن في بضاعه في الجزيره معناها أن كله يحط عينوا في وسط راسوا .. لو دخلنا دلوقت مش هتلاقي حاجه وهتضيع عنصر المفاجأة ..

فجأه يضرب رشدي بقدمه باب المنزل لينهار الباب ..

ل/خ

م / 119

منازل في الجزيرة (حوش المنزل)

عدد كبير من رجال الشرطة بيتهم من يرتدي ملابس مدنية "المباحث" و آخرين يرتدون الملابس العسكرية ... هناك رجال على الأرض مقبوض عليهم و عسكريان يحفروا في حوش المنزل .. رشدي و طارق يتابعوا الحفر ...

رشدي

أنا بقالي هنا عشر سنين .. يتوقف العسكريان عن الحفر مع وصولهما لشيء ...

رشدي (يبتسم)

كل أسبوع بضبط أكثر من ميت حتة سلاح .. وعمري ضربت طلقه ..

يقرب رشدي و ينحني عند الجزء الخشبي و يزيح عنه التراب بنفسه .. يظهر أنه صندوق خشبي ..

يضرب رشدي بالجاروف الصندوق الخشبي من أعلاه ليكسره ... الصندوق ملئ بالبنادق الآلية ..

طارق (مندهشاً)

ازاي !!!

رشدي

لا دي عايزه عشر سنين هنا عشان تفهمها .. ولو أن في ناس بتقعد عمرها كله وما بتقهماش ... منصور هنوقعه في الوقت المناسب .. لو مش بالسلاح هيبقى بالمخدرات ..

طارق بيدو عليه التفكير ...

البوکسان ینصرفان ... بهم طارق و رشدي ... منصور و حسن من بعيد یراقبان ما یحدث ...

- قطع -

ل/خ

م / 114

شوارع مدينة فنا

خالد یخرج من محل کباب و في يده ساندويتش یأكل منه و یناول الآخر لطارق الذي یبدو محبطا .. یقرب الساندويتش الممتلئ عن آخره بالكباب ...
طارق
هي اللحمه هنا بیلاش و الا ایه ...
خالد یأكل بنهم ...

خالد

اتوصی طبعا لما قلت له ان احنا ضباط
هتلاقي السندويتش العادي بیشممه لحمه بس ...
دی بركة الجنيه الميري
طارق یناول خالد السندويتش الخاص به ...

طارق

امسك ... مالیش نفس ..

خالد

مالك یا طارق .. متضايق من ایه ؟؟

طارق

حاسس ان احنا جاين ننفسح.

خالد

ما هو طبيعى ان احنا نستنى ... واحد زي
العميد رشدي فاهم الناس هنا بتفكر ازاي ...

طارق

و هما فاهمين هو بیفكر ازاي ... و الوزارة باعتانا
عشان كده بالضبط عشان عندنا عنصر
المفاجأة .. صح ؟؟؟

خالد

صح

طارق

انت مش لیک واحد من دفعتك وکيا نیابة هنا ...

خالد

شريف الفيشاوي ..

طارق

کلمهولي .. أنا عاوز انن نیابة حالا ..

- قطع -

ل/خ

م/115

منزل منصور

خالد و طارق و أمير يخطون بخطوات بطيئة داخل المنزل ... المكان شبه مظلم ... هناك صور لمنصور و أبيه و عليها علامة سوداء تظهر أنه متوفي ...
طارق يشير لخالد و أمير كل منهم في اتجاه .. يتجه كل منهم في ناحية و يزرع فيها أجهزة تصنت صغيرة ..

ل/لا

م/116

بدروم مخزن السلاح

منصور و حسن و فضل ... هناك كمية كبيرة من صناديق السلاح ... منصور يخرج سلاح و يفككه بسرعة و احتراف ليتفحصه ...

حسن

قول لمرغني عايزين تاني من السلاح أبو خزينتين .. مش ملاحقين على بيعة ..

هناك صوت يصدر من آخر المخزن لا يلتفت له الا منصور ... يترك منصور السلاح و يتجه ناحية الصوت ... انه جهاز رقمي يبدو متقدم ... حسن و فضل يتبعاه ..

حسن

هو الجهاز ده ايه .. من ساعة ماجابهاوك مرغني و هو مرمي كده .. أنا كنت فاكرة فيديو و جيت فيلمين على مزاجك متسجلين من على الدش ..

منصور

ده جهاز تشويش ..

حسن

تشويش !!! يعني بيعمل ايه ؟؟

منصور

لما الحكومة تحط أجهزة تصنت جوه بيتنا يعمل الصوت ده ...

نتسع عينا حسن و قد أدرك ما يعنيه هذا ... فجأة يجري الجميع ...

حسن

اجري يا واد على البيت

- قطع -

ل/لا

م/117

منزل منصور

رجال منصور داخل المنزل الآن ... لا أحد غيرهم ...
يصل منصور ...

حسن

مالقيناش حد ..

منصور (بغضب)

زمانهم روحوا و ناموا ... أنا قلت تبقى فيه
حراسة جوه البيت ..

حسن

أنا قلت ماينفعلش الرجالة يبقوا جوه البيت ... و
بعدين رشدي بيه مش طمنك ...

منصور

انت ماتقولش و ماتفكرش ...

حسن

ماشى يا كبير ...

منصور

انقلوا السلاح المخزن التانى و فتحوا عنيكوا ...

ل/د

سطح الإستراحة

م 117

طارق مع فريقه يفتحوا جهاز التسنط و يسمعوا منصور

منصور (صوت)

أهم ناس الحكومة. لازم تسمع كلام الحكومة...
فجأه يسمعوا صوت تشويش.

إيهاب

عنده جهاز تشويش.

طارق

إيهاب... تعرف تفك الشفرة و تتخلص من
التشويش ده.

إيهاب

ممك ... بس حياخد وقت

طارق

مش حينفع. لازم تتخلص من التشويش ده
بأسرع طريقة. دي مسؤوليتك الوحيدة دلوقت

إيهاب

حاضر يا فندم

دل

زا 18

وانت حر www.za2ed18.com

م/118

مكتب رشدي في المديرية

رشدي واقف بجانب مكتبه و يبدو عليه الغضب الشديد بجانبه تليفون يتحدث فيه ..
على الاسبيكر (speaker)
طارق يجلس أمام المكتب في حرج ..

رشدي

يا افندم لو ده الأ سلوب اللي هاتشتغلوا بيه
...أخذ أجازة لغاية لما تخلصوا المهمة دي ..
صوت مساعد الوزير من التليفون ..

مساعد الوزير

خلاص يا رشدي خلاص .. طارق هاينسق معاك
بعد كده ..

رشدي

مش بس على التنسيق يا افندم , و تطبيق
الاجراءات ... ما أنا من بكره ممكن أقبض على
منصور بس لو الاجراءات ناقصة هيطلع زي كل
مره ...

مساعد الوزير

لا أنا عايز من القصة دي .. طارق نسق مع
الراجل ده ..

طارق

حاضر يا فندم ..
يغلق رشدي السماعه

طارق

كنت عايز أجيب عليه دليل مايقبلش اللبس ...
اعتراف بصوته..

رشدي

يا ابني الناس دي مايتغلطش بكلمة حتى و هي
نايمة ... و انت خليته دلوقت يفتح عينه على الآخر
باللي عملته.. كنا عايزين نلاقي عنده سلاح ...
ابقى قابلني لو لقيت في الجزيرة كلها بندقية رش
...

طارق لا يرد ... تتغير لهجة رشدي لقلق على طارق ..

رشدي

انت عارف لو كانوا قتلوك انت و اللي معاك ..
كانت ديتكوا زي دية الحرامية اللي داخلين
يسرقوا البيوت

طارق

أنا خلاص ما بقيتش عارف أعمل إيه ..

رشدي

أنت فاكّر إيه في يومين هتفهم الدنيا هنا ماشيه
إزاي .. أنا مرضيتش أقلك كده مالأول .. سيبتك
تشوف بنفسك .. طبعاً الوزاره غلطانه .. محدش
هيفهم هنا غير واحد من هنا .. ولولا توصيه أبوك
مكنتش هتيجي مالأصل .. أنت أخويه الصغير ..
طبعاً مش هقول الكلام ده لحد تاني .. بس أنت لو
عايز تكمل يا طارق .. متمشيش من دماغك .. أسأل
اللي بقاله سنين هنا .. أنا أخوك الكبير مفيهاش
حاجه ..

- قطع -

ن / خ

م / 120

منزل منصور

سيارات جيب كثيره متوقفه أمام المنزل .
تصل سياره حمدان ويخرج منها و يتجه الى المنزل .

ن / خ

م / 121

عمارة مواجهة للجزيرة

طارق على سطح عمارة وينظر من منظار على موكب السيارات أمام منزل منصور ...

ن / د

م / 122

منزل منصور

المكان ممتلئ .
الجميع متأنقين ويبدو عليهم الثراء والهيبة .
منصور وحسن يسلمون عليهم الواحد تلو الآخر بأحضان وقبلات . يصل اليهم في النهاية
حمدان يقبله ويحتضنه .

حمدان

ماتعزمناش عندك غير في المشاكل بس يا منصور

منصور

أعزمك في بيتك يا حمدان

حمدان

كفاره يا حسن مشفناكش من أيام السجن !!

حسن

الله لا يعيدها أيام ..

حمدان

ايه السجن ماجاش على هواك ؟؟

حسن

عمره ما فرق معايا .. بس كانت عيبه اني أخش
السجن في حته سلاح .. مش في تهمة عدله ..

شعبان (ضاحكاً)

بكره تخشه في قتل

حسن

ما تفولش على نفسك

يشير حمدان على يمينه

حمدان

دول تجار نجع عبد الرسول ودول تجار

يقاطعه منصور

منصور

هتعرفنا بأهلنا

حسن

كلهم ولاد عمنا

حمدان

أنت عارف يا منصور أن سلونا أن الحماية متبقاش
في أيد عيله واجده وأتفقنا من زمان أن أحسن حل
أن مفيش عيله ترشح حد منها

منصور

الاتفاق ده كان ليه يا حمدان

حمدان

علشان الحماية تتقسم علينا زي بعضينا

منصور

أنا أكثر واحد فيكوا رجاله من عندوا أتمسكوا ..
خدت إيه مالحمايه .. كامل بيه عمل حاجه

كامل النجار

أنت عمرك ما طلبت مني حاجه

منصور

وأنا هاشحت منك .. أوعاك تكون صدقت نفسك أنت
موظف عندنا ... بتأخذ مرتب

كامل

أنا موظف

منصور

لا معادلش عازه عندنا هنتطلع



كامل النجار

سامع يا حمدان

حمدان

ما يصحش يا منصور

يقف منصور

منصور

ما يصحش نكون كلنا ولاد عم وسايين غريب بنا
علشان مخونين بعض .. حمايه مجلس الشعب
ملهاش عازه عندي زي ما عشت من غيرها السنين
اللي قاتت مش هجري وراها دلوقت .. كلكو عارفين
أن كلمتي واحده .. الدوره دي هيخادها واحد من
ولاد حنفي مش هيفرق بين حد مننا والدوره الجايه
رشحوا حد من عندكوا

شعبان

من غير حمايه محدش فينا هيبقى موجود للدوره
الجايه

يقف حسن

حسن

عيب الكلام ده يا شعبان

يقف الجميع

كامل النجار

مش قتللكوا ..

منصور

ايه يا كامل احنا مش في زمن الديمقراطية .. يا
أخي الناس كارهاك و عايزني أرشح نفسي ..

حمدان

انت اللي هترشح نفسك يا منصور ..

يهز منصور رأسه ببساطة ...

منصور

مش كبير ولاد حنفي ..

كامل النجار

أبوك لو كان عايش مكانش هيرضى ..

يقاطعه حسن بحدده ..

حسن

كامل أنت بالذات متجيبش سيره أخوي لا قطعك
لسانك ..

حمدان

محدش هيرضى باللي بتقوله يا

منصور

خلاص بيبقى نسيب الناس تقول كلمتها في
الانتخابات

حمدان

انت كده بتعادي الكل يا منصور انت الحكومة
بتتخور وراك الأيام دي ..

منصور

ياه ده أحلى شغل و الحكومة بتتخور وراك ... قلبك
بيبقى ميت و كل الناس بيبقى شكلها صغار ..

ينظر الجميع لبعضهم ويبدو المكان على وشك الانفجار .. يتحرك حمدان ومن معه خارجاً ..

م 123

ن/د

مكتب رشدي

رشدي يشاهد صور انتصرااته يدخل عواد.

عواد

منصور و حمدان ما اتفقوش ... منصور ركب راسه و
هايرشح نفسه قدام كامل النجار

يهز رشدي رأسه و يرجع الصورة ..

ن / خ

م / 124

سوق الخضار

كريمة

هتبعلي على مزاجك بقلك أديني خمسة كيلو

يزن التاجر كيلو بصل واحد ..

التاجر

موال كل يوم مش هنخلص منه بقى .. مقدرش أبيعك

غير كيلو واحد في اليوم .. اللي يكفيكي أنت بس

مش كل دار من دوار النجاية

كريمة

الناس تموت بالجوع يعني

التاجر

أحسن ما أنا أموت

يناولها كيس البصل .. يظهر منصور ورائها ..

منصور

أديها اللي هيه عايزاه النهارده
يرتبك التاجر ويزن البصل في سرعه

التاجر

أمرك يا كبير

تتفادي كريمه النظر له وتظل مسدقه في الخضراوات أمامها .. تتجمد المشاعر على
وجهها ..

يتأملها منصور في حزن ..

ينتهي التاجر من الوزن ويعطيها الكيس .. تمد يدها بالنقود ويرتبك التاجر وينظر لمنصور
الذي يهز رأسه بالأ يأخذ منها نقود
يهز التاجر رأسه لها رافضاً في خوف ..
تبدو أنها ستقاوم لكنها تفضل تقاديه .. تأخذ كيسها وتبتعد ..
منصور يبتعد في سرود وحزن ..

تستوقف منصور سيده وفي يدها أبنها ذو العشرة أعوام

الأم

يا كبير ..

يتجه لها منصور ببساطه ..

الأم

الواد سباب المدرسة وغلبت معاه
ينحنى منصور ليكون في مستوى الطفل

منصور

أنت أبوك موصيني عليك .. سيبت المدرسه ليه

الطفل

بشتغل في الأرض بشرط أفيون

منصور

بتكسب كويس أياك

الطفل

لا علشان أبقى زيك .. كبير

الأم

أختشي يا واد

منصور

لو عايز تبقى زيي ترجع المدرسة .. لو رجعت المدرسة
يوميتك شغاله .. بشرط تنجح .. لو مانجحتش
هشغلك سنه بلاش

الأم

ربنا يخليك .. ربنا يجبر بخاطرك

يبتعد منصور .. الأم تزغرد ..

تدخل كريمه المنزل وهي تحمل أكياس الخضراوات الثقيله ورائها عشرون من نساء
النجايله .. أمها وتوفيق في انتظارها ..

توفيق

أنتي كلمتي الكلب اللي اسمه منصور ..
تجاهله وتتجه ناحيه المطبخ ..

توفيق

ردي عليه

يمسكها من ذراعها في قسوه .. تقع الاكياس وتتناثر الخضراوات .. يهرول ورائها النساء
وكأنهم في مجاعه ..

الأم

سيبها يا أبني

توفيق

البلد كلها بتلسن علينا .. هي الوحيدده مالنجايله
اللي سايبها تنزل .. ناقصه كمان تكلمه .. ده أنا
أطخها ..

يتجه إلی غرفته ..

كريمه

هطخني وتاكل إزاي وأنت وكل الناس دي
يتوقف ويهدأ قليلاً عندما يري نظرات نساء العائله تحيط به ..

كريمه

من بكره ما نزلش لو عاير .. أنا مش هتفرق معايا ..
طول النهار بشحت من ده وده علشان بييعولي شويه
خضار وفاكهه .. يعني أكرمتي أموت مالجوع أتفقوا
مع بعض ولوكلكوا معندكوش مانع تموتوا مالجوع أنا
مش هخرج مالدار ..

تتركهم وتدخل غرفتها ..

عيون النساء تحاصر توفيق في ملامه .. توفيق غاضب للغاية ...

ن / د

م / 126

المقابر

منصور و فضل و علي يقفون أمام شواهد قبور مكتوب عليها اسم علي حفني و والدة
منصور و فايقة زوجته .. المنظر مهيب .. لا صوت لأحد ... علي صامت هو الآخر .. رجال
منصور يضعون جريد نخل أخضر على القبور ... علي يشير لفضل متسائلا عن سبب
وضع جريد النخل ..

منصور

دي اللي بيموت بنحطها فوق قبره ..

علي

ليه ..

منصور

بتخفف عنه العذاب ..

علي

هي مش أمي عند ربنا ... هيعذبها ليه ...

منصور

انشاء الله أمك في الجنة .. دي أمك لو بتتعذب يبقى
مين اللي هيخش الجنة....

علي

انت هاتخش الجنة ...

يصمت منصور قليلا و يفكر ...

منصور

لو هاخشها أبقى رايح أزور أمك بس ...

رد الفعل على علي الصغير ..

ن / د

م / 127

خارج المنزل

يركب منصور سيارته و يركب فضل و علي الصغير السيارة الأخرى و وراءهم سيارة ثالثة ..

ن / د

م / 128

طريق

سيارة منصور في الطريق.علي يركب بجانب منصور الذي يقود .. هناك رجلين مسلحين
في الخلف

قطع من الأغنام يقطع الطريق أمام سيارة منصور و السيارة التي خلفها ... السيارة التي
فيها فضل تنطلق بعيدا ... تتوقف سيارة منصور و وراءها السيارة الأخرى ... منصور
يبتسم لعللي الصغير .. سائق سيارته يطلق بوق السيارة أكثر من مرة .. الأغنام مازالت
أمامهم ... منصور ينظر للأغنام التي بلا راعي ...

تنطلق فجأة المدافع الرشاشة من جانب الطريق .. لتحول السيارتين الى مصفاة ... طارق
يراقب من بعيد و يرى ما يحدث ... رجال منصور يقاومون يقتلون الواحد بعد الآخر ...
منصور يأخذ علي في حضنه و يقفز إلى كرسي قياده السياره ويقودها إلى مزارع القصب
على جانب الطريق .. لا يرى شيئا من القصب وتلاحقه الرصاصات .. تقع السياره في
حفره توقفها ..

رجال منصور كلهم يقتلون ... يدخل الرجال المهاجمين الى مزارع القصب وراء منصور ...
طارق يخترق القصب ... منصور يعدو و يجري و هو يحمل علي ... القصب الناشف يجرح
وجه منصور و علي الصغير

علي يبكي من الخوف .. منصور يخرج مسدسه و يقتل أحد المهاجمين ... يضرب طلقات
أخرى لكن مسدسه تنتهي منه الذخيرة ..

طارق لا يستطيع الوصول لأحد و لا اختراق القصب ..
منصور (علي)

ماتخافش ... ماتخافش
يجري به منصور ثم يتوقف و يتركه على الأرض

منصور

خليك مكانك ... هارجعلك تاني..

علي

لا .. ماتسيبنيش ...

منصور

ماتبكيش .. الرجالة مايبكوش ... ماتتحركش و لا
تعمل صوت ..

ينظر له علي و هو يجاهد لكي يتوقف عن البكاء ...
بيتعد منصور

أحد المهاجمين يستشعر حركة على يمينه ثم أخرى أمامه ... انه شخص يلف دائريا حوله ..
يمطره برصاص .. شئ يقع .. يقترب منه المهاجم ليكتشف أنه قتل زميله ... يقطع القصب و
يبحث بعينه على منصور و علي ... فجأة يضرب على وجهه بعنف بثلاث أعواد قصب ...
أطراف الأعواد خادة كالسكين ... تشوه وجهه تماما ... يضربه منصور ليسقطه ... ثم بكل
قوته يضرب الأعواد بطريقة عمودية على رأس المهاجم ... منصور يبدو في منتهى
الشراسة ..
المهاجم الأخير يبدو تائها

المهاجم

الهامي حسونة

ينظر منصور في المكان الذي به علي ... في يده سلاح الآن يأخذه معه ..
المهاجم تائه ... تتطلق طلقة تصيب بطنه .. يصرخ في ألم ... يظهر فوقه منصور و معه علي
..

منصور

مين اللي بعثك ... النجايحة ؟! حمدان ؟!
الحكومة ؟!

يصرخ في ألم .. منصور يقترب من رأسه و يضرب طلقة بجانب أذنه بدون أن يصيبها ..
يتألم المهاجم و يمسك أذنه اليمنى و هو يبكي ...

منصور

لو ضربت وبتك الثانية مش هاتسمع سؤالي و
ساعتها مش هايبقى لك عازه عندي ..

يصرخ المهاجم في ألم و هو يبكي ... يلف منصور ناحية أذنه الأخرى ..

المهاجم

حمدان ...

منصور يلتفت لعلي الذي يكاد يبكي وهو يسمع تألم المهاجم ..

منصور (علي)

ده كان عايز يقتلك انت و ابوك .. زي ماقتلوا أمك ..
علي لا يتحرك ... مصدوم و مدهول ... يضغط منصور على اصبعه وعلى يغمض عينيه مع
صرخه المهاجم .. منصور أطلق النار بجانب أذنه الأخرى ..
طارق تائه و لا يعرف طريقه و يبدو عليه الارهاق ... يظهر له منصور فجأة.

منصور

الطريق من هنا يا بيه ..

ن/خ

م/129

النيل

رجال يقربون جثة غارقة في النيل يقلبونها انه شعبان ...

ن/خ

م/129 أ

منزل حمدان

رجال حمدان يتلفتون حولهم في ترقب بينما يتجه حمدان في حراستهم الى سيارته ...
تدور السيارة ثم تنفجر ...

ن/د

م/130 أ

أرض زراعية

رجال يجرون عامر و هو مغطى بالدماء الى حفرة , ثم يدفنوه بها

ن/خ

م/130 ب

منزل حمدان

سيارة حمدان المنفجرة المحترقة حولها الكثير من رجال الشرطة ... رشدي مع طارق مع
شاب يشبه حمدان ..

ابن حمدان

مانتهمش حد يا بيه ...

رشدي

و لا حتى منصور الزعيري ...

ابن حمدان(بحقد)

مانتهمش حد يا بيه

طارق (بحده)

يعني لو قبضنا على منصور هاتقول مش هو اللي
قتل أبوك ...

ابن حمدان

ده أنا أوقفه محامي يا بيه ...

ينظر له طارق , ثم بيتعد رشدي طارق يطلق زفيراً في يأس ...

ن/د

م/131

مكتب رشدي

رشدي يتكلم في التليفون ... أمامه توفيق ناجح ...
رشدي
منصور و لا همه اللي بيحصل .. عرفت من رجالتي
في البلد ان عنده تسليمه الليلة ..
يعمر مسدسه ..

رشدي
لا يا باشا دي هاتبقى آخر تسليمه ليه .. منصور
ماينفعش يعيش ...

ل/خ

م / 132

امام المدرية

طارق ينزل مع رشدي و القوات تستعد لضبطية... معه طارق
رشدي
مش قلت لك كل شئ و له وقته...

ل/خ

م / 133

شارع في الجزيرة

شاحنتان بجانب بعضهما
منصور و حسن يشرفون على رجالهم و هم يحملون شاحنة بكميات ضخمة من البانجو
حسن
مش نهدي شوية ... العيون كتير حوالينا
منصور
لا .. ده هيه دي الأيام اللي تعرف فيها مين اللي
معاك ..
يركب منصور سياره منهم مع رجاله وبيتعدون ..

فجراخ

م / 134

الساقية القديمة

يتسلل رشدي و معه الفريق حيث نرى في الخلفية عملية تسليم منصور للمخدرات ...

رشدي
محدث يتحرك .. ولا خطوه
رشدي
نزل سلاحك يا منصور
منصور

معناش سلاح

يطلق رشدي النار على منصور ليرمي فضل بنفسه لينقذ منصور
منصور

معناش سلاح

لا يتحرك أي رجل من رجال منصور و يقفوا أمام منصور ليحموه ..
يصل رجال طارق إليهم ويحيطوهم .. يفتشونهم بحثاً عن أسلحة ..
منصور

ايه يا رشدي بيه .. نظرك ضعف ولا إيه ..

رشدي (بارتباك)

دوروا هناك ... أكيد رموا السلاح وراهم ..

طارق يراقب ارتباك رشدي بشك .

يخرج أثنان من رجال طارق كميات البنجو من الشاحنه ..

منصور

الغلط لازم يجيله يوم ويتكشف

طارق يشمها يظهر عليه الدهشه .. يشم كميه أخرى ..

منصور (بسخرية)

من زمان وأحنا بنشتري تبغ ونغش المعسل عندنا

يصعد رشدي إلي الشاحنه ويتفحص كل ما عليها ليكتشف أنه تبغ ..

ينزل رشدي من السيارة ويبدو عليه الارتياح ..

طارق

فكوا العربية دي حته حته ... فين المخدرات يا

منصور

منصور

يا بيه أنا لو بتاجر في المخدرات زي ماالناس

بتقول مش هقع بالسهوله دي وأكيد كانت

المخدرات زمانها أتسلمت لصحابها وخذنا تمناها

كمان ..

- قطع -

فجر / خ

م / 135

طريق صحراوي

-عملية التسليم

حسن يتفحص حقيبته نقود كبيره .. يغلقها ويشير لرجاله أن ينزلوا من الشاحنه .. الشاحنه

هي التي كانت تملأ بالمخدرات من قبل .. ينزلوا ويركبوا معه سياره أخرى ويبتعدوا بها ..

- قطع -

فجر/ح

الساقية القديمة

م/136

حوار يبين تهكم منصور على ما يحدث ثم يغادر مع رجاله الكبار

رشدی یصرف رجاله غاضبا و یبقی طارق و یدور حوار بینهم. یعتذر فیہ طارق له. أنه كان یظن أن رشدی علی علاقة بمنصور و یؤكد له أن هناك فی الداخلية من یبلغ منصور بما یحدث.. رشدی ینظر له بأسی و یخبره أن یتركه وحده الآن ویتجه الى السیارة.

- قطع -

- فلاش باك -

ل / خ

م / 137

مكان زراعي على النيل

منصور ورشدی وحسن یتحركون ناحیه سیاره مرسیدس فأخره تبدو جدیده .. حسن یدو غاضبا ..

رشدی

مش قللتك تیجی لوحدك

منصور

أنا جاي لوحدی یا باشا أنا وحسن واحد

رشدی

كفاره .. یا حسن ..

یصلون إلى السیارة .. یفتح منصور شنتطها لیریها لرشدی .. الشنطه ممتلئه بالمخدرات .. منصور یمد بمفتاح السیارة لرشدی ..

رشدی

ایه ده یا منصور

منصور

هدیه یا باشا

رشدی (یضحك)

یعنی حتی لما جیت ترشینی مش هاین علیك تجیب فلوس جاییها مخدرات ..

یسیروا علی كورنیش النيل ..

منصور

یا باشا أنت لو بتاع رشایو كنت طلبت منی زمان

یلتقت منصور لحسن

منصور

استنى یا حسن جنب العربیة ..

منصور (لرشدی)

المخدرات مش لیک یا بیه ..دی عشان تعملك ضبیطة كبریة ...

رشدی

هتسلم نفسك و لا ایه یا منصور ..

منصور

و انت هتسیبني أخش السجن یا بیه ..

رشدی

لا یا منصور ده أنت عزیز علیا قوی

منصور

الشغل اللي بيننا مفيهوش عزيز .. مفيهوش غير
المصلحة .. الأرهاب قل خلاص مبيقيتش بسلمك
أرهابين وأنت عليك ضغط شغل لازم تسلم كام حته
سلاح كل شهر وكام مسجل خطر ولما الشغل هيقل
هتشوفني زيي زي غيري هبقي ظبتيه كبيره ..
صح ..

رشدي

طبعاً

منصور

بس لو قبضت عليا هيجي غيري وياخد مكاني
وهتبدأ معاه مالاول

رشدي

ساعات ده بيبقي ده أحسن يا منصور .. أنت كبرت
قوي .. ده أنت حتى النسوان والعيال شغلها في زرع
الأفيون .. ده ولا كأنهم بيزرعوا فراوله ..

منصور

مفيش بيت في الجزيرة مبيكلش مالأفيون .. عشان
كده معندناش ولا مرشد ..

رشدي

أنت معندكش مرشدين عشان أنا مبحاولش أعمل
عندك مرشدين .. حط تحتها ميت خط دي يا منصور
.. مش بقلك أنت شكك خلاص ..

منصور

يا باشا ده عرض وطلب يعني أنا هروح هيجي غيري
..

رشدي

جيب مالآخر

منصور

أنا عايز أخدم الحكومه

رشدي

إزاي

منصور

هشتغلوكوا مورد .. عايز ميت حته ..
تعمل بيهم ضبطينات نجيب .. أي حاجة ناقصاك ..
طن مخدرات تعمل بيهم أحلى شغل مثلاً نورد ..

رشدي

والمسجلين الخطر كمان أنت مليت الجزيرة عيال

هربانه

منصور

دي اللي مقدرش عليها

رشدي

ما تلاعبنيش.. أنت فاهمني وأنا فاهمك كويس .. زي
ما هعوز سلاح ومخدرات هعوز ناس مسجله وعليها
أحكام ودول يا مكثرهم عندك .. وأنت عارف أن أنا لو
وافقتك هطلب منك كده ..

منصور

يبقى بضاعتي توصل مصر من الطريق الزراعي ..
مهربهاش مالصحرا ثاني

يصمت رشدي لبرهه ثم بيتسم ..

رشدي

هنشوف يا منصور ..

قطع

- نهاية الفلاش باك -

ل/د

سيارة رشدي

م 138

رشدي يتلقى مكالمة من منصور

ل/خ

منزل منصور

م/139

منصور يقول لرشدي على التليفون أنه متأكد انه ليس له علاقة بمحاوأة القبض عليه.

منزل منصور

م 140

ل/د

فضل يقلد رشدي و هو يبحث عن المخدرات و الرجال يضحكون.
منصور يدخل

حسن

تمام يا كبير

جمعة

رشدي وهدان ده بيمثل زين .. اللي يشوفه ما
يصدق أنه هو اللي قالك على القبضيه

منصور

علشان مكانش بيمثل

ل/خ

زا 18

وانت حر www.za2ed18.com

م / 141

الشلال الصغير

كريمه

أنا قولتلك علشان مكنتش عايزه أخوى يبقى هو
اللي بلغ عنك ..

منصور

كان هيبقى بياخد بتاره أخوه مني

كريمه

كان هيبقى بياخد تار أخوى .. مني قبلك .. زي
ما أنت خدت تار فايقه مني

منصور

أنا عمري ما كان قصدي أنذيك

كريمه

كل رصاصه ناحيه أهلي بتأذيني وكل رصاصه
ناحيتك بتقتلني

منصور

أنا في دين في رقبتني ليكي .. بس التار سلونا

كريمه

لو هتفضل نعيش في دم يبقى وفي دينك ليه ..
وأقتلني دلوقتي أرحم

منصور

ويفضلي إيه بعدها ..

ينظر لها في حب ..

كريمه

كلام يا منصور كلام .. اللي بيحب يجد بيعمل
حاجه ..

منصور

وأنا معملتش حاجه

كريمه

عملت إيه

منصور

أنتي عارفه القطر اللي وقف ده وقف ليه

كريمه

هتقولي عشاني!!

منصور

قالولي أن أهلك هيسفروكي وها أنا جعوكي
تاني .. وقفت القطر ولو كنت لقيت لقيت

نزلتها ..

كريمة

أنا مكنتش مسافره

منصور

أشاعه طلعوها النجايجه علشان أتجن وأوقف
القطر .. وأبقى عاديت الحكومه .. شوفتي مش
كله كلام .. تعالي يا كريمة .. اهربي و نتجوز ..

كريمة

و أجيب العار لأهلي ..

منصور

مين فينا اللي بتاع كلام ... اللي بيحب بيعمل أي
حاجة علشان اللي بيحبه ..

كريمة

و انت بتحبني ..

منصور

بحبك ..

كريمة

و تعمل أي حاجة عشاني ..

منصور

طبعاً ...

كريمة

تقبل الصلح و تشيل كفكك ..

منصور

أصالح اللي قتلوا أمي و مرتي ... الناس يقولوا
عليه ايه ...

كريمة

مايقولوا اللي يقولوه ... قالوا عليك ايه لما خدت
بتارك .. راجل؟؟ كل العند و الدم ده كله عشان
ايه؟ شكك قدام الناس ... هي دي المرحلة ..

تبتعد كريمة المتأثرة لكنها تلتفت الى منصور ..

كريمة

انت ناسي انك قتلت أخوي قدام عيني ..
ماتطلبش مني اللي انت ماتقدرش عليه ..

منصور يراقبها تبتعد .. تكين ملامحه شيئاً فشيئاً

طرق على الباب .. يترك توفيق ناجح مجموعه من رجال النجايحه ويفتح الباب ليفاجأ بمنصور .. منصور يرى التجمع داخل المنزل ..

منصور

بتقسموا الغنايم ..

لسه الحكومه مخلصتش مني يا توفيق

يدخل المنزل

توفيق

جاي ليه يا منصور

منصور

جاي أتحدث معاكوا .. لحد أمتى الحكومه تلعب

بيننا وتقومنا على بعض .. أنا عارف أن أنتوا اللي

وزتوهم عليه أمبارح

توفيق

أنت جاي ترمي بلاك علينا

منصور

هقولك على نصيحه يا توفيق .. كل ما تحصلك

مصيبه وما تبقاش عارف مين السبب فيها .. فكر

مين اللي هيستفاد تلاقيه هو اللي عملها ..

يدخل المنزل فيتحفز الجميع .. تخرج النساء من الداخل وبينهم كريمه ..

منصور

أنا جاي أمدلكوا يدي .. أقبلوا الصلح وخلوها أنا

وأبن عمي على الغريب

ينظرون لبعض في دهشه

توفيق

وعشان الصلح يتم لازم يبقى في بيننا دم ..

منصور

صح

توفيق

لازم تتجوز كريمه صح !!

لا يرد عليه منصور

توفيق

رأيك إيه يا كريمه ؟

الجميع يحدقها بعينيه ..

كريمه

الرأي رأيك يا خوي ..

توفيق

تتجوزي اللي قتل أخوكي

كريمه

أتجوز اللي مادد يده بالصلح

توفيق يرمقها بنظرة نارية ..

يخرج توفيق مسدسه ويصوبه لمنصور

توفيق

الصلح ده ما يلزمناش

تظهر عشرات البنادق من شبابيك المنزل لرجال منصور ..

ينظر منصور لكريمه ثم يخرج من الباب ..

ن / خ

م / 144

الاستراحه

طارق يتأمل من الشرفه شروق الشمس على الأراضي الزراعيه الواسعه يسمع تليفونه يرن داخل الاستراحه .. يدخل ويرد عليه ..

طارق

ألو .. عايز أيه يا منصور ..

ن / خ

م / 145

الطريق لمنزل منصور

طارق يخطو يتحفظ قاطعاً شوارع النخيله الوجوه في الطرقات تراقبه وجوه منحوته لا تعلقها ابتسامات ..

نوافذ تغلق .. الكل يراقبون طارق وهو متجه إلي الطريق للجزيره ..

الطريق ينحدر فيظهر النيل ثم الطريق للجزيره .. يصل طارق لضفه النيل تظهر الجزيره أمامه .. مجموعه من المنازل المتلاصقه تغطي طرق الجزيره المواجه للقرية مما يعطيها شكل القلعه ..

طارق يتحرك صوب الجزيره .. مع اقترابه يلاحظ بندقيه وراء بندقيه مصوبه إلي صدره لكنه لا يتوقف ..

طارق يعبر مدخل الجزيره أكثر من عشره رجال ملتصين يصوبون إليه بنادقهم .. يصيح به أحدهم ..

ملتص

وقف عندك

يتوقف طارق ليقترّب منه أثنان ليفتشوه بحثاً عن سلاح

منصور

سيبوه

منصور عند آخر الطريق .. هو الوحيد الغير ملتصم ..

ن / خ

م / 146

المنزل

منصور و حسن و طارق و فضل و علي الصغير عند المصطبة حول طبلية مليئة بالطعام الفلاحي , يأكلون بنهم , علي الصغير معه موبایل طارق يلعب به لعبة snake ..

زوجة حسن تضع مكان طبق الفطير المنتهي غيره , و تأخذ طبق العسل الفارغ

منصور

كامل أكل يا طارق بيه ... لازم تاخذ واجبك ..
طارق

تسلم ايديك ...

ترتبك زوجة حسن و لا تعرف كيف ترد , ففتجاهل طارق .

حسن

و ده أكل ... ده أنا هاطلقها علشان مايتعرفش تطبخ
..

طارق

انتوا بتسمنوا الضباط هنا قبل ماتدبحوهم ..

منصور

اللي ندخله دارنا يبقى في أمان ... لو حد لمسك و
انت هنا يبقى تاره معانا ..

حسن يستكمل أكله و علي الصغير مازال يلعب snake

حسن

ما تسيب يا واد العده دي و بطل لعب و كلك لقمتين
يقوك ..

لا يلتفت علي له و يكمل لعب بالمويابل ...

حسن

بيموت في لعب الحنشان..

فضل يشير لعلني أن يتوقف عن اللعب ... يحبط علي .

طارق

حنشان!!! ..

منصور

حنش يعني تعبان ...

طارق

تعبان .. يعني snakeiiiiiiه

بيتسم طارق ... علي يعطي المويابل لطارق ..

طارق

خلصت لعب حنشان ..

يلتفت علي لفضل الذي يهز رأسه ايجابا .. فينظر علي لطارق ..

علي

متشكر ...

طارق

ابنك شكله مترابي كويس يا منصور

منصور

طبعاً يا بيه ... و بعدين عمري ماهاطلعه زي .. عمره
ماهيفش المعسل

بيتسم حسن و يكتم ضحكته...

ن / خ

م / 47

الجزيره

منصور يقود طارق وهما يسيران وسط الأراضي الخضراء التي تحدها غابه من القصب
تمنع رؤيه ما بعدها .. يتبعهم على بعد عشره خطوات رجال منصور المدججين بالسلاح ..
يرى منصور من بعيد حصان عجوز فيخرج من جيبه قوالب سكر ويشير إلي الحصان الذي
يقترّب ببطء ..

منصور

سألت الناس على الحقيقة

طارق

كل واحد قاللي كلام

منصور

هي إيه الحقيقة اللي حصل ولا اللي الناس
مصداقاه

طارق

بتسأل سؤال صعب ..

منصور

ساعات الناس تقول كلام وتصدقه ويبقى حقيقه
أكثر مالصدق .. أنت فاكّر أبو زيد الهلالي ده إيه
.. هتلاقه أتعارك له عاركتين والباقي ده كله كلام
الناس

يشير طارق إلي غابه القصب أمامه ..

طارق

واللي ورا القصب ده كلام الناس برضه

منصور

أنا أرضي بتنتهي عند القصب واللي وراها أرض
هجرها صحابها .. الزرع بيطلع فيها شيطاني
والحكومه بتحرقه ويبطلع ثاني ..

طارق

بيقولو أنت اللي دخلت البنجو مصر

منصور

ما بيكسبش زي الأفيون

طارق

يعني بتزرع أفيون

منصور

أديك هتصدق كلام الناس .. هي محتاجه تاجر
مخدرات علشان يعرف أن الأفيون بيكسب أكثر ..
أنا بزراع قصب يا طارق بيه ..

طارق

الناس ظالماك قوي يا منصور

منصور

معلش بقى يا طارق بيه يمكن بعد سنين يعملوني
بطل .. أكيد أبو زيد الهلالي برضه كانوا بيقلوا
عليه تاجر مخدرات في الأول ..

طارق

(يبتسم)

أنت طلبتني ليه يا منصور ؟

منصور

شايف القصب ده يا طارق بيه .. أنا ممكن أقصه
وساعتها الحكومه تعمل مايدالها في الأرض اللي
وراه ..

طارق

طب ما الحكومه تقدر تعمل اللي هيه عايزاه في أي
وقت...

منصور

و أنا اللي قلت عليك بقيت بتفهمنا .. انت عايز ايه ...
مش الدنيا تهدي و المخدرات و السلاح يختفوا ..
هاحصل كله بعد ماأخش المجلس و نبدأ صفحة
جديدة ..

طارق

و اللي فات عايزني أنساه ..

منصور

انت مش هاتقبض علي يا طارق بيه .. اللي زي
يابيعيش في داره ... يا بيموت في قبر طول
مامسدسي معايا هاضرب منه .. و معايا حلق
كثير ..

طارق

بس أنا مش هاسيبك يا منصور ...

منصور

قالوها كثير قبلك ..

طارق

بس أنا مش زي أي حد قبلي ..

منصور

بروك دي سمعتها كثير ... ماتخليش العند هو اللي
يمشيك .. و شوف المصلحة فين يا بيه ...

طارق

المصلحة ان يبقى فيه جزاء للي غلط و دي وظيفتنا و
دورنا في البلد .

منصور

دورك ان الناس تكون مبسوطه , و هي مبسوطه
بكده ..

طارق

لا يا منصور ... ماينفعش ان واحد زيك يبقى هو
اللي بيحكم و يقول ده صح و ده غلط , ده نظام دولة
و هي اللي لازم تحكم

منصور

و الدولة امتى باصلنا , مانتوا سايبنا طول عمرنا ..

طارق

حتى لو كان دا حصل فدا غلط , لكن الصح هوه
اللي بيحصل دلوقت .. اعترف باللي عملته يا منصور
و خد جزاءك , و سيب الناس تعيش من غير سلاحك
و تجارتك ..

منصور

دي أحلام و مش حقيقة ...

طارق

هاتتحقق يا منصور و احنا اللي هانحققها , بمزاجك
أو غصب عنك

ينظر له طارق بامتعاض ...

منصور

انت ليه يا بيه حاسس انك أحسن منينا ... أنا طلعت
كده عشان أبويا كان كده ... و انت طلعت كده
عشان أبوك كان كده

طارق

يعني ماجدش حر في اختياره يا منصور !!!

يشير منصور إلي الحمام الذي يلف في حركة دائرية حول الجزيرة ..

منصور
www.za2ed18.com

شايف الطير ده .. اللي يشوفه يفتكره حر وبيطير
على مزاجه .. من أول يوم في عمره بنعوده على
طريقه أكل ونعوده على طريقه شرب ونعوده على
طريقه طيران
منصور يصفر للحمام .. فيهبطون تدريجياً ..

منصور

أنت عارف أنا لو مصفرتلوش .. هيفضل يلف كده
لحد ما يموت في الهوا .. والناس لو شافته تقولك حر
..
يصل الحمام إلي برجه ..

ل/خ

148/م

مكتب رشدي

رشدي

انت عرفت ان منصور طلب الصلح من النجايحة ,
و عايز يديهم نص أرضكم ..

حسن

نص أرضنا .. ده احنا نقطع ايدينا قبل ماتتمد
لهم بالصلح ..

رشدي

هو أنت ماكنتش معاه لما راحلهم

حسن

قال راح يخوفهم .. لا لا منصور ما يعملش كده ..
منصور عاقل ..

رشدي

منصور خلاص أتجنن .. كريمه لحسته دماغه
بيحفر قبره وهايخدكوا كلكوا معاه ..

حسن شارد ويفكر ..

- طارق يصعد سلالم المديرية

رشدي

منصور مسبلناش اختيار بقى يا هو يا الجزيره
وإنت اللي قدامي دلوقتي يا كلكم تروحوا يا أنت
تاخذ مكانه وتكمل .. ما تفكرش كثير منصور لازم
يختفي ويأيدك أنت وأنا حاساعدك بعد كده
حسن يبدو في صراع شديد مع نفسه ..

- طارق يتجه إلي مكتب رشدي ..

رشدي يمد يده إلي الباب ليخرج حسن

- طارق يمد يده للباب ليفتحه .. يدخل لا أحد في الغرفة .. ينظر يساره رشدي يرجع من ناحية الحمام والباب الجانبي الآخر في الغرفة وفي يده فوطه كأنه خرج للتو من الحمام

..

رشدي

جاي منين ..

يتجه طارق لكرسي ويجلس عليه ..

طارق

عند منصور... في الجزيرة ..

- قطع -

ل / خ

م / 149

مديره أمن قنا

حسن يخرج من المديرية مبتعداً وعلى وجهه الوجوم ..

عواد وراء سياره رشدي يتكلم في تليفونه المحمول وهو يراقب حسن يبتعد ..

- فلاش باك -

ن/خ

م / 150

أمام منزل منصور

رجلين في سياره نقل كبيره .. يلحق بهم حسن ينظرون له وهم لا يعرفون ما يقولون يستوقفه منصور ..

منصور

حسن أنا عايزك في حاجه

يفلق حسن باب السياره

حسن

مش هنتأخر هروح معاهم نسلم البضاعه وهنيجي

علطول ..

منصور

لا الموضوع ما يتأخرش

حسن

هجييب حاجه أصلي من قنا

منصور

(بغضب)

حسن أنزل أنا عايزك دلوقتي ..

ينزل حسن وهو متعجب ..

ينظر لشديد

منصور

أنا ما بخترش غير الرجاله .. اللي بتعملوه ده لينا
كلنا وعشان ولادكو ..

شديد

ولادنا وصيتك

منصور

في عيني

يحتضن منصور شديد ثم الرجل الآخر ..

شديد يحتضن ابن و يوصي زوجته عليه

يركبون السيارة ويتعدو بها .. يتابعهم منصور ببصره ..

منصور

العربية اللي كنت هتركبها الحكومه هتمسكها الليلة

بالبضاعة اللي فيها ..

حسن

حكومه إيه !!! أنت عرفت إزاي !!

منصور

هيتقبض عليهم باتفاق بيني وبين رشدي وهدان

حسن

أنت اللي بتسلم رجالتنا ..

منصور

هما عارفين يا حسن واختاروا يروحوا .. علشان

رشدي يصهين على المخدرات والسلاح ويسيلنا

الجزيره لازم ندفعله ضرايب مقيش حاجه ببلاش

خلاص مبقاش فيه أرهابين .. يا نجيب ضرفها يا

نديله حاجه ..

حسن

الفلوس كتير أهه .. أدفعله .. أشتريه .. أقتله أعمل

أي حاجه بدل العار ..

منصور

ما أنا بشتريه يا حسن .. بس مش بالفلوس ..

حسن

بالرجاله !!!

منصور

اللي بيتمسك أهله بيبقوا في كفالتي وبيعيشوا

أحسن ما كان وسطهم ..

حسن

يا ريتك كنت سيبقتيني أركب مع الرجاله السجن كان

أهون لي .. أنا مقدرش أعمل كده

منصور

بس أنت قدرت تعمل كده زمان
ينظر حسن لمنصور وقد أضيقت عيناه ..

منصور

أبوي قالي يا حسن .. قالي أنه هو اللي بلغ على
أبو حديد وهريدي .. كنت أنت صغير بس أتفق معاك
تتحجج بولاده أمي فبيه

فلاش باك المنزل المتهاك

م 151

- حسن طفلاً عندما طرق باب المنزل الذي كان به على حفني مع أبو حديد وهريدي

حسن (طفلاً)

مرتك بتولد

- على حفني ومعه حسن يبتعدان عن المنزل .. على حفني يلتفت وراءه ثم ينحني لمستوى
حسن

على حفني

لازم ناس تضحى علشان كلنا نعيش يا حسن
- نهاية فلاش باك -

ن / خ

امام منزل منصور

م 152

قطع بين كلمه من على حفني ونفس الجمله يقولها منصور

منصور

لازم ناس تضحى علشان كلنا نعيش يا حسن .. روح
راقب الرجاله و اللي يرجع في كلامه طخه

ن / خ

م / 153

الطريق الزراعي

السياره تتوقف في كمين به رشدي .. شديد ومن معه مستسلمون في سكينه ..
تفتح شنطتها الخلفيه وتفتش .. تحت الخضراوات يجدوا مخدرات .. حسن من بعيد يراقب

ل / د

م / 154

منزل منصور / الغرفة الكبيره

حسن يدخل على منصور الذي يكلم رجاله ..

حسن

أنا عايزك يا كبير ..
يشير منصور لرجاله أن يخرجوا ..

منصور

أقفل الباب وتعالى
يغلق حسن الباب ويلف في الحجره بتوتر ..

منصور

مالك يا عمي

حسن

أحنا بنغرق يا منصور .. الحكومه حوالينا ..

منصور

جمد قلبك مش أول مره الناس تفتكرنا هننتهي

حسن

مش مهم ننتهي بس أهم حاجه مانطاطيش ..

منصور

أنت قعدت مع رشدي

حسن

هتشيل كفتك علشان مره

منصور

أنا الكبير يا حسن ولا نسيت

حسن

الكبير ما يجييلناش العار

منصور

رشدي عايز يوقع بنا .. تفتكر قالك كده ليه

حسن يخرج مسدسه وهو يرتعش

حسن

رشدي عايز مصلحته بس كلامه صح .. بقيت أنت

في كفه والجزيره في كفه .. وأنت اللي علمتني أن

في ناس لازم تموت علشان الكل يعيشوا ..

منصور

نزل سلاحك يا حسن وأنا مش هحاسبك

حسن

سامحني يا واد أخوي .. بس أنت ميت ميت

منصور

هيقتلوك يا حسن ..

تتسع عينا منصور مع ضغط حسن على زناد مسدسه .. تنطلق رصاصه تصيب صدر

منصور في مكان قلبه بالضبط وتوقع به هامداً ..

حسن مازال ثابتاً مكانه من الصدمه

بيطء يخرج من الباب الخلفي مع طرقات عنيفه على الباب الذي خرج منه رجال منصور

م / 155 سطح الإستراحة ل / خ

طارق مع الفرقة يسمعون صوت رصاص.
يروا حسن يهرب

م / 156 ل / خ

خارج منزل منصور
حسن يركب حصانه ويبتعد مسرعاً .. تلمع عينه في حزن

م / 157 ل / د

منزل منصور / الغرفة الكبيره

يكسر رجال منصور وبينهم فضل الباب ويدخلون الغرفة .. يتجهون إلي منصور .. فضل يبدو عليه الذعر ويبدأ في النحيب .. يمسك برأس منصور ويدخل يده مكان الرصاصه التي أصابت منصور ..

يسعل منصور في ألم .. يبدو على فضل السعاده .. منصور يخلع صديري مضاض للرصاص كان يرتديه .. أنه الصديري الذي اشتراه من السودان ..

جمعه

حسن اللي طخك يا كبير !!؟

رجل آخر

هنطلع وراه نجيبه قبل ما يطلع من الجزيره

منصور

سيبوه .. هو مش هيطلع من الجزيره

م / 158 ل / خ

أراضي زراعيه

حسن ينزل من على حصانه .. ينظر حوله .. سياره رشدي متوقفه ..

حسن

رشدي بيه ..

توفيق ناجح ومعها ثلاثه من عائلته مختبئاً وراء شجره مصوباً بندقيته إلي حسن .. يطلق عليه النار ..

يقع حسن على الأرض .. يظهر توفيق ناجح ورجاله فوقه .. ويصوب البندقية إلي رأسه ..

توفيق

قتلته يا حسن

حسن بيصق دم من فمه .. ويحاول المقاومة رغم هزاله الشديد .. يظهر رشدي وهدان فوقه هو الآخر ..

رشدي

أوعى تقولي ما قتلنوش

رشدي يخرج مسدس حسن من جيبه يقربه من أنفه ..

رشدي

قتلته .. المسدس لسه مضروب منه طلقه

يحاول حسن المقاومة لكنه ضعيف ..

حسن

كلب

يمسح رشدي المسدس بمنديل ثم يرميه على الأرض

رشدي

أنا مضحككش عليك يا حسن .. أنت كان لازم تقتل

منصور .. أنا بس ما قتلنكش أنك ما ينفعش تعيش

بعدها ..

يبتعد رشدي

رشدي

خدت تارك يا توفيق .. مش عايز قلق في البلد

صوت طلقه وراءه ..

اراضي زراعية

م 159

ل/خ

طارق يجري حتى يصل إلى مكان مقتل حسن و يجد جنته. احد رجال منصور يراه

طارق

مين اللي قتلك يا حسن

حسن ينزف دم من فمه و يحاول أن يقول كلمة طارق يقترب منه ...

حسن

الحكومة مالهاش صالح ..

يلفظ أنفاسه الأخيرة وسط دهشة طارق ...

منزل كريمه

منزل كريمه ممتلئ عن آخره بالنجايعه واحد وراء الآخر يحتضن توفيق ..

أحدهم

مبروك يا توفيق

كريمه تخرج من غرفتها تبدو وكأنها لا تعرف ما يحدث ..

كريمه

(لسيدهه أمامها)

إيه .. وافقوا على الصلح ..

السيد

(بفرحه)

لا أحسن .. منصور أتقتل ..

زغاريد وفرحه هستيريه ..

كريمه زاهله لا تشعر بما حولها ..

الجميع يحتضنون بعضهم .. الرجال ينزلون في الشارع ويقبلون أرض الشارع الذي لم يروه

منذ .. يطلقون النار في الهواء ..

ل / د

م / 161

غرفة كريمه

كريمه ترتعش .. أصوات الطلقات القادمه من الخارج كأنها تصيبها الواحده بعد الأخرى ..

تمد يدها للشباك لتغلقه لكن أصوات الطلقات والزغاريد ما زالت تصل إليها ..

تضع يدها على أذنها ثم تسقط بجانب الشباك .. تتساقط دموعها في غزازه ..

ن / خ

م / 162

مقابر

عدد قليل من الناس يقفون حول قبر مفتوح ..

لا صوت لأحد ..

يخرجون جسد ملفوف بكفن من تابوت خشبي .. على مدخل القبر يقف منصور وفضل الذي

يتلقفون الجسد ..

يدخلونه داخل القبر .. يخرجون وبعدها يغلق القبر .. جمعه يقف بجانب منصور وبجانبه

فضل الذي يحمل بندقيه على كتفه لأول مره ..

يهمس جمعه في أذن منصور ..

صوت شخص

البقيه في حياتك يا كبير ..

يلتفت منصور بغضب ليتعرف على مصدر الصوت ..

منصور

مین الی بیقول البقیہ فی حیاتک ..
یمسک برجل من کتفیہ ..

منصور

(بغضب هادر)

مین ..

یخرج مسدسه ویلصقه یصرخ رجل آخر ..

منصور

أنت ..

یہز الرجل رأسه فی رعب .. یضع منصور مسدسه علی صدغ آخر ..

منصور

أنا مش هاخذ عزی عمی إلا لما أخذ بتاره ..

فضل یظهر أمام منصور ویشير له أن هذا خطأ .. منصور عینه علی البندقیہ الی یحملها
جمعة .. والی تظهر من وراء ظهره .. ینزل مسدسه ویتنجه لفضل لیهمس له ..

منصور

مش عایز حد یشیل سلاح جنب منی ..

فضل یشیر له ان هذا هو جمعة ..

منصور

والی حاول یقتلنی کان عمی

یبتعد منصور .. فضل ینظر له بحزن ..

طریق علی شط النیل

م 163

ن/خ

منصور وفضل وعلی الصغیر یقفون علی مقربہ من فلوکہ صغیرہ .. مختلفیہ وسط عشب
طویل علی شاطئ النیل .. الفلوکہ بها رجالان أشداء ..

منصور

معاک فلوس کفایہ

یہز فضل رأسه إيجاباً ..

منصور

عایزک تختفی ومانقولش لحد واصل أنت فیر

وياهنشوف بعض هنا .. يا ههنشوف بعض زي ما
قلتك ..

بيكي فضل ويحتضن منصور .. فضل يشير بالإشارات لمنصور ..

منصور

مينفعلش أهرب يا فضل .. تفكر أبوك كان هيهرب ..
يشير فضل أنه غير أبوه ..

منصور

بعد السنين دي كلها لسه شايف أن أنا مش زي
أبوي .. ده أنا زيه تمام يا فضل ..

يلتفت منصور لعللي

منصور

مش هقولك تسمع كلام عمك لأنك ما بتسمعش غير
كلامه (ببتسم) وعلشان هو ما بتكلمش .. عايزك
تعلمه شويه كلام زي ما هو علمك لغه الإشارة

عللي

هعلمه

منصور

انت هاترجع ثاني و هاتبقى كبير الجزيرة زي أبوك و
جدك .. فيه ناس يتولد عشان تبقى كبار ...
أوعاك حد يقولك اللي بتعمله غلط .. انت هاتعمل
اللي علمهولك أبوك و جدك ...
أنا عملت كل ده عشانك و اللي هاتعمله عشاني انك
هاتكمل ...

يحتضنه منصور ويقبله ..

بيتعد فضل وعللي لكن علي يتوقف أمام جريد نخل أخضر مقطوع ... يمسك باتنين و يرجع
بهما لأبيه .. يأخذهم منصور بتأثر شديد ... بيتعد علي و يترك منصور وحده ...
يركبون في المركب التي تبعد وسط الظلام ..

منزل منصور

م 164

ن/د

منصور يتحدث مع الرجاله و يأمرهم ببناء دشم أمام كل بيت في الجزيرة و
إستعدادهم للهجوم.

منصور

كل بيت في الجزيرة بتبني قدامه دشم

النخل اتعلقت فيه أنا بيبي بوتاجاز ... مش عايز عيل
معهبوش سلاح. من النهارده الحكومة مش حتخش
الجزيرة. و اللي يشوف عسكري يطخه. من أنهارده
مفيش حكومه .. أنا الحكومه .. أنا الحكومه!

م 165 سطح الإستراحة ن/خ
فرقة طارق حول إيهاب الذي مازال يحاول في فك الشفرة. أخيراً ينجح و يسمعون الحوار
بين منصور و رجاله.

م 166 مكتب مساعد الوزير ن/خ
طارق يحكي لمساعد الوزير عن الدليل الذي استطاع ان يحصل عليه و يسمعه الشريط.
مساعد الوزير ينهي مهمة طارق و يطلب منه العودة ألى القاهرة.

م 167 نقطة شرطة الجزيرة ن / خ
النيران تآكل نقطه شرطة الجزيرة .. رجال أطفاء وعساكر يحاولون أطفاء الحريق .. الناس
ملتفة حول المكان لتشاهد ما يحدث ..
رشدي وهدان وسط رجاله يقودهم لأطفاء الحريق .. يلمح منصور من خلال النار التي
تفصل بينهم وسط الناس ينظر له بتحدي يسأل أحد الضباط رشدي شيئاً يلتفت له رشدي
ويشير له في اتجاه معين وعندما ينظر مره أخرى ناحيه منصور .. لا يراه ..

م 168+169 استراحه الشرطة (داخل و خارج) ن / خ

طارق و المجموعة يجمعون متعلقاتهم
سياره تعبر أمام الاستراحه .. يخرج منها رشاش يمطر الاستراحه بوابل من الرصاص

م 170 استراحه الشرطة ن / د
طارق و المجموعة ينبطحوا داخل الإستراحة حتى يتفادوا الرصاص. أوراق تتطاير و يطير
الكارت الذي قد أعطاه له منصور في أول لقاء بينهم و الموجود على ظهورهم : العقيد رشدي
وهدان (الكارت الخاص به)

م 171 فلاش باك

تبدأ مجموعة من الفلاش باكيات التي تؤكد تورط رشدي مع منصور.

ل / خ

م / 172

امام منازل النجايحه

منصور ومعه جيشه الصغير على أحصنتهم يقفون في مواجهه منزل كريمه ..
منصور

(يصرخ في جنون)

أخرجي يا كريمه قبل ما أسوي ببيوت النجايحه
الأرض .. أخرج يا توفيق لو كنت راجل .. أخرج و
موت راجل بدل ما أموتك زي النسوان...

منصور يطلق النار على منازل النجايحه ..

ل / د

م / 173

منزل كريمه

كريمه وسط أخيها وأمها منبطحين على الأرض .. مشاعرها متضاربه تحاول أن تخفي
سعادتها بنجاح منصور وهي تسمع منصور يصرخ تحت المنزل .. أخيها يرمقها بنظرات
حاقده ..

منصور

لو كريمه ما نزلت مش هيفضل واحد من النجايحه
عايش بعد الليلة ..

توفيق في يده بندقيه ويختلس النظرات من الشباك .. كريمه تري أمها تقرأ القرآن في خوف
وبجانبتها سيدتان يبدو عليهم الرعب ..

منصور (يصرخ)

كريمه

تدمع عينا الأم وهي تنتظر لكريمه ثم تهز لها رأسها وكأنها تحثها على الخروج لمنصور ..

ل / خ

م / 174

منزل كريمه

باب منزل كريمه يفتح .. تخرج منه كريمه لتتهلل أسارير منصور .. تتحرك كريمه خطوه
فتظهر البندقية في يدها .. بندقية توفيق .. تصوبها نحو منصور ورجاله ..

كريمه

خد رجالتك يا منصور وأمشي ..

تقاوم دموعها بصعوبه .. يرفع رجال منصور سلاحهم نحوها .. منصور يشير لهم أن
يخفضوها ..

ينزل منصور من على الحصان ليتحرك نحوها .. تطلق النار أمامه ..

كريمه

ما تقدمش خطوه ثانيه ..

يتوقف منصور ويتبادلان نظره

كريمه

المره دي لو هتقتل حد من أهلي .. هتبدأ بيه ..

منصور

انت مالكيش صالح بالكلام ده ..

كريمة

أول رصاصه هاتطخها ناحية النجايحة هاتكون في

يا منصور..

منصور يقترب منها أكثر يضرب البندقية و يمسكها ...

منصور

بتضربي عليا نار يا كريمة ..

كريمة

سيب أهلي يا منصور أبوس رجلك

منصور يتزل على الأرض بجانبها ... يرفعها ...

ينظر حوله ثم لها مرة أخرى ...

منصور (أمرا)

ياللا

يركب حصانه و ينطلق به , و ينطلق كل من معه ..

كريمة تتابعه باكية

- قطع -

ل / خ

م / 175

طريق صحراوي

أبراج ضغط الكهرباء الضخمة موصله الواحد بالأخر بأسلاك ضخمة غليظه .. تحت أحد

أبراج الضغط العالي يقف منصور وسط رجاله الذين ينشرون إحدى أرجل برج الكهرباء ..

هناك إحدى أرجل القواعد تم نشره بالفعل .. يقترب رجال منصور من نشره بالكامل ..

يهتز فجأة البرج .. يبتعد الرجال عنه .. يميل ثم يقع بقوة هادره .. تخرج منه شرارات عنيفه

...

ل / خ

م / 176

قنا

مدينه قنا ليلاً وكل منزل وشارع مضاء ..

تنقطع الكهرباء عن منطقته بعد الأخرى ..

مكتب رشدي

المكان مظلم بسبب إنقطاع التيار الكهربائي.
يدخل طارق ليجد رشدي جالسا على المكتب يدخن سيجاره في انتظاره ..تليفون رشدي
يرن لكنه لا يجيب ..
رشدي يشعل سيجاره ..

رشدي

معلش النقطة بقالها عشر سنين مقفوله ..

طارق

إيه اللي قفلها عشر سنين

رشدي

المصلحة ..

طارق

مصلحه مين

رشدي

مصلحه البلد ..

طارق

هقت حاجه غريبة يا رشدي .. كل مصيبه تتعمل
دلوقتي تتعمل باسم مصلحة البلد ..

رشدي

مصيبه .. اللي أحنأ فيه مصيبه .. كنت فين من عشر
سنين .. مكناش بنسمع هنا إلا صوت الرصاص ..
الأرض كانت مسقيه دم .. كنا بنحارب الحراميه
وتجار المخدرات والأرهابيين .. كان الضابط اللي
يطلع دماغه من المدرعه يبقى انتحر .. كنا في
حرب .. انهارده إيه .. عيل مجنون وهنخلص عليه مع
شويه مجرمين .. ده لعب عيال يا حبيبي .. أنا بدل
ما أحارب الكل خليتهم هما اللي يخلصوا على بعض
..

طارق

عملت أكبر تاجر مخدرات وسلاح في مصر وتقول
لعب عيال

رشدي

سألت نفسك قبل كده إيه فكره الصاعق .. صاعق
الحشرات !! .. ضوء يجذب الحشرات اللي بتدور
على الدفا .. تقرب تقرب وبعدين

يصفق يده بعنف

رشدي

كلها تموت .. أنا عملت منصور وخليت الجحيم

لكل المجرمين اللي بيدوروا على الأمان ودلوقتي
هننهيهم كلهم .. تبقى ضربه معلم ولا لا ..

طارق

زمان يا رشدي بابا لما كان يغلب معايا ويحب
يقنعني بحاجه كان يجيبك تقعد معايا .. وبعد عشر
دقايق بغير رأيي وأبقي مقتنع .. بس بعد كده بطلت
أخذ رأيك عارف ليه ..

رشدي لا يرد ..

طارق

علشان اكتشفت أنك تقدر تقنع أي حد بأي حاجه
ولو أنت عايز .. تقدر تقنعه بعكسها ..

رشدي

(يبتسم)

يعني مش هينفع أقنعك أن أنا صح ..
يهز طارق رأسه نفيماً ..

رشدي

طلب أسمع بقه الصراخه ..

طارق

أه نفسي أسمعها يا رشدي ..

رشدي

مش مهم تبقى صح .. المهم تبقى فاكراً أن أنت
صح .. يعني لازم تقدر تقنع نفسك كل شويه أن
طريقتك هي الطريقة المظبوطه .. ده مش سهل
طبعاً .. الضحك على الناس سهل .. إنما أنك
تضحك على نفسك صعب قوي .. الحاجات دي
هتنتفك قوي لما تقدم ..

طارق

أنت مسيبتليش أي مخرج .. أنا هبلغ مساعد الوزير

رشدي

(يضحك)

تبلغه بأيه !! أنت فاكراً أن أنا لوحدي ..

تضيق عينا طارق محاولاً الفهم ..

رشدي

الطريقه دي قديمه قوي .. ده ليها مدرسه في كل
حته في الدنيا .. فرق تسد ..

طارق

هي الطريقه دي ليها مدرسه كمان



رشدي

مدرسة وجامعه وخرجين كثير ..
ينظر له طارق بشك ..

رشدي

آه .. مش بقولك أنا مش لوحدي

طارق

اللي الغايه عنده تبرر الوسيله معتدوش لا مبدأ ولا
أخلاق ..

رشدي

لا .. انت لو تعرف الأستاذ الكبير بتاعي ... هتغير
رأيك

صوت جرس التليفون يرن ..

رشدي

ده هو اللي بعثك هنا ... تاخذ ترد عليه..

المحدث

ألو ... رشدي .. الواد ده لازم يموت يا رشدي

رشدي

افتح الكاميرا يا باشا .. عايز أوريك حاجة ..

صورة والد طارق على الكاميرا... رشدي يناول التليفون لطارق الذي يفاجأ
بوالده , و أبوه يفاجأ به , فهو أيضا يرى صورته رشدي يأخذ منه
التليفون.

طارق ما زال واجماً. رشدي يأخذ منه السماعة.

رشدي

ألو...أبوة يا باشا . ..حكلم حضرتك تاني.

رشدي

أبوك أول واحد عمل الموضوع ده .. عمله مع على
حفني ..

أوعى تفكر أن أنت جيت هنا صدفه .. أبوك ضغط
لغايه لما خلاهم يختاروك .. علشان ما بيعتوش حد
تاني يعرف الحقيقه ويتكلم ..

طارق

أبويه !!!

رشدي

انت لو فتحت بقل بكلمة هتلوث شرف أبوك , و لو
كنت متضايق ان سمعة أبوك الكويسة بتطاردي فانت
هانتضايق أكثر بكثير لما تبقى سمعة أبوك الوسخة
هي اللي بتطاردي ...

طرق زمان ما بقتش تنفع .. موافق .. بس هتسيب

الحقيقه تندفن مع منصور وهنبدأ من أول السطر ..
و انت عازف و أنا عارف ان منصور مش هاسلم
نفسه و لا هاستسلم للبوليس ..

يقترب من طارق وتهدا نبره صوته مره أخرى.

رشدي

عادي يا طارق أنا برضه كنت مصدوم أول مره عرفت
الدنيا ماشيه إزاي .. أبوك كان حاط حته حشيش
لواد بتاع عيال .. زعلت قوي وقتلته حرام .. ثاني يوم
شوفته مع عيل صغير جيته من قفاه وأبسته طربه
حشيش

ينظر له طارق .. يهز رشدي رأسه في رأفه محاولاً أقناعه ..

طارق

هما يغلطوا يبقوا مجرمين وأحنا نغلط نبقي الصبح ..

رشدي

(بعظمه وجنون)

طبعاً أحنا النظام .. الحكومه .. الأقوى .. سنين
بتشتغل في الأمم المتحده وما أتعلمتش الموضوع
ده .. الأقوى هو الصبح والأضعف دائماً غلطان ..

يهدا رشدي ..

رشدي

أنت هتطلع من هنا على مصر تريح لك يومين وتنسى
الصعيد خالص .. يكون موضوع منصور ده خلص
خالص .. أبقه أجي أنا وأنت وحمايا نتفق هتكتب
إيه في التقرير بتاعك ..

طارق صامت .. يربت رشدي على كتفه ..

رشدي

ياالله يا بطل ..

ن / خ

م / 180

شوارع النخيله

مدرعات و قوات تخترق شوارع الجزيرة .. كريمة تلمح القوات بجزع و خوف ...
المدرعات تتقدم ناحية الجزيرة .. لا تلتزم بالطريق بل تسير على الأرض المنخفضة بين
الجزيرة وضفة النيل .. و تحيط بمنزل منصور
وراء كل مدرعة مجموعة عساكر تحتمي بها ..

يبدأ إطلاق النار على المدرعات التي لا تتأثر بالطلقات وتستمر في طريقها .. مجموعة من قناصة الشرطة يتصيدون رؤوس رجال منصور الواحد وراء الآخر ..
زوارق شرطة تهاجم الجزيرة من النيل .. تتبادل إطلاق النار مع رجال منصور ..
تقترب المدرعات ويبدو أن كفة الشرطة ترجح ..
- تفتح المياه من أماكن جانبيه في الأرض المنخفضة التي تسير عليها المدرعات .. تغرق الأرض تماماً .. المدرعات تغرز ..
- ينطلق أكثر من مدفع جرينوف من دوشم فوق منازل الجزيرة .. لكنها لا تتجه ناحية المدرعات أو العساكر .. إنها تصوب فوقهم .. إلى النخيل ..
- يدقق رشدي النظر إلي ما أخفى داخل النخيل ثم تتسع عينيه .. أنها أنابيب بوتجاز أخفيت في النخيل ..
- يقترب أحد الزوارق من شاطئ الجزيرة .. لا مقاومة هنا .. تستعد القوات للنزول .. يلاحظ أولهم أسماك ميتة طافية .. يلاحظ هذا مع دفع زملائه له للنزول على الشاطئ .. بمجرد ملامسته للماء ينتفض في شدة .. المياه مكهربة .. يتراجع زملائه ويحاولون إنقاذه ويصيحون في الزوارق الأخرى أن المياه مكهربة ..
- تنفجر أنبوية فوق مجموعة من العساكر .. يتساقط نصفهم مصابين .. تتوقف مدرعه .. تنفجر أنبوية أخرى .. يصاب الكثير من العساكر لكن تستمر القوات في التقدم ..
يظهر عند مدخل الجزيرة الرهائن ومقيدين من أيديهم .. ورائهم رجال منصور يقاتلون من ورائهم ..
الرهائن أطفال وشيوخ ونساء ..
يتوقف بعض الضباط عن إطلاق النار .. يجن جنون رشدي وهدان ..
يتردد الضباط ..

مساعد الوزير

(في اللاسلكي)

محدث يضرب نار .. محدث يضرب نار معاهم
رهاين .. أرجعوا .. كل القوات ترجع .. أرجعوا

رشدي وهدان

دول معاهم .. دول أهاليهم يا فندم ..

يغلق اللاسلكي ..

مساعد الوزير

أنا مقدرش أتحمل مسئوليته زي دي ..

الجزيرة

181 م

ن/خ

مجموعة من الأشخاص يتابعون شاشه تليفزيون صغير خارج أحد المنازل يشاهدون قناة الجزيرة .

مذيع الجزيرة

يذكر أن مقتحم سجن أسيوط هو مجرم يقود جماعة
من الخارجين عن القانون يدعي منصور حفني وهذه
ليست المرة الأولى التي يتعدى فيها سلطه الدولة ..

مدرعة تتبعها مجموعات من عساكر الأمن المركزي تخترق الشارع .. يلتفت لهم الجميع في
ذعر ..

ل / خ

م / 182

شوارع القاهرة

سيارة توزيع الجرائد .. تلقي برزمه من الجرائد .. لبائع على الرصيف .. على الصفحة
الأولى للأهرام .. إمبراطور الصعيد يمنع الشرطة من اقتحام حصنه ..
- بائع صحف ليلي أخرى وقد تجمعت حوله الناس تقرأ في شغف ما تصدر
كل الصحف ..
- حرب بين الشرطة ومنصور حفني تنتهي بإنتصاره ..
- منصور حفني يساوم الحكومة ..

ن / خ

م / 183

الجزيرة

الرهائن يجلسون بجانب بعضهم .. بينهم النساء و الأطفال و كبار السن ... رجال
منصور لا يصوبون إليهم بنادقهم
الأطفال يصرخون و يبدو على النساء و كبار السن التعب ... ينظرون إلي رجل عجوز
ويشيرون إليه بأعينهم أن يتحرك ينفصل الرجل عجوز منهم .. يقوم و يتجه لمنصور ..
يقف رجال منصور بينه و بين منصور ... يراه منصور ..

العجوز

يا كبير .. النسوان تعبت و العيال عماله تبكي و
احنا مش قادرين ...
يهز منصور رأسه وكأنه يوافق ..

العجوز

احنا كبار على البهدلة دي و انت طول عمرك كريم
معانا ..

منصور

(للرهائن)

عايز تمشوا .. دلوقتي .. طبعاً أنتو تعبتوا .. مرتاحين
بقالكوا سنين .. أحسن أكل و أحسن شرب .. تعليم
ودوا ببلاش .. كله على الحساب ..
بنبره أقوى و غضب ..

منصور

بس كان المفروض تعرفوا أن مفيش حاجة ببلاش ..
انتوا مش قاعدين هنا بمزاجكو .. اللي مخدش مني
حاجة يقوم ويمشي ..

ينظر الرهائن لبعضهم في رهبة .. منصور يخرج مسدسه ..

منصور

هو ده الوحيد اللي حقه يمشي .. اللي مخدش مني

حاجه .. أنا عايز واحد يقوم

لا يتحرك أي منهم .. تحاول أم أسكات طفلها الذي يصرخ .. يبدو عليها الخوف ..

منصور

(للعجوز)

أقعد يا عم الحج أحنأ لسه بنقول يا هادي

يرجع الرجل العجوز وهو يجر رجليه .. يشير منصور لرجاله فيصوبوا بنادقهم للرهائن ..

ن / خ

م / 184

ضفة النيل أمام الجزيرة

ضابط وسط القوات بالضبط يحمل مكبر صوت .. حوله مجموعة لواءات شرطة ورجل وقور يرتدي ملابس الصعيد ..

الضابط (عبر مكبر الصوت)

هنيئلكوا اللواء منتصر فريد وكبير الهاليله يتفاوضوا

معاكوا .. محدش يضرب نار .. هما مش مسلحين ..

لا إجابة من ناحية الجزيرة ..

يتحرك اللواء وكبير الهاليله ناحية الجزيرة ببطء ..

خطوات ثم يستوقفهم إطلاق نار أمامهم بامتار .. أنها رسالة اعتراض على حضورهم

ل / خ

م / 185

أمام الجزيرة

طارق بجانب اللواء أحمد هيبه مساعد الوزير الذي يراقب الجزيرة بمنظار مقرب وإلي جانبه رشدي ..

اللواء أحمد أبو هيبه

أسيبك تخش عند منصور ليه ..

طارق

أديني نص ساعه .. آخر أمر الهجوم نص

ساعه ..

رشدي

هتخش تعمل إيه يا طارق

طارق

(بتحدي)

هاخش أجيبه يا فندم بدل مانعرض حياتنا و

حياة الناس دي للخطر ..

اللواء أحمد أبو هيبه

حتى لو أديتك الأذن هتخش إزاي .. ده ضرب نار
علياً أنا شخصياً ..

طارق

هاخش على مسئوليتي يا فندم ...

بيدو اللواء مترددا ...

رشدي

بلاش يا طارق ... صدقني انت مش عايز تخش
جوه. ده خلاص بقى زي الكلب السعران

طارق

اسمجلي يا فندم

ل / خ

م / 186

أمام الجزيرة

الضابط ذو مكبر صوت ..

الضابط

هنبعتك الرائد طارق بسيوني .. محدش يضرب نار

طارق يسلم سلاحه لخالد ..

خالد

بلاش يا أفندم .. الناحية الثانية كلها مجرمين ..

طارق

يا ريت الناحية الثانية بس هي اللي فيها مجرمين ..

يتحرك طارق ناحية الجزيرة .. خطوات تتبعها خطوات مترقبة .. يعبر المنطقة التي ضرب

النار فيها على اللوئات ..

الآن يدخل الجزيرة ..

ل / خ

م / 187

مدخل الجزيرة

طارق يعبر مدخل الجزيرة .. الكثير من الأسلحة مصوبة إليه من أشخاص ملثمين .. يتحرك

أكثر للداخل فيرى على يساره حوالي خمسون فرداً ما بين رجل وأمرأة وطفل يجلسون على

الأرض والأسلحة مصوبة إليهم هذه المرة .. أنهم الرهائن يبدون متعبين للغاية .. ينظرون

لطارق في لهفة لينقذهم .. يرى بينهم الناس الذين سألهم عن منصور الخاله والكهل والشاب

..

يوقفه رجال منصور في عنف يفتشونه ويوقفونه على ركبتيه ويده فوق رأسه .. يقتادوه بعدها

إلى داخل الجزيرة ..

منصور حفتي يجلس على شرفه منزله ..

يتبادل منصور وطارق نظره كلها غضب .. يتكون طارق. يقترب منه منصور ..

طارق

البقية في حياتك

يصوب منصور مسدسه إلى رأس طارق ..

منصور

لوقلتك حياتك الباقية احتمال أبقى بكذب عليك ..
لأني مش عارف إذا كان فيها باقي ولا لا ..

ل / خ

م / 188

الأراضي الزراعيه / الجزيرة

منصور يصوب مسدساً إلي طارق الذي يسير أمامه .. يسيران وحدهما ..

منصور

أنا قلت للرجال ما يطوخكش وأنت داخل علشان
أقتك بنفسي

طارق

مش عيبه في حقتك أنك تقتل ضيفك ..

منصور

لو فاهم التقاليد والعادات مليح كده .. كان لازم
تعرف أنه مش عيبه لما تقتل الخاين

طارق

أنا اللي خنت يا منصور !! أنا لو خنت مكنتش
هدخلك بعدها

يوقفه منصور .. يفتشه في سرعه ..

منصور

لتكون جاي تقتلني .. جاي تخلص اللي قريبك
مقدرش عليه

يضرب طارق المسدس من يد منصور في سرعة فيطير بعيداً ..

طارق

أنا لو عايز أقتك كان زمانك ميت ..

ينظر له منصور ثم يهجم عليه في شراسه .. يحاول طارق تفاديه باحتراف لكن منصور
مندفع بشده .. يسقطان أرضاً .. يتبادلان الكلمات في قوة وعنف ..
يتبادلان لكلمات ..

منصور

وزيتوا حسن عليا وبعدين قتلته ..

- طارق ومنصور يظهران في عدسه منظار قناص .. القناص على جانب
القوات فوق عماره عاليه ..

- رشدي وهدان يمسك باللاسلكي من موقعه أمام الجزيرة وسط القوات ..

رشدي وهدان

الهدف واضح ؟

القناص لا يستطيع التصويب على منصور لأن طارق في مرماه ..
القناص

لسه ..

طارق

أنا مليش علاقه بموت حسن ..

يهجم عليه منصور وهو يصيح ..

منصور

أصدقك ازاي و حسن قالى بلسانه قبل مايطخني

انه قابل رشدي ... و رجالتي شافوك فوق جثة حسن

.. الحكومة عايزة تقتلني .. يبقى هاتخذوا البلد كلها

معايا ..

يتفاداه طارق هذه المره .. منصور يسقط أرضاً ..

طارق

أنا ماقتلتهوش ... أنا وصلت بعد ماقتل ..

منصور يجد المسدس بجانبه .. طارق يرى المسدس بجانب منصور ..

طارق

بلاش يا منصور .. شايف العماره العاليه اللي

ورايا ..

يلتفت منصور للعماره التي على الطرف المقابل للجزيره ..

طارق

بص كويس هتشوف واحد ماسك بنقديه ومصوبها

ناحيتنا .. ده قناص ..

ينظر منصور مدفعاً ليرى القناص ..

وجهه نظر القناص طارق يخفي منصور وراه ..

القناص

الرائد طارق هو اللي في مرمايه يا أفندم ..

رشدي

(يصرخ)

هما بيتنيلوا بيعملوا إيه ..

طارق

أنا اللي بينك وبينه .. لو أنا عايز فعلاً أقتلك هاجي

يمين سنه أو شمال سنه ..

ينظر له منصور مفكراً ..

طارق

أنا دخلتك تاني علشان أعرفك ان أنا مش زي رشدي

.. و انك مش لازم تموت و الناس دي كلها تموت

معاك ..

وجهه نظر القناص .. طارق ووراه منصور بيتعدان بطريقه تخفي منصور وراه طارق ..

القناص

بيتحركوا بعيد ..

رشدي
(بنفاز صبر)

أضرب الهدف
يد القناص تداعب الزناد

القناص

الرائد طارق في المرمى بتاعي

رشدي

(بجنون)

بقلك أضرب .. أضرب ..

- طارق يمشي بحذر وهو يوجه منصور حتى يصلإ إلي جدار يفصلهم عن القناص .. يهدأ الأثنان .
- يتنفس القناص الصعداء ..

القناص

الهدف خرج عن المرمى يا أقندم ..

رشدي يرمي اللاسلكي على الأرض في غضب ..

ن / خ

م / 189

وراء الجدار

طارق ومنصور وراء الجدار يجلسان على الأرض وهما ينهجان .. الأثنان ينزفان من ضربهما لبعض ينظران لبعضهما نظره مختلفه .. منصور يضع المسدس في ملابسه ..

منصور

كنا عايزين نضايفك ... بس أحسن تطلع قبل ما الدنيا تمطر رصاص ..

طارق

مش هاتعقل يا منصور ..

منصور

و اللي انت عايزه مني هو العقل ... و أنا لو سلمت نفسي هيسيوني أعيش .. أنا هافضل وسط رجالتي .. لآخر طلقة ..

طارق

احنا معانا طلق أكثر ..

منصور

هتزهقوا يا بيه ... الطلقة عندنا بعشرة من عندكو .. انتوا بتسلموا الفوارغ و بتضربوا زي الغشم في كل حته .. احنا عندنا الطلقة بواحد ...

طارق

مش مهم مين يقتل للتاني أكثر .. الرهايو

ملهاش ذنب دي تموت ليه ... مش أهل بلدك دول ...
مقيش حد منهم فارق معاك ..

منصور

الكبير يا بيه ميحبش حاجة و لا حد للدرجة اللي
تبكيه عليه .. انت آخر واحد هايخرج من الجزيرة و
بعدها ماحدثش هايخرج واصل ..

ل / خ

م / 190

الجزيره

كشافات أضاءه قويه تنار باتجاه الجزيره لتحيل المكان إلي نهار .. طارق الذي يسرع
الخطي باتجاه القوات المراهضه على الناحيه الأخرى من الجزيره يخفي عينه وراء يده ..
يتجمع الضباط حول طارق

ضابط

أيه اللي حصل يا طارق

ضابط آخر

منصور عايز أيه

ينظر طارق حوله

- فلاش باك -

طارق مع مساعد الوزير ..

طارق

لما كانوا يعرفوا أن أهلهم في أمان كانوا بيحاربوا
بعض أشد ميت مره

مساعد الوزير

لازم تسيبلهم حاجه يخافوا عليها

- نهاية فلاش باك -

شروق / خ

م / 191

مدخل الجزيره

منصور يخترق صفوف رجاله في سرعة و يبدو عليه القلق ..
كريمة تدخل من مدخل الجزيرة ...
منصور يصل الى مدخل الجزيرة ليري كريمة ..

منصور (بغضب)

أيه اللي جابك ... انت عايزة تموتي ..

كريمة

اشمعنى انت عايز تموت ..

منصور

انت دخلت ازاي؟؟

رشدي على جانب القوات يتكلم في اللاسلكي بجانب الكردون الذي يمنع الناس من الدخول

مجموعة من رجال النجايحة يبدو عليهم الغضب يريدون العبور ...

ضابط (لرشدي في اللاسلكي)

الرائد طارق هو اللي عداها ..

رشدي (في اللاسلكي بغضب)

محدث يأخذ أوامر من الرائد طارق بسيوني ،

مساعد الوزير أعفاه من مهامه ..

يتجه رشدي نحو النجايحة ...

توفيق ناجح

الفاجرة جابتلنا العار سيبونا نخش نغسل

عارنا ...

رشدي يشير لرجاله أن يسمحوا لهم بالعبور .. يدخلون مسرعين ..

رشدي (في اللاسلكي لمساعد الوزير)

رجالة منصور هيبدووا يقتلوا الرهاين ... لازم نبدا

الهجوم ...

مساعد الوزير

ابدؤوا الهجوم ..

رشدي (في اللاسلكي)

ابدؤوا الهجوم ..

يسمع طارق قرار مساعد الوزير

صوت انفجار تنقطع بعدها الكهرباء ... طلقات الرصاص تنهمر كالطرر ..

شروق / خ

م 192

الجزيره / ناحيه قوات الشرطة

طارق وسط فريقه وهو يرتدي صديري واقى من الرصاص في في سرعه ..

طارق

اللي هيجي معايا احتمال يعرض نفسه للمسانله ..

بس لو مدخلناش منصور هي موت وهموت الحقيقة

معاه ..

خالد

بتضيع وقتك ما أنت عارف أن كلنا جاين

ن / خ

م / 193

داخل الجزيره

رجال الشرطة يصطادون رجال منصور الواحد بعد الآخر .. يعملون باحتراف شديد ..

منصور يجري وفي يده كريمه .. لا يكثرث للحرب الدائره حوله

منصور

في مركب صغيره مخيبيها .. هتخديها وتهربي

كريمه

وانت معايا

منصور

أنا ماهربش

كريمه

مش هسيبك .. يا نموت سوا .. يا نعيش سوا

منصور

أنا خلاص مابقاش ينفع أعيش

كريمه

سلم نفسك

منصور

أموت أهون

كريمه

يبقى حكمت عليا معاك بالموت ..

يلمح من بعيد المركب الصغيره وجولها مراكب الشرطة قد وصلت ..

يتراجع ويبدأ في إطلاق النار .. الشرطة في كل مكان .. لا مخرج .. حصان منصور غارق

في دمانه على الأرض ..

طارق يقود فريقه الأكثر احترافاً يقتلون الواحد بعد الآخر ..

طارق يبحث بعينه عن منصور ..

رشدي يدخل الجزيره ووراءه عواد .. لا قتال عند مدخل الجزيره الآن .. فقط جثث رجال

منصور .. عواد يتفحص القتلى ويبعد أسلحتهم عنهم ..

رجال الشرطة يحاصرون شخص يطلق مدفع جرينوف بغزازه من داخل منزل .. يتجه إلي

هناك طارق وفريقه ..

طارق

(يصرخ)

منصور .. منصور

يتوقف إطلاق النار من المدفع

منصور

دخلت كريمه ليه .. كنت سبيبتهم يقتلونني أحسن ..

يطلق دفعه جديده من المدفع .. الكل يختبئ وراء جدران المنازل

طارق

أنا مش عايزك تموت يا منصور .. أنا عايز أحملك ..

ما تساعدهممش أنهم يقتلوك

أنا داخلك يا منصور .. معيش سلاح

يتحرك طارق ناحيه المنزل ببطء .. يدخل إليه فيرى منصور على المدفع ووراءه كريمه مختبئه

خلفه .. منصور ما زال مصوباً المدفع لطارق

منصور

طلع كريمه أنا مش طالع..

طارق

هاتطلع يا منصور و هاتسلم نفسك ... أنا عارف ان
لسه معاك طلق , بس أنا هافضل هنا لغاية
ماتخلصه , مش هاخليك تموت نفسك يا منصور ..

يقترب طارق أكثر ...

طارق

أنتوا اللي أتنين في حمايتي يا منصور .. مفيش
ضابط ولا عسكري هيقربلكوا .. أقسمك بالله

منصور يفكر ..

ن / خ

م / 194

خارج الجزيرة

صوت طارق على لاسلكي ضابط مرابض خارج الجزيرة :

صوت طارق

منصور حفني معايا مش مسلح .. محدش يضرب
نار .. بكرر منصور حفني سلم نفسه معايا ..
محدش يضرب نار ..

الرسالة تصل لكل ضابط وعسكري على اللاسلكي الخاص به ..

طارق وفريقه يحيطون بمنصور و كريمه في شكل دائره .. يخرجون من مدخل الجزيرة ..
مئات من الضباط والعساكر ينزلون أسلحتهم بيدو عليهم الارتياح .. الأمر أنتهي بالقبض
على منصور .. السكون يملا المكان أخيراً ..

طارق ورجاله عند منتصف الطريق من الجزيرة لضفة النيل ..
طلقه تصيب قلب كريمه تقتل الهدوء .. أنه توفيق أخوها .. منصور يسحب مسدس الضابط
من فريق طارق و في نفس الوقت مع طارق يطلقون النار على توفيق ..
كريمه تنزف وتموت بين يدي منصور الذي يبكي لأول مره .. يترك المسدس لطارق الذي
يأخذه منه و لا يقاوم ..

منصور

كريمه

فريق طارق يحيط بمنصور ويبعده حتى لا يقتله أحد .. يحاول أن يقاوم لكنه يأخذه
بعيداً ..

منصور (يصرخ)

كريمه

طارق يسند كريمه بتأثر .. كريمه تنزف من فمها .. تنظر لمنصور وهو يبتعد .. تشير بيديها
بالإشارة التي تعني أنها تعشقه ..

كريمه (تهمس)

بعشقتك ..

منصور (يبكي)

كريمه ..

يشير لها منصور بالإشارة أنه أسف .. تغمض كريمه عينها للأبد .. بينما منصور يبتعد ..
الحمام يلف حول الجزيرة بلا توقف ..
منزل منصور تحول إلي مصفاه .. كقوف الأيدي التي طبعتها أيدي منصور وعائلته بهتت
للغايه ..

Fade To Black

م / 195

ن / د

مستشفى

ممرض يجر عربه الطعام ويستعد للدخول لغرفة فؤاد بسيوني ..
يستوقفه طارق الذي تغير شكله تماماً .. يبدو على مظهره الأهمال .. ذقنه غير حليقه وعينه
متورمه من عدم النوم ..

طارق

مدخله أنا

يستسلم له الممرض ويهم بالانصراف .. يسحب طارق جريده مطويه مختفيه خلف بالطو
المرض ..

طارق

وده كمان

م / 196

ن / د

مستشفى / غرفة فؤاد بسيوني

يدخل طارق .. فؤاد بسيوني يبدو عليه الوجوم .. يضع الجريده بجانب والده على السرير ..

طارق

.. شكلك أحسن الحمد لله

مانشيت على صدر الجريده عليه صورة منصور وخبر عن بدء محاكمته .. فؤاد بسيوني
ينظر بعينه فقط للمانشيت بدون أن يحرك الجريده ..

يفتح طارق الباب و يدخل ... طارق واجم ..

فؤاد بسيوني عينه على الباب و كأنه منتظره ... فؤاد بسيوني يدخن سيجارة و بجانبه
طفاية بها أكثر من سيجارة مطفأة ...

فؤاد بسيوني

انت ايه اللي جابك ... انت مش عندك شغل ..

طارق

جاي أسألك أعمل ايه !! اتصرف زي ماربنتي طول

عمرك و اكشف الحقيقه و أشوه أقرب الناس ليه .. و

لا أتصرف زي ما اللواء فؤاد بسيوني كان بيتصرف

"الغاية تبرر الوسيلة" و أسيب الحقيقه تضل ..

فؤاد بسيوني

انت جاي تتهمني .. انت ايش فهمك انت .. اللي عملته صبح و لو رجع بيا الزمن تاني هاعمله تاني و تالت و رابع ...

طارق

صبح ازاي !!!

فؤاد بسيوني

ماتعمليش زي اللي بيدافعولي عن حقوق الانسان و الكلام الفاضي ده و مش موافقين على الضرب في أقسام البوليس ... و كلهم أول ما الخدمة تسرق منه حاجة ... يدوروا وشهم الناحية الثانية و يقولوا عايزين حاجتنا مش مهم ازاي

طارق

و افرض الخدمة طلعت بريئة ...

فؤاد بسيوني

أنا ماقلتش الطريقة دي مالهاش عيوب ... بس نتايجها فعالة ... خلصنا على الارهاب , و السياحة شدت حيلها .. ماحدث بقى بيسمع صوت للصعيد ... لولا اللي أنا عملته عمرنا ما كنا هانبقى في الأمان ده ...

طارق

أه أمان ... الصعيد كله أمان دلوقت فعلا ... على فكرة الصعيد ماحدث بقى بيسمعوا صوت عشان انتوا دفنتوه ..

فؤاد بسيوني

دفنا المجرمين ... المجرمين اللي زي منصور .. نصفنا البلد ... يا ابني أنا عارف اني فاضلي أيام و أقابل ربنا .. و هاقابله و أنا مش خايف لأني عارف اني عملت الصبح ...

طارق (بحسم)

أنا ابنك و باقلك انك لازم تبدأ تخاف ... و أحسن تقضي الأيام اللي فاضله بتستغفر ... يخرج من الغرفة المليئة بالدخان وسط زهول فؤاد بسيوني الذي صعفته الاجابة .. تتجمد المشاعر على وجه طارق .. يخرج فؤاد سيجاره .. يشعلها ..

ن / د

م / 197

محكمة

قاعة المحكمة ممثله عن آخرها .. صحفيون ووكالات أنباء ..

منصور في القفص مكبل بالجنائز كمتعقلي جوانتانمو .. يبدو عليه الوجوم والحزن وكيل
النيابة يترافع أمام المحكمة .. طارق جالس في قاعة المحكمة وسط الجمهور ..

ن / خ

م / 198

خارج المحكمة

منصور يخرج من قاعة المحكمة وسط دائرة من العساكر والشرطة تحيطها دائره أكبر من
الصحفيين ومراسلي التلفزيونات ..

منصور

ماتخافش سرك في بير ...

طارق

كان لازم تتكلم يا منصور ... قول الحقيقة تبقى

عملت حاجه صح مره في حياتك

نرى منصور وطارق من خلال منظار قناص فوق أحد العمارات المقابله للمحكمة

منصور

الصبح بتاعنا غير الصبح بتاعكوا ..

طارق

الصبح واحد في كل مكان يا منصور ..

منصور

ماكنش حد عمل غلط يا بيه ..

طارق

..شكلي عمري ماهاقابل حد ناوي يعترف ان هو

غلطان ...

- رجال منصور حاملين سلاح و يتقدموا منهم فضل .

منصور

هاتقابل كثير ... بس يوم القيامة ..

- قوات الأمن حولهم

- شخص يصوب مسدسا من سيارة زجاجها أسود ...

طارق

عندك حق يا منصور ... على الله ما أقابلش الناس

كلها

- يهز منصور مقتنعا بما قاله طارق .. يبتسم منصور ..

- طارق يبتسم

منصور

أخيرا اتفقنا على حاجة ..

- الشخص يعمر البندقية ..

- الرجل الآخر ينزل من العربة بالمسدس ..

- رجال منصور يتحركوا ..

- من وجهة نظر منظار البندقية طارق و منصور معا ..

- ظلام دامس ..

- صوت طلقات ..

ثم طلقه القناص .. بعدها هدوء ..

ظلام دامس وسكون تام

فحم يتقد فجأة داخل ماشه وتخرج منه شراره مفاجأة عندما ينفخ فيه على

الصغير .. لا يهتز مع اقتراب الشرارات من وجهه بالظبط كجده على حفني في

أول الفيلم ..

النهاية

بالتوفيق بإذن الله